

NDI



HW 2H9V D

# Tweilicht.

En drüdd Reig'  
plattdütsche Gedichte


VON

August Seemann.

Berlin 1907.

Verlag von W. Röwer.

KE 28157



*Zinn*  
*Christen, die wir*  
*haben, sind / 4. 1894.*

# **Tweilicht.**

---

**En drüdd Reig' plattdüffsche Gedichte**

von

**August Seemann.**



Berlin 1907.  
Verlag von W. Röwer.

KE 28157




H. L. Pierce

## Sinen Brauder Rorl.



## Zweilicht. \*)

Laur Döp.


 in Ogen will ik taumaken, taumaken drang'  
un dicht,  
 Dat nich mihr von buten rinner kann kamen ein Spierken  
Eicht.  
 Un wat s' an Ansichten un Biller dagsæwer deden sinn'n,  
 Dat smiten sei nu nah achter un verstaunen dat dor binn'n.  
 Wat Wold un Well ded' runschen, wat Bâf un Busch  
vertellt,  
 Wat düller dat Blaut ded' driben, wat hōger dei Bosten  
swellt,  
 Wat noch von olle Tiden in Welt un Minschen lēwt  
 Un wat an frische Wöttel un Schüß tau hōchten strēwt.  
 Un still ward dat nu warden, still as in 'n Mudderschot,  
 Dat is för nige Wesen dat best un kräftigst Brot,  
 Denn fängt dat an tau raschen as 'n ansürt Weitendeiz,  
 Denn sprätt dat rings gor lustig in bunte folg' un Reig'.  
 Dor sleist du denn din Slachten, dor bugst din Slater du,  
 Dor blāuhn din besten freuden, dor sinnst du uß din Ruh.  
 Dor lacht, wat di deit locken, dor brugst uß, wat di narret,  
 Dor wahnt din Gott un Düwel: dor in din eigen Hart.

\*) Zwieliht, Dämmerung.

Is weit, dat oft ein Käsen un Gräsen döör di treckt,  
 As wenn in Busch un Dschungeln ein Tiger rasch sit recht —  
 Is säuhl, dat is ein Krankheit, ein Weder un ein Schur,  
 Dor segt mit scharpen Bessen di rein denn dei Natur.

Is säuhl, uß dat 's ein Krankheit: du müchst ein Herrscher  
 sin,  
 Dei ganze Welt ehr'n Rißdum woll in di slucken rin.  
 Un nahst alls rut wedder spigen, as ded' di dat blot weih,  
 Deist weimern denn un klagern, sackst as 'n Künd inne Knei.

Un Mudder Sünne, dei lächelt, un Vadder Heben, dei lacht;  
 So hewwen sei ehr Kinner sit allsindag' nich dacht:  
 „Wat herrschen hier, wat deinen, wen liht hier un wecker  
 liht.

Ji hollen alltaufamen dat Bauß jo noch verfiht!

Dei Rüm is vull von Borens, dei Tit is vull von Saft,  
 All's hewwen will'n dei Kinner. Wat einen bekümmert,  
 is Kraft.

Deden seien Stoff un Eßen, Geist un Gemäut woll ut.  
 Nu rührt juch an dei Mischung un säukt dat Best juch rut.

Eat't drist un gottesfürchtig dei Sünne juch brennen up 't  
 fell,

Drinkst ut dei düster Nachten as ut 'n deipen Quell,  
 Doch wenn sei beid' tausam gahn mit'nanner Hand in  
 Hand,

Denn lat't den Freuden trocken uß rinne in jug' Land.


So twischen Dag un Nachten un twischen Nacht un Dag,  
 Dor säuhlt ji jug' künftig Eßen un hürt jugen Hartens-  
 slag.

Dat is nich blot ein Kampf mihr, dat is nich blot ein  
 Drom,  
 Dat is ein stille Bläuen woll von ein Wunnerblom,

Ein Ineinanderwehen, ein Miteinannergahn,  
 Ein Sikeinannerhelfen, ein Ganzungorverstahn,  
 Ein Geben un ein Nehmen — — hört ji dei Engel sing'n:  
 Kamt mit, kamt mit, wi will'n juch nah'n Himmel rinner-  
 bring'n!" —







## I. Kedenrimels.

### Ein Lied.

Al dat Singen,  
Al dat Klingen,  
Dat dörch hei' un feller stakt;  
Al dat Summen,  
Al dat Brummen,  
Dat dor Mügg un Sferwer maakt;  
Al dat Driwen,  
Al dat Kiwen,  
Dat in Dirns un Jungens steckt;  
Al dat Tuckern,  
Al dat Puckern,  
Wat dei Eiwselüd' neekt un ject;  
Al dat Riten,  
Al dat Biten,  
Wat dörch Seel un Eiwer flüggt;  
Al dat Hasten,  
Al dat Rasten,  
Dat an Tit un Welten süggt;  
Al dat Drängen,  
Al dat Lengen  
Dörch dei Rüm hen wit un sit:

Dau dat faten  
Unverdraten,  
Du min lüttet, leiwet Eied!



### Rulle, rulle, Wagen . . .

Rulle, rulle, Wagen,  
Sast in dei Welt mi dragen,  
Dor gift dat Bier un säuten Win  
Un lütte Jumsers, smuck un fin,  
Un bunte Biller un schöne Wärd'  
Un ganz gefährlich klauke Eäd'.  
Dor willn wi dat Leben geneiten  
Un ornlich koppheister scheiten.  
Rull rascher, rascher, Wagen! —

Rulle, rulle, Wagen,  
Sast mi nah Hus wedder dragen.  
Dei Welt is nich 'n Sößling wirt,  
Dei towet dor as ein willet Diert,  
Dat rönnt un rowt un bölst un bitt  
Un einen dei Seel ut 'n Eiw rutritt.  
Will unner Eifen un Bäumen  
Mi 'n stille Graffstääd' säufen.  
Rull rascher, rascher, Wagen!



## Hewer den Tun.

**H**ewer den Tun

Kickt dei oll Voß, dei brun,  
Eische, eische, du Vadder mann du,  
Wist unsen Hof mal laten in Ruh!  
Wist di blot von uns' Hühner weck halen —  
Täuf, it will di mit 'n Schacht bitahlen,

Hewer den Tun

Kiken dei Nat, so brun.  
Maken ein heil fründlich Gesicht.  
Ja, ji salt mi smecken nich slicht;  
Will juch rasen, will juch ratern,  
Will juch all tausamen raspætern.

Hewer den Tun

Kickt Nahwersch Greit, dei brun.  
Dunner, Pirn, wat büßt du smuck!  
Kumm, einen Kuß! Na, holl doch Tuck!  
Noch einen, du lütt Snickermus,  
Kumm as min leiw fru in't Hus!

Hewer den Tun

Kickt dei oll Welt so brun  
Un brummt un towet un schimpft un schellt,  
Bliw du man buten, du böse Welt.  
Will'n nig nich weiten von din Prahlen un Driben,  
Du kannst uns ruhig stahlen bliben.



## Grisen — gragen — grau.

Grisen — gragen — grau,  
 Ut de Wischen stiggt de Dau,  
 Un æwer'n Holt her lif' un sacht  
 Kümmt langsam ran dei düster Nacht  
 Un sei't æwre Welt dei Rauh  
 Gisen — gragen — grau.

Gisen — gragen — grau,  
 It bün so mäud' und flau.  
 Dei Dag, dei hadd son willen Sinn,  
 Kumm, Nacht, un weig' mi sanfteu in  
 Un deck mi stilling tau —  
 Gisen — gragen — grau.

Gisen — gragen — grau,  
 Hörst nich mihr Mies noch Mau,  
 Un blot din Hart, dat lengt un sleit,  
 Un æwer Braß un Barg' dat geiht  
 In 'e firm, ämmer wider, ämmertau —  
 Gisen — gragen — grau.

Gisen — gragen — grau,  
 Wann kümmt dei lehte Rauh?  
 Wenn Eif un Seelen mäud' sünd wort'n,  
 Denn kamen s' in den ew'gen Gor'n,  
 Denn deckt dei Dod uns tau — —  
 Gisen — gragen — grau.



## Sagen.

Sige — sage Holt entwei  
 Dei Sag' mit scharpe Tähn.  
 Wat knurrst du, Knorr'n, wat brummst du, Bork?  
 Weit't nich, för wat, för wen?  
 Holt still! — Ji sælt dei Supp mi kafen,  
 Ji sælt dei Stuben warm mi maken:  
 Sni — sna, sni — sna, sni af!

Sige — sage Hart intwei  
 Dei Dag mit scharpe Tähn,  
 Wat rohrst du, Kind, wat klagst du, Kirl,  
 Geiht 't juch dörch Seel un Sehn?  
 Holt still! Dei Macht, dei juch ded' maken,  
 führt woll tau Gauden uck jug' Saken:  
 Sni — sna, sni — sna, sni af!



## Eija . . .

Eija, wih, wih,  
 Weder stöppt æwer Nacht bi mi?  
 Dat is nich Hund un Miesekatt,  
 Min Hanning is dat, schier un glatt — —  
 Slæping, slæping in!

Eija, kark, kark,  
 Gah morr'n mit di tau Mark  
 Un kôp di Strämp un blanke Schauh  
 Un 'n säuten Kringel uck dortau — —  
 Slæping, slæping in!

Eija, pack, pack,  
 Kümmt wen mit 'n groten Sack.  
 Dei Sandmann sei't so rasch un gau,  
 Sei't min Hanning dei Ogen tau — —  
 Släping, släping in!

Eija, ruck lu,  
 Du, Wind, snack nich so lu.  
 Du kümmt doch hüt so wit al her,  
 Nu geh man endlich of tau Bedd.  
 Släping, släping in!

Eija, jick jick,  
 Wat ruffelt dor von 'n Dack?  
 Vagels kamen von hoge Böm,  
 Bringen minen Hanning säute Dröm — —  
 Släping, släping in!

Eija, kumm mit  
 Woll ewer Stein un Gnitt,  
 Woll ewer Hackeltun un Soll,  
 Wur dei Engels danzen woll — —  
 Släping, släping in!

Eija, tick, tick,  
 Weder geiht dor ewer dei Brägg?  
 Dat is dei Man in 'n gollen Schin,  
 Eucht' uns' Hanning nah 'n Himmel rin — —  
 Släping, släping in!



### Vierblatt.

Unsen Unkel sin lütt Wischen,  
 Dei dreggt girn witte Rüschen  
 Un swarte Strümp un geſe Schauh  
 Un 'n bunten Kledrock uſ dortau.  
 „Süh ſo?“

Unsen Unkel sin Trindärten,  
 Dei deit girn rümmerſirten  
 Tau Danz un Mark, verdauz, verdollſch  
 Un ſnaſen kann ſ' di as ein Ollſch.  
 „Man to!“

Unsen Unkel sin 'Korlin,  
 Dei drinkt girn ſäuten Win,  
 Un 'n kräftig Supp un 'n leckern Braden  
 Deit ſ' allmindag' uſ nich verſmaden.  
 „Jh ne?“

Unsen Unkel sin Margreten  
 Sitt dor as rein vergeſen  
 Un ſickt in den blauen Sünneſchin — —  
 Dat ſall min lütte Brut nu ſin! —  
 „Juchhe!“



### Kakeln.

Peiterki, min Gakelhahn,  
 Wat deit unſe leiwe Jan? —  
 Em 's woll dei Peiterzill verhaſelt?  
 Js woll ganz un gor vernagelt,

As fehlt em dit un fehlt em dat,  
Geiht ümher, as söcht hei wat.

Gaf, gaf, gaf, min Leggelhuhn,  
Wat deit Mahwers Eischen daun?  
Knütt un Klugen ligg'n in 'n Schot,  
Kickt in 'n Heben mit Ögings so grot,  
Sitt un druckst so ganz allein,  
Fängt woll gor noch an tau weinen. —

Kickri, gaf gaf, — Hahn un Huhn.  
Juch, wat daun dei beiden daun.  
Sitten unner dei olle Einn,  
Kännen ehr Wehldag' kein Einn nich finnn.  
Heweln un küssen sich ut un dut,  
Jan is Bräjam un Eisch is Brut.



### Rufe, rufe, Wind.

Rufe, rufe, Wind,  
Hen nah min schönst Kind.  
Dor ach!re Bäl in 'n deipen Grund,  
Wur dat Mählenrad löppt rund.  
Maß un bring mi denn Bescheid,  
Wur ehr dat upstunns woll geiht.  
Rufe, rufe, Wind.

Still doch, still doch, Wind,  
Stär nich min leiwet Kind.  
Dat Feuer kem un föt ehr an,  
Wat dat ehr nich dalkriegen kann.



Dei Dokter geiht dor ut un in,  
 O Gott, gew em den rechten Sinn.  
 Still doch, still doch, Wind.

Weine, weine, Wind,  
 Woll üm min armet Kind.  
 Wat ded' di, Dod, min lütte Dirn?  
 Ik weer för ehr mitgan so girn.  
 Dicht an dei Karl is nu ehr Bedd.  
 Wecker bringt min leuwe Dirn wedder her?  
 Wein mit mi, mit mi, Wind.



### Dufende.

Dufende gahn döörch 't Lēben un wāußen,  
 Rēfen sik gor woll tau dei Slāußen,  
 Wenn sei sik so stōten un knuffen,  
 Allens an sik riten un ruffen  
 Un för Eif un Seel ranhalen,  
 Allens, allens slufen dalen,  
 Un nich löschen den Riesenbrand —  
 Baz! — sleit dei Dod ehr dei Glas' ut de Hand.

Dufende gahn döörch 't Lēben un säulen,  
 Kāmmern sik nich üm Kinkerligken un Masäulen,  
 Eaten ehr Ogen nah 'n Hēben gahn,  
 Eaten ehr Seelen vull Sehnsucht stahn.  
 Daun ehr Denken ewer alles breiden,  
 Ewer dei Wulken, ewer dei Heiden,  
 Wassen tauleht mit seligen Sinn  
 Eif' den Dod in dei Fingern rin.

Dusende gahn döörch 't Leven un danzen  
 As ein Kugel æwer dei Schanzen.  
 As æwe Braß dei Sommerwind,  
 As æwe Straten ein lüttel Kind.  
 Un kümmt dei Dod — „Na, wur geiht Sei dat?  
 'n lüttlen Danz gefällig?“ — Ik bân parat!  
 „Links üm odder rechtsch?“ — Mi is 't ganz egal.  
 Musst her, un rin in den Himmelsaal! —



### Neihen.

Linker Hand, rechter Hand —  
 Wahnst hier nich 'n lütt Dien an 'n Strand,  
 Dei gaut neihen un stoppen kann  
 Un dei hemm' mücht einen Mann?  
 Mi 's dei Knop von 'n Rock afreien,  
 Heff den Bürenboddend döörseien,  
 Hemd un Strümp sünd uß tersseien,  
 Bân einen ollen Junggesell —  
 Kumm mal ran, du lütt Mamsell!

Rechter Hand, linker Hand —  
 Kem woll ran mit Twien un Band.  
 Stich üm Stich sei trafel un prân,  
 Neih siß in dat Hart em rin,  
 Neih so seker un adrett,  
 Dat 't in 'n Leven nich los wedder lett.  
 Un nu 's allens woll un bet.  
 Is nu al sin leuwe fro — — — — —  
 — — — — —  
 Eüttje Dirns, maßt 't ebenso!



## Dei Recht!

Weder kloppt dor an min Kamerdör? —  
Man sachten!

Dor is von binn'n dei Schüwer vör  
Taur Nachten.

Un büst du uck dei Schultensahn,  
Wat sliest du rüm hier uppen Bähn.  
Wenn du wat wißt, denn kumm bi Dag',  
Dor heßt fri Antwurt du un frag'.

Wecker blot in 'n Düstern  
Will mit mi smüstern,  
Dei will nig Gaud's, dat is ein Deif,  
Will blot minen Eif tau Lust un Eiw —  
Ne, ne!

Wecker kloppt dor an min Hartensdör? —  
Man wider!

Du bringst so 'n hartleiw Wörd' jo vör,  
Ämmer mihrer!

Eat fiken dei Lüüd', wat gellt't ehr an,  
Büst du uck man ein einfach Mann,  
Du büst doch grad', ahn falsch un Eist.  
Nimm mi, wenn du mi hemm'n wißt.

Wecker fri un ihrlich  
Kümmt un manierlich,  
Will Eif un Seel, dei will mi ganz  
Un föhrt mi uck tau Kart un Kranz.  
Zuchhe!



### Son fall 't fin.

**I**t ded' mal hen tau Danzen gahn,  
fidelfumfei.

Dor seg' vël smucke Dirns it stahn,  
fidelfumfa,

Un lustig spel dei Fiedelmann:  
fidelfumfei.

Wur sla it minen Haken an?

fiderallalalala. — — — — —

Dor stünn ein, dei weer breit un stark,  
hadd brune hoor'n, dei Knaken vull Mark.  
fidelfumfei.

Gun Dag! It säuf ein lüttje Brut,  
Wat wist du hemm', min Zuckernut?  
fidelfumfa.

Sei stürt glik up den Schenktisch tau:

„Ein Bistfel un 'n Glas Bier dortau.

Un denn ein Kled von bunte Klör,

Nehm allens an, gew all's dorfsör —

Prost, Bräuding, prost!”

Ne, ne, it will kein Flurtenmeiersch

Un Leckertähn un Hinnelstendreichersch — —

fiderallalalala!

Dei anner weer grellögig un lütt

Un swart un glupsch un rund as 'n Bätt.

fidelfumfei.

Gun Dag! It säuf ein lüttje Brut.

Wat wist du hemm', min Zuckernut?

fidelfumfa.

Sei spräng' glik tau un küßte mi

„Du büßt so smuck, di, will ik, di,  
 Will strafen un ei'n di Nacht un Dag,  
 Sovel ik kann, sovel ik mag;  
 Kumm, Säuting kumm!“  
 Ne, ne, sittst mi tau vull von Eüst,  
 Min Dirn, bliv du man, wur du büßt,  
 fiderallalalala.

Dunn kem ik tau dei hellhoorig un ranf.  
 Weer blag von Ogen un smedsch von Gang.  
 fidersumfei.  
 Gun Dag! Ik säuf ein lüttje Brut,  
 Wat wist du hemm', min Zuckersnut?  
 fidersumfa.  
 Sei kef von unn'n bat baben mi an:  
 „Mäß eigentlich di einen achtre Uhren slan.  
 Du süst di schämen in 'n Irdbodden rin.  
 Du snackst, as ded' ein Stück Veih ik sin.  
 Pfui, Deuwel, pfui!“  
 Brav, lüttje Dirn, is ganz min Meinen,  
 Wist du, bring'n wi dei Sak in 'n Reinen.  
 fiderallalalala. — — — — —

Un as ik ded' von 't Danzen gahn.  
 fidersumfei.  
 Eet all dei smucken Dirns ik stahn,  
 fidersumfa.  
 Un lustig spel dei Fiedelmann:  
 fidersumfei.  
 Zuckhe! Min lüttje Dirn beet an,  
 fiderallalalala!



### Caun Utsäuken.

**W**at maken dei Kaisers un Königs?  
 Sei dreggen uppen Kopp ein gollen Kron,  
 Sitten mank ehr Lüd' uppen siden Tron  
 Un stahn so stif in ehr Uneform,  
 Blasen sei uch run von 'n hogen Torn  
 Un fiken einerlei, vergriht un vergrellt,  
 As hadden s' kein freu' mihr an dei Welt —

— — — — —

Koden Win, witten Win,  
 Mägt ji Kaisers un Königs sin?

Wat maken dei Perseffers un Dokters?  
 Dei studiern achter dei dicken Bäufer  
 Un wardenümmer kläuker un kläuker  
 Un wardenümmer stolter un stüwer  
 Un Seelen un an Geist un Ewer  
 Un fahl dei Kopp, dat Og' halfsblind —  
 Un buten summt dei Maienwind —

— — — — —

Koten Win, witten Win,  
 Mägt ji Perseffers un Dokters sin?

Wat maken dei Koplüd' un Kramers?  
 Die zaffeln un zaustern mit alle Macht  
 Un hanneln un schutern Dag un Nacht  
 Mit Minschen un Stein un Veih und fohrt  
 Un hewwen ewerall dat grote Wort  
 In Stadt un Land, bi Braden un Fisch  
 Un tau hus verkrupen s' sik unnern Disch —

— — — — —

Koden Win, witten Win,  
 Mägt ji Koplüd' un Kramers sin?

Wat maßt uns' lütte Anning?  
 Dei lacht un hüppt heidalbideldall,  
 Schimpt uß mal, geht 't nich so as 't fall,  
 Un snackt mit Blaumen un mit Böm,  
 Vertellt di Geschichten und snacksche Dröm  
 Un bitt so nützig af ehr Brot  
 Un schert sik nich um Düwel un Dod —

— — — — —

Roden Win, witten Win,  
 Mägt ji uns' lütt Anning sin?



### Deiper.

Deiper doch will ik, Dirn,  
 Büßt du uß noch so schön un schier'n!  
 Deukst du, ik seiß nich din bunte Blus'  
 Un Kragen un Rüsck, so witt un krus',  
 Dei bomwullen Strümp un Katzenschört,  
 Dei Krallentled un Snallengört,  
 Den Faltenrock un dei Hackenschauh?  
 Mößt fein di för mi — weit't ganz genau  
 Un seiß dat woll girn, tau girn.

Doch deiper will ik, deiper, Dirn!  
 Js sammetweiß diu Hut uß wussen,  
 Geiht uß so risck un rasck din Bussen,  
 Daun uß so rot din Backen schemern,  
 Deist ganz un gor entgegen mi emern  
 In vulle Schönheit, rund un warm,  
 Bruß uttaustrecken blot minen Arm,  
 Meinst du, ik wör mi tier'n?

Ne — doch deiper will it, deiper, Dirn!  
 Deit in din Hart dat uß gräunen un bläuhn  
 Middenmanß von Alldags Sorgen un Mäuhn?  
 Daun dor uß läuhle Borns mal springen,  
 Daun dor uß himmlisch Lieder mal klingen  
 Ut Riefendüpten, von selig Stirn? —  
 Ja, denn — denn lat uns Hochtit fir'n! —



## Annnschen.

### I.

Annnschen, Annnschen, heidideldei!  
 Wat heßt för'n witte Schört!  
 Wat heßt du för ein kruse Eatß  
 Un blanke Snallengört!  
 Wat heßt för nige Hadenschauß  
 Un'n bunten Kledrock an! — —  
 Annnschen, Annnschen, heidideldei,  
 Kumm mal wat neger ran!

Annnschen, Annnschen, heidideldei!  
 Wat büßt du flink tau Bein!  
 Wur is din Mund so rot un rund,  
 Din Oß' so hell un rein!  
 Wur sitt so stur din lütte Näs',  
 Din Hut so fast un knasch! — —  
 Annnschen, Annnschen, heidideldei,  
 Kumm, giff mi'n Säuten rasch!

Annnschen, Annnschen, heidideldei!  
 Wat danzt un hüppst un springst!



Du scherst di äm den Düwel nich,  
 Ne, leiwere lachst un singst.  
 Un doch, din Hart is weiß un warm  
 Un steiht so ganz vull Tru — —  
 Unnschen, Unnschen heidideldei,  
 Kumm, ward' min lütte Fru!

## II.

Unnschen, gun Morgen, gun Morgen, min Kütt,  
 Heff ik nich seggt dat, dei irst an dei Sprütt:  
 All, all dei annern ligg'n noch in 'n Bedd,  
 Kämmt as son fahlen al wehlig dorher,  
 Kämmt al un wuschen, in 't Og' al ein Eech,  
 Blancker, blihblanker woll as dei jung' Dag.

Unnschen, gun Dag uck, gun Dag uck, min Popp,  
 Juch, wur di fleigen dei hoor up den Kopp!  
 Js dat ein Mäühen in Hitt un in Sweet,  
 Js dat ein Springen dörrch Holt un dörrch Heid!  
 Wat fall dat gellen: ik krieg di geswind —  
 Woll ja, büst flinker as Wulken un Wind.

Unnschen, gun Abend, gun Abend, min Best,  
 Na, lüttje Draufel, wist nu uck tau Nest?  
 Mäud' büst du worden, mäud' Hand un Faut,  
 Doch din Gesichting steiht noch vull Glaut.  
 Steiht noch vull Glämer, so zort un so fin,  
 As unn'n an 'n Auken dei leht Sünne'schin.

Unnschen, gun Nacht uck, gun Nacht uck min Dirn.  
 Stiggt dat in 't Hart hoch: ik heff di so girn.  
 Un dat oll Däster nimmt di mi weg,  
 Här noch in 'n stillen din Eachen un Segg.

Herrgott in 'n Heben un du, leuwe Nacht,  
Dat ji lat't slapen min Annschen schön sacht!

## III.

Annschen, will'n danzen dei Welt up un dal,  
Uns kümmert kein Pütt nich, kein Tun un kein Pahl.  
Wi hemm' kein Musanten, kein Fläut un kein Hupp,  
Doch hör, wur dat Hart sleit, dat spelt uns drist up.

Annschen, will'n singen, dei Luft is so flor.  
Dei Bäken, dei snacken, di fluddert dat hoor,  
Dei Bost un dei Kehlen sünd vull Melodein  
Un springen — weiß Gott woll — noch mal eins vonein.

Annschen, will'n fleigen, hollen s' uns uck för mall.  
Wilegäufchings un Schapsköpp, dei warden nich all.  
So smidig uns' Beinen, so licht Hart un Sinn.  
Platz dor! — dei Köpp weg! — in 'n Himmel geiht 't rin!

## IV.

Annschen  
Mit dei witten Hanschen  
Un den roden Sünnerschirm,  
Ett di hüt jo bannig firm.  
Deist so stolt un deist so stif,  
Heft woll 'n Bessenstel in 't Eif.  
Deist so still un deist so fram,  
Wörst woll gor 'ne fine Dam.

Annschen  
Mit dei witten Hanschen,  
Kennst nich mihr den gräunen Brint,  
Wur w' uns greepen froh un flink?

Kennst nich mihr den runnen Ball?  
 Zuch, is hal dat Slagholt al.  
 Kumps, dor seilt dei Rüm hei lang —  
 Büst dei Will noch? — Gott sei Dank!

Annschen  
 Mit dei witten Hantschen,  
 Recht so, smit dei Dinger weg,  
 Smit sei in dei bündelst Eck.  
 Springen æwer den gräunen Plan —  
 Wat gelt dei fine Welt uns an.  
 Danzen dorhen so glir un glau,  
 Leuwe Sünne, dei lacht dortau!

## V.

Uns' läßt Anning,  
 Wur so granning  
 Up din flinken Bein.  
 Nümmer wræglich,  
 Æmmer hæglich  
 As heft mi woll seihn.

Og' deit grinen,  
 Back deit schinen  
 Jüst as Blaut un Melf.  
 Dull von fohren  
 Schest dörch'n Goren  
 As son stärkert Elf.

Mit den Kater,  
 Ant up 't Water  
 Ward sik wat vertellt.  
 Ettsit din Bötting

As ein Götting,  
As dei Herr vonne Welt.

Mank dei Minschen-  
Sorg un Wünschen  
Makst dat Hart einen licht:  
Danzst dor rümmer  
As son Brümmer,  
As ein Engel ahn flücht.



### Gah von mi.

Gah von mi, gah von mi man Schuldenfiel,  
Kumm tau mi, kumm tau mi, leiw Annmarief.  
Din rode Back un din geflüssen hoor,  
Dei hemm mi beheert jo wull ganz un gor.

Taufamen Johr so hentau Macheil,  
Denn treden min Öllern up 't Ollendeil.  
Denn krieg' ik dei Stell, — o, wat för ein fest,  
Denn hal ik min Anning in 't warme Nest.

Dei Ställ vull Mähr'n un swartbunte Käuh,  
Den Keller vull Tüffeln, den Bæhn vull Heu,  
Dei Spis'kamer vull von Schinken un Wust  
Un dei Harten vull von Eiw un von Luft.

Un kümmt denn dei Winter mit Js un mit Küll,  
Denn sitt wi an 'n Aben bi'nanner so still,  
Denn snuttern dei Bratappels in dat Rähr — —  
Wi holl'n uns inne Armen un wünschen nig mihr.

Gah von mi, gah von mi man Schultensief,  
 Kumm tau mi, kumm tau mi lütt Annemariel,  
 Musanten speelt up von Leiw un von Gläck,  
 So einen för 'n Daler un 'n Achtschillingsstück!



### Taur langen Nacht.

Mi leg' ein Drom in 'n Breggen,  
 Ein Drom taur langen Nacht.  
 Dei Wannerlust ded' dreggen  
 Mi döörch dei Welt ehr Pracht.  
 Un Gletschers seg' it glummen  
 Un Marmorbiller stahn,  
 Elektrisch Lichter summen  
 Un Riesenmaschinen gahn  
 Un feller mit riken Segen  
 Un Seen mit Brigg un Jacht — —  
 Mi leg' ein Drom in 'n Breggen,  
 Ein Drom taur langen Nacht.

Mi leg' ein Lied inne Uhren,  
 Ein Lied taur langen Nacht,  
 Dat kem döörch Stein, un Muren,  
 Dat locht un larmt un lacht!  
 Hei, wur dei Trummeln gängen,  
 Soldaten marschier'n in 't feld,  
 Hei, wur dei Kugeln süngen,  
 Juchel! mi hört dei Welt!  
 Mägt Ji versoren, versuren,  
 Dor buten is Ihr un Macht — —  
 Mi leg' ein Lied inne Uhren,  
 Ein Lied taur langen Nacht.

Nu liggt mi 'n Dirn inne Armen,  
 Ein Dirn taur langen Nacht,  
 Küßt mi so weiß un warmen,  
 Straft mi so süß un sacht.  
 Dat as ein schönst Drömen  
 Rasch Tit un Stunn verswinnt —  
 Un buten döörch dei Bömen,  
 Dor geiht dei Winterwind  
 Un singt in sünder Harmen  
 Nu Drom un Lied so sacht,  
 Dor mi liggt in dei Armen  
 Min Dirn taur langen Nacht.



### Fläkerfür.

Dat sall dat ewig Getalsch un Gedög',  
 Dat Reden in Süß un Sur.  
 Kal't man! Son oll Gefäuf' un Geswög',  
 Dat hett nich Dög' un Dur.

Bi 'n Kirl, dor brennt so ruhig dei Glaut  
 As achtern Abendör.  
 Hest noch son sohrig, fußig Blaut,  
 Woll as 'n halwig Gör.

Denn kümmt di dit un dat inne Quær,  
 Denn dat un dit inne Kühr,  
 Denn snackst du hen un snackst du her,  
 Wur ewerst blift min Ihr?

Ist hän di gaut naug för dei Stuw  
 Un 's Abends achtre Fenn.

Doch snack von Hochtit is un Huw,  
Denn deist in 'n Schelm di winn'.

Ne, lat man sön Gedau un Getür,  
Dat is sall sin din Brut. —  
Is fläkerfür, is Lakerfür,  
Al 'n Halung blas't dat ut!



### Is nix.

Min Kind, wat kann dat nütten,  
Is weit, du häst modern,  
Un all's, wat wurnah utfüht,  
Hest du nich mihr as gern.

Büst as de nimod'schen Hüser  
Mit Stuck un Rabihschicht,  
Balkons un bunte Tapeten  
Un mit elektrisch Licht.

Un in dei hogen Stuben  
Nippfaken bet haben ran — —  
Un dorbi nich einen Winkel,  
Wur man mal drömen kann!



### Täuf!

Bur, binn dinen Köter an,  
Dor hei sünst einen biten kann.  
Deit dei ganze Nacht rämzaffen,  
Deit nah jeden Minschen blaffen.

„Ö—ha, min Sehn, is mar! din List,  
 Weit genau woll, wat du wist.  
 Wist blot bi uns' lüttet Greden  
 Hüt nah'r Nachtkost nahwern 'n beten.

Wist bi ehr in 't finster stigen,  
 Täu!f, dei Kötter sall di kriegen!  
 Binn du dine Lust man an,  
 Dat dei keinen biten kann!“



### Schelmischen.

Du büst 'n Schelmischen ganz un gor  
 Un heft mi blot tau Narren  
 Un wist mi 'n beten tarren  
 Un an mi finnen blot ein hoor — —  
 Nicht wahr? —

„Nicht wahr!“

Din Ogen sünd so hell un klar,  
 Dei können gor nicht leigen  
 Un mi uß nicht bedreigen.  
 Ist weit, din Hart is blank un bor — —  
 Nicht wahr? —

„Nicht wahr!“

Büst uß mal brummschen as 'n Bor,  
 Man spannt siß mal awern faut jo —  
 Un meint dat doch blot gaut so,  
 Un is siß böß uß nicht 'n Spor — —  
 Nicht wahr? —

„Nicht wahr!“



Wat rēd' iſt noch. — Nu 's vull dei Kor.  
 Wat, morgen daun wi frigen,  
 Denn will iſt di woll kriegen.  
 Mannshand denn haben — dat is flor — —  
 Nidh woht? —

„Nidh woht!“



## Mai.

Marieken, maſt dat finſter tau,  
 Ja, maſt dat tau taur Nacht.  
 Du weiſt, dei Mai ſteht uppen Sprung,  
 Dor kamen Späuken ſacht;  
 Dei Murd<sup>1)</sup> un anner Hergenfram,  
 Dei ſünd hüt nacht tau ſaut,  
 Dei ſäukn Minschenſinner ſiſt,  
 Sünd lüſtern nah ehr Blaut.

Marieken, maſt dat finſter tau,  
 Dei Man, dei ſchint ſo flor,  
 Un wenn iſt mi nidh irren dau,  
 Wardſt du ball achteihn Johr;  
 Un as iſt mi beſinnen kann,  
 Heſt du einen roden Mund,  
 Heſt du einen ranken, ſmucken Eiſ  
 Un Backen friſch un rund.

Marieken, maſt dat finſter tau,  
 Dei Rüm hängt ganz vull Duſt.  
 Dei Roſen bläuhn — un iſt hür liſ',  
 Wur binnen du hal'ſt Kuſt.

<sup>1)</sup> Alp, Mahr.

Storm, kumm un ræf' un rætel mi,  
 Käuhl ut mi ornlich mal.  
 Sün, brenn dat fell mi degt taunicht,  
 Mat 't rein un fast as Stahl!

Marieken, mat dat finster tau,  
 Mat 't tau, heft du mi leif,  
 J! hän noch hät ein ihrlich Kirl  
 Un müch nich ward'n ein Deif.  
 Ein Deif an di, ein Deif an mi — —  
 Här, Poggen quarr'n in 'n Dif.  
 Dei Deuwel hal 't — rup an dei Mür — —  
 Mat tau — mat tau — Mariek! —



### Königin.

Dusend Milljonen Eichter  
 Stahn an 'n Weltendom,  
 Bläntern as leiw Gesicht,  
 Schinen as Bläuten an 'n Bom.  
 Weck, dei lachen so fründlich  
 As ein ihrlich Dank;  
 Weck, dei blucken so sündlich  
 As ein gemein Gedank.  
 Un möten all doch wiken,  
 Swinnen möt ehr Schin,  
 Deist ewern Tun man fiken  
 Sün, du Königin.

Dusend Milljonen Eichter  
 Eichten uß in din Hart.  
 Ein brennt gaut, ein slichter,

Dit, dat locht, dat narret.  
 Manchmal swält 't dor trurig,  
 Wenn du steihst in Leid,  
 Manchmal glummt 't dor lurig,  
 Wenn din Gewissen sleit.  
 Doch möten s' all si' verstopen,  
 Krupen inne Ecken rin,  
 Deist du din Licht anstellen  
 Leiw, du Königin.



### Du glöwst...

Du glöwst, if hadd 't verwunnen,  
 If dacht nich mihr an di  
 Un all dei leiwten Stunnen,  
 Dat allens weer vörbi.

Denkst du, dat buten dei Bömen  
 In Winterföll un -rauhn  
 Woll frühlingsleben un -drömen  
 Jemals vergeten daun?



### Min Best.

In 't Og' tau fiken di leif un lang',  
 Dei Lüd' tau sluten denn dicht un drang',  
 Dat nich ein Spierken von Licht rinschint,  
 Dat blot din Bild mi dor lif' angrint,  
 Vertellt von Glück mi, von 't Hochtitstfest:  
 O, so tau drömen: dat is min Best!



## Locken.



Lüttje Dirn, kumm!

Wi will'n tausamengahn den Dag,  
 Arm in Arm un Hand in Hand,  
 Dörchleben, wur inne Wisch dei Baken pruschen,  
 Heuspringers hüppen un Seizen ruschen,  
 Eewarks trillern un Immen summen  
 Un Kloeken kling'n un Pipen un Trummen,  
 Un Kinnerlachen un Rosenduft  
 Deit emern dörch dei Maaienluft.  
 Un Heiden lüchten un Äuwers strahlen  
 Un fahlen si' inne Koppel wahlen:  
 So will'n wi gahn dörch 't wide Land  
 Un uns freun anne Welt un ehr'n Hartensslag:  
 Lüttje Dirn, kumm!

Lüttje Dirn, kumm!

Wi will'n tausamenrauhn dei Nach,  
 Bost an Bost un Arm in Arm.  
 Dörchleben, wur von einen taun annern  
 Warne Ström daun ræwerwannern,  
 Wur lifen dei fingern straken un gliden  
 Eewer Hals un Schuller, Bost un Siden,  
 Wur Eipp an Eipp si' höllt un hängt,  
 Dat Blaut wild dörch dei Adern drängt,  
 Dei Lust upbluckt un ut de Schell si' pöllt  
 Un utströmt un flækert — tausamenföllt:  
 So will'n wi rauhen weil un warm  
 Un uns freun an uns un unsen Hartensslag:  
 Lüttje Dirn, kumm!



## Mudder Wittsch, Mudder Wittsch...

Mudder Wittsch, Mudder Wittsch, fiß mi mal an,  
 Wur iß den Bummelschottischen kann.  
 Ball uppen Hacken, ball uppen Tahn,  
 Süß, Mudder Wittsch, wur geiht dat schön!

Wat gapt ji all, as danzt iß mall,  
 It ward' hüt achtheihn Johr jo al,  
 Un heß nich Waschen un Plätten liht  
 Un heß nich Geld un Geldeswirt.

It heß jo blot min flinken Bein,  
 Un flüggt dei Rock mal ewre Knei'n,  
 Möt danzen jo, wa 't danzen kann,  
 Dat iß mi rannerdanz 'n Mann.

Mudder Wittsch, Mudder Wittsch, fiß mi mal an,  
 Wur iß den Bummelschottischen kann.  
 Ball uppen Hacken, ball uppen Tahn,  
 Süß, Mudder Wittsch, wur geiht dat schön!



## Weer ik — hadd ik...

Weer iß woll ein Schippersmann,  
 Hadd iß Seil un Masten,  
 Führ iß in dei wide Welt  
 Un hal golle Lasten.

Weer iß woll ein Hannelskiel,  
 Hadd iß 'n groten Laden,  
 Führ 't dat beste fiden Daul  
 Un eet Sad' un Braden.

Weer is gor dei König süßst,  
 Hadd is Bur'n un Käter,  
 Führ is in ein Galakutsch,  
 Wahnt in rife Slater.

Weer is, hadd is, hadd is, weer is,  
 Dat maht mi nich warmen,  
 All, wat is min eigen nenn,  
 Heß is in dei Armen.

Un probier ehr'n roden Mund,  
 Junge, deit dat fluschen!  
 Wenn min lüttje Dirn mi küßt,  
 Mag 't mit keinen tuschen.



### Dat is nich schön von di . . .

Du heßt den Mund intwei mi küßt  
 Un uß min Hart dortau.  
 Nu kann is nich verggten di,  
 Nehmt mit di all min Raub.

Du heßt den Mund intwei mi küßt,  
 Un heit dei Lipp noch brennt,  
 Wenn sei gor oft so vör sif hen  
 Eiß' dinen Namen nennt.

Du heßt den Mund intwei mi küßt,  
 Un ward denn irst gesund,  
 Wenn wedder Hart an Harten rauht  
 Un wedder Mund up Mund.

Du heft den Mund intwei mi küßt,  
 Schon glifs vergew 't ik di;  
 Doch dat du längst nich heilt em heft —  
 Dat is nich schön von di!



### Dirnsgedanken.

Wat steihst as ein Jung' dor  
 Un gluderst mi an,  
 As weer ik ein Nippfaß  
 Ut finen Porzlan!

As weer ein Postür ik,  
 Ut Marmelstein haugt,  
 As weer ik ein Pöpping,  
 Mit Sagels utfaugt,

Dei man nich dörf anrühr'n,  
 NICH strafen un ein'!  
 Ne, ne, bün ein Dirn woll  
 Von fleisch un von Bein.

Von Knaken un Sehnen,  
 Von Murr un von Maut;  
 Dei kum noch kann tähmen  
 Dat frische Blaut.

Mücht dancen un leiven,  
 Rümwirken un schör'n —  
 Mücht wrangen un walen  
 As utlaten Bör'n. —

Du kist mi so dumm an,  
 So geistlich un fram:  
 Ach, ji Mannslüd' sünd Bangbügen  
 Un Schapsköpp alltaufam!



### Abend.

Wer den Hoft hängt blaß dei Man  
 Is ein bleckern Bricken.  
 Up dat Kiewerslag Schatten stahn,  
 Rehbuscht ögt un Ricken.

Un den einfarbigen Hēben lang  
 Seilt ein Schaug' von Kreigen  
 Eutlos, as ein lütt Gedank  
 Dörch den Bregen deit fleigen.

Mank dei Barg, dor steckt dei Nacht  
 Rut ehr langen Armen,  
 Leggt üm feld un Heid' sei sacht,  
 Weiß un ohne Larmen.

Un dei Ird' bewert as 'n Rief',  
 Baben blänkert 't irste Stirning — — —  
 Mächt uck nehmen in 'n Arm so lif'  
 Di, min lütt, leiw Dirning.



### Woll half in 'n Drom.

Bei snack so gaut, hei snack so lind,  
 So as üm uns dei Abendwind.



Höll mi so wiß, höll mi so säut,  
 Dat mi dat fangel von Kopp tau jäut.  
 Hüng' em an 'n Mund as 'n Imm anne Blom,  
 Woll half in 'n Drom — woll half in 'n Drom.

Un weiken strakten mi sin Hänn,  
 O, hadd doch nümmer dei Nacht ein Enn,  
 Dei Sommernacht, so emrig-still,  
 As wüß dat nich, wat 't warden will.  
 Blot lisen föllt ein Beer von 'n Bom,  
 Woll half in 'n Drom — woll half in 'n Drom.

Nu kümmt dei Dag, dei Arbeit ran.  
 Du Sänn, wat kichst so hell mi an?  
 Gah unner, dat 't düster wedder warden mag.  
 Slep mi jo doch man so hen dörch den Dag  
 As 'n arme fleig' ewern suren Rohm,  
 Woll half in 'n Drom — woll half in 'n Drom.



### Uppe Dün.

Anne Künning seilt ein Fischerkutter,  
 Witt grint dei Sand, still as in 'n Drom.  
 Dei Sänn kicht mäud', dei Mewen scheiten,  
 Stranddistel weigt sin blage Blom.

Horch, hörst dat Meer sin Himen, Bullern?  
 Hal't Alten mit sin Riesenlung'.  
 Kik, sühtst dei witten Kamm un Spißen?  
 Dat Meer steet ut sin Riesenlung'.

Süh, wur sei gierig ran deit leken  
 An 'n scharpet Meß ewer Stamm un Slick,

Wur s' tens uns' fäut unner Iuchen, Snatern  
Wegschrappt so langsam Stück för Stück . . .

Du sittst vör mi — din witten Armen,  
Dei schemern hell in 'n Sünneuschin.  
Här in min Hart dat lisen stigen  
Ganz sacht, in Luft half, half in Din.

Dat is dei Leiw ehr eigen Runschen,  
Dat flütt un ebbt dor up un af.  
Fäuhl unner Schuddern ehr Schörwarcken,  
Wur s' ein Stück ritt nah 't anner af.



### Vörjahrsnachten.

Dat sünd dei weiken Vörjohrsnachten,  
Wenn 'e Zapp in Böm un Büschen flügg,  
Wenn 'n wunnerfamig Emern <sup>1)</sup> sachten  
Hen æwer feld un Heiden flügg.  
Verborgen Kräft sik rings daun reggen,  
Schörwarcken rüm in Luft un Jrd,  
Dei leiw, urolle Weltenslegen  
Sik ut sik sälben wedderbiert,  
Lett æwerall sin Gaben schimmern,  
Sin Saaten sei't för Luft un Leid:  
Denn spörst ein Runschen — still deit timmern  
Üm di dei Hand vonne Ewigkeit.

Dat sünd dei weiken Vörjohrsnachten,  
Wenn warm dat Blaut inne Adern quellt,  
Wenn 'n wunnerfamig Bøwer wachten

<sup>1)</sup> Zittern.

Hen dörch den ganzen Minschen wellt,  
 Wenn hart sit deit nah Harten lengen,  
 Wenn weifen sit leggt Vost an Vost,  
 Wenn Eippen sit tau Eippen drängen  
 Un drinken dor oll leiwe Kost.  
 Unner liset Zuchen, liset Wimmern  
 Sit Minsch an Minsch hengeben deit,  
 Denn spörst ein Runschen — still deit timmern  
 Um di dei Hand vonne Ewigkeit.



### Schep.

Dor führten so vel Schep mal  
 Von mi in 't vulle Meer,  
 Un kenen so schön ut den Haben,  
 Nu seih it sei nimmermehr.

Dat ein, dat weer beladen  
 Mit Dalers, blank un rund.  
 Wecker weit, wur dat is bleben  
 Un lang' al liggt uppen Grund!

Dat anner hadd as fracht woll  
 Ruhm, Ihr un sonen Tand.  
 Wecker weit, wur dat is lopen  
 Up Eggerwall un Land!

Dat drüdde seel bet haben  
 Kan vull von gaude frunn.  
 Wecker weit, wur dat is staben  
 Un slagen unn're Sün!

Blot ein seih iß noch fohren,  
 Un is 't uß al frumm un scheiß,  
 Dat segelt gor moy vör Winn'n,  
 Is laden mit Mudderleiw.




### Wat büßt?

**W**at seggen dei Königs un Preisters  
 Un swingen ehr Septer æwer di —:  
 Du büßt ein bistrig Wesen  
 Vull Sünne un Jökeli.  
 Di deit blot driben un hissen  
 Dei Eier ahn Scham un Schu.  
 Dor bruckst du Kutschers un Herrschers —  
 Ein willet Diert weerst du!

Wat seggen dei Perfeßers un Dokters,  
 Unnersäufen un sniden di:  
 Du büßt ein Nett von Rühren,  
 Ein lektrisch Batterie,  
 Un chemisch Kräft dor in wirken  
 Un schör'n ahn Rast un Ruh,  
 Eopen dor nah bestimmte Odders —  
 Ein sin Maschin weerst du!

Wat æwer runscht dei Stormwind  
 Un strakt un hewelt di:  
 Kumm mit din Denken un fäühlen  
 Ewer Land un Meer mit mi.  
 Ewerall ein Sehnen un Speigeln,  
 Ein Klingen liß' un lu'.  
 Blot Biller, dei du wohrschugst:  
 Dei ganze Welt büßt du!



## II. Seelensegg.<sup>1)</sup>

Weit woll . . .

Weit woll, wat dei meisten am leiwsten hürn'n . . . .  
Iß künn jo uß singen in bunte Kalür'n,  
Von verrückte Dröm un wirr Gedanken,  
Bei den besten dörch Seel un Bregen mal wanken,  
Von Supp un Braden un Win un Bier,  
Von Jaumeln un Zuchen, von Lust un Gier,  
Von smucke Dirns, unsinnig Geneiten,  
Von Prählen un Dickdaun, von Klappern un Scheiten:  
Saken, dei jo upstunns inne Welt rümausten,  
Will juch wat hausten,  
Bei maken einen blot mör un matt.

Ein Lump, dei anners seggt un singt,  
As em dat dörch den Harten klingt,  
Bei sit in frömde Formen lett pressen  
Un sit mit künstlichen Dänger deit messen.  
Wat fall 't? — Licht, Lust, Spiß un sonen Kram  
Eten un drinken wi Minschen alltausam.  
Dat treckt uß dörch mi un schört dor un schafft,

<sup>1)</sup> Seelengespräche.

Un wat dat dor maft — dat is min Kraft.  
 Dat kann mi fein nehmen — dat is min Leben,  
 Dat will 't juch geben.  
 Mine Damen un Herru, nu nehmen S' siß wat!



### Schicksal.

Un smeetsst du mi ahn Willen  
 Mal ut dat Duster rut  
 Un lettst din Gedanken un Grillen  
 Alle Dag' nu an mi ut:

Ik will nich weimern un klagen,  
 Ik will nich bögen dei Knei;  
 Ik will dat staffrecht dragen,  
 Wat 'e schickst an Luß un Weih.

Ik bün uß nich mihr ängstlich,  
 Wenn du mi fleißt odder sträßt;  
 Ne — ik bün blot noch nilich,  
 Wat du ut mi noch maßt.



### Swermaut.

Awer dei Barg un awer dat Meer  
 Treck min Sehnsucht hen un her  
 Mit mäude fäut un indrögt Sinnen  
 Un wör al witt as frischbleikt Einnen.

— — — — —  
 Un gah doch dörch Saaten un Blaumengor'ns,  
 Hör singen dei Vægel un springen dei Borns;

Seih achter dei Finstern blänkern dei Lichter  
 Un üm dei Dischen vel leuwe Gesichter,  
 Wur sei so fram taun Herrgott beden,  
 Ut ehr Schötteln eten, still un taufreden;  
 Bün ik nich uck von ehren Stamm,  
 Weder steek inne Seel mi an dei Flamme?  
 Bün ik nich uck ehr Fleisch un Blaut,  
 Weder weckt in 'n Harten den willen Laut? <sup>1)</sup>

— — — — —  
 O wüß ik doch, wat in mi drängt,  
 Wat in mi lewt un in mi leugt!  
 So möt ik lopen ahn Stütt un Staff  
 Dei Dagen döörch bet an dat Graff.



### Dei Negenklauen.

„Seel, wat maßt du för 'n grimmig Gesicht?“

— — — — —  
 Süßst dor den Kirl, dei predigt nich slicht.  
 Hei höllt dei Näs' so pil in 't Eun  
 Un rad'slagt rüm mit Arm 'un Hänn,  
 Wis't Stein un Planten un fickt döörch 'n Glas:  
 So waßt dat Blaut, so waßt dei Haß,  
 So löppt dei Jrd', dei Jserbahn,  
 So geiht 't, un so künn 't beter gahn.  
 Gott möß jo gor nich slicht dei Welt,  
 Doch gaut is 't uck nich mit ehr bestellt.  
 Dat fehlt ehr hier, dat fehlt ehr dor.  
 (Ja, wenn hei so künn, hei freg' dat flor) — —  
 So hett hei all's utenanner plückt,

<sup>1)</sup> Meute, Schar.

Un dei Tauhürers flatschen as verrückt. —

Ja hadd em am leiwsten poor æwerstrakt — —

Magst du, wenn man dinen Dadder slicht mast?



### Wur büßt du?

Ik heff di söcht, Gott, söcht tau allen Tiden,  
Ik bän di nahspört woll tau gahn, tau riden.

Ik frög' nah di dei Blaum, den Storm, den Regen,  
Ik heb' üm di den Preister üm sinen Segen.

Ik wull di faten, ganz gewiß di gripen,  
Du süst mi Red' stahn — o, ik wull di knipen.

Jawoll, ik seg' mi satt, marach mi mäud'  
Un bän nah di noch ümmer up dei fäut.

Ik leet di lopen al as Bulemann un Beist  
Un stört't dei Götters üm, un du wörst Geist.

Doch Geist ahn Eif — ik smeet dat Dings wedder rut,  
Ik leet di füllen al dei Himmels ut.

Un schafft up des' Ort wider. — Jeder Ogenblick  
Leet ut sin Düpen wassen di as 'n niget Stück.

Un wat dei ein deit bugen, sleit dei anner dal,  
So warst du buren, deist du starben, sünder Tall un Tahl.

Un ik möt stahn un tauscihn woll mit fewrig Sinn'n,  
Wur du mi ümmer wedder deist unnre Hänn verswinn'n.



Wat sall ik daun, ik arm un bistig Heulen? <sup>1)</sup> —  
Den Kopp awre Enn; ik will di wider säulen.



### Lif' un lud!

**A**ll dat Eude vergeiht,  
All dat Eise besteiht;  
All dat Eude maakt intwei,  
All dat Eise bringt inne Reih.

— — — — —  
Hörst du den Storm dor rasen un rastern,  
Wur hei dei Böm weck gift anne Bad,  
Hörst du den Frost dor knistern un knastern,  
Wur hei dei Knuppens stött in 't Nack?  
Gewerst dei warme Maienregen  
Weist sei naht up as 'n warme Fog',  
Maiensünn schint ehr uppen Bregen,  
Küht ehr 'n lekten Slap ut 't Og'.

Hörst du dei Hannelsherrn zaffeln' un schutern,  
Verschachern, wat heilig is un gaut,  
Hörst du dei Rohlänners schelln un futern,  
Pedden dei Seelen unnern faut?  
Gewerst dei Sanftmaut leggt smidig Bannen  
Um ehr Weihdag' un ehr Gier,  
Un dei Eiww mit weissen Hännen  
Strakt wedder allens glatt un schir.

<sup>1)</sup> eigentlich Ziegenlämmchen.

All dat Eude maft intwei,  
 All dat Eife bringt inne Reih.  
 All dat Eude vergeiht,  
 All dat Eife beftieht.



### Kein Angst.

All din Drömen ward Wohrheit,  
 All din Denken Klorheit,  
 All din Däfter Licht.  
 Eat di nich von Philistern  
 Den Kopp verfilen un fliftern,  
 Dei maken allens flicht.

Nich, wat in willen Wellen  
 Dörch 't Eeben deit fchriegen un fchellen,  
 Up hoge Seffels mal thront:  
 Ne, wat in di deit lengen  
 Un still will ruterdrängen,  
 Ward mal von Gott belohnt.



### Cit.

It sei un sei  
 Minen Samen in dei Welt,  
 As 't mi geföllt,  
 Ewer allens, wat dor grawt un flawt,  
 Ewer allens, wat dor lawt un drawt.  
 It frag' nich lang', wecker 't wesen deit,

Wur blot ein Ritz man apen steiht,  
Dor streu is rin min Saat: — — —

— — — — —  
Mensch, holl di prat!

Is meih un meih.  
Dei ganze wide Welt  
Dat is min feld.  
Wat kummert mi dor Mai odder Snei,  
Wat kummert mi dor Weih odder Juchhei!  
Min Seiß is ämmer hort un welt't;  
Wur 't mi tausseggt, dor ward s' ansett't —  
Ward dalslan, wat tau paß mi grad — —  
— — — — —  
Mensch, holl di prat!



### Middelweg.

Will alle Dag' mi 't seggen  
Un drang' an 't Hart mi leggen:  
„Du büst man Hohn un Spott!“  
Will alle Dag' ran mi kriegen,  
För dull inne Uhren schrigen:  
„Du büst ein Herr un Gott!“

Denn kann uppe Lebensstraten  
Mi nie Vertwiflung faten  
Un nie nich Größenwahn.  
Un näumen s' mi uck 'n Philister,  
Langsam is so wider bister,  
Bet is min Dingen dan.



### **Cit un Ewigkeit.**

**I**t ded' dörch düster Düpen gahn,  
**I**t heff up hoge Barg uck stan,  
 Niffel hier un dor ein beten.  
 Du Cit, du frettst den Sünnesschin,  
 Du frettst uck Sorgen, Angst un Pin  
 Un wardst uck mi mal freten.

**I**t säuhl, wur du tau Kled' mi geihst,  
 In Seel un Eif mi rinnerfleist  
 Langsam din scharpen Tähnen.  
 Un doch uck noch wedder wassen lettst,  
 Wat mi erhöllt, wat mi ergeht  
 Un kräftigt Sinn un Sehnen.

Bäst as dei Heg bi Hans un Greit,  
 Dei irst ehr Offer fettmaken deit,  
 Dormit s' hett 'n gauden Happen.  
 Doch, wenn 'e di man nich geklig snittst  
 Un di in 'n eigen Swanz rinbittst,  
 Dat is di gah dörch 'e Lappen.

**I**t säuhl, dat sit in mi wat rögt  
 Un ganz in 'n stillen kümmt tauhöcht,  
 Wardümmer gröter un gräwer:  
 Dat is dei wide Ewigkeit,  
 Dei achter all dei Dingen steiht  
 Un di uck mal happst äwer.



### Kinkerlitzkens.

Du seggst, du kannst dat Swier'n nich laten,  
Müßt hen un wenn mal rut ut 'n Katen,  
Mit Win un Bier un ähnlich scharp Kunn'n  
Dörchjagen di von haben bet unn'n — —  
Sühst du dei Stirns an 'n Heben gahn  
Nichümmer ehr stille, reine Bahn? — —  
Kinkerlitzkens, Kinkerlitzkens.

Du meinst, kannst kamen nich anners tau Gang'n,  
Mößt denn un wenn 'e Jökeli anfang'n,  
Un weer 't manchmal ud 'n beten bunt,  
Verleiwet weer doch mal jeder Hund. — —  
Jawoll, doch höchstens ein Woch odder poor,  
Du æwerst büßt löpsch dat ganze Johr. — —  
Kinkerlitzkens, Kinkerlitzkens.

Du flagst, du müßt Dokter un Preister henn,  
fäuhlst di tau swach ahn Stätt un Stämm,  
Künnt nich up eigen fäuten stahn,  
Bei deden mit di dörch dei Lappen gahn. — —  
Sühst nich, dei Bom in Wind un Weder  
Wagt ruhig tauhöcht an Twig' un Bläder — —  
Kinkerlitzkens, Kinkerlitzkens.

Du wist nich — segg doch rut dat rund,  
Du büßt tau ful — dor liggt dei Hund.  
In fett verwussen is Seel un Eif,  
Du büßt nu satt un wardst nu stif. — —  
Bei Sünne, dei brecht dörch Nebel un Roß,  
Wenn du man wist, denn kannst du 't of. — —  
Kinkerlitzkens, Kinkerlitzkens.



### Vörwärts!

Dreih di nich üm!  
 Vergangenheit geiht rüm,  
 Un dreggt up ehren Nacken  
 Einen groten swarten Packen.  
 Dor ded' sei sit insacken  
 All dine Johrn un Stunn'n,  
 All dine Mor'n <sup>1)</sup> un Wunn'n  
 Un freuden, dei du heft funn'n.  
 Dreih di nich lang' noch üm!

Dreih di nich üm!  
 Dat Leven geiht dor rüm  
 Un larmt un lacht un rohrt,  
 Denn mal geiht 't di üm 'n Bort,  
 Denn mal in 'n Dreck di 't fort.  
 Un makst du 'n falschen Trick,  
 Glifs hett 't up di einen Pick  
 Un sleit di in 't Genick.  
 Dreih di nich lang' noch üm!

Dreih di nich üm!  
 Dor vör di liggt dei Rüm,  
 Dor singt Kewark un Bäl,  
 Dor tummeln sit fahlen achter 't Rēf,  
 Geiht 't lustig up hau un Stēf,  
 Wat längst in 't Hart liggt prat  
 Un Wunsch un Will un Daht,  
 Dor schütt dat all inne Saat:  
 Vörwärts! Dreih di nich üm!

---

<sup>1)</sup> Narben.

### Ogen.

Stirnings haben an den Hegen,  
 Dau't dor dicht bi dicht jo wannern,  
 Un doch sünd 't vel dusend Milen,  
 Dei juch scheiden einen von 'n annern.  
 Un is blot ein warmet Luchten,  
 Dat juch ut dei Ogen geiht  
 Un vertellt, wat för ein Sehn  
 Deip in alle Seelen steht.

Minschen all ji hier up Irden,  
 Dau't so dicht an dicht jo wannern,  
 Un doch sünd 't oft dusend Milen,  
 Dei juch scheiden einen von 'n annern.  
 Un is blot ein warmet Luchten,  
 Dat juch ut dei Ogen geiht  
 Un vertellt, wat för ein Sehn  
 Deip in alle Seelen steht.

Sehn nah ein reinet Leben,  
 fri von Gier un fri von Lüst,  
 Wur ein Daht, ein Dau'n dat anner  
 Still in Leiw woll apenküst.  
 Sehn nah ein renlich Wirken,  
 Dat nig vör sik sülben gelt,  
 Un doch mit sin warmet Luchten  
 Mal utfüllt dei ganze Welt.



### Fragen.

Ist frög' dei Minschen: Wurtau dat Leben?  
 Sei hadden nich Tit, einen Antwurt tau geben.

Sei eeten un drünken un sängen un söpen,  
 Dedes zaustern un zaffeln un schutern un köpen,  
 Schreben Bäter, bugten Maschinen un allerlei  
 Un reeten langsam Eif un Seel bi intwei.

It frög' dei Planten: Wurtau dat Leben?  
 Sei nickten still un wüssen taun Heben:  
 Wat gelst 't uns an? — Ein wunderlich Lengen  
 Deit uns döörch Stamm un Twig' hendrängen,  
 Ein selig Sangeln un säutet Singen,  
 Dat schafft in uns un will Früchte bringen.

It frög' dei Steiner: Wurtau dat Leben?  
 Sei deden lif' unner min säuten heben:  
 All's vergeiht — wat sälen w' uns doran liwen,  
 Wi kennen kein Hasten un Jagen un Driven,  
 Wi daun nich sorgen, nich sehnen un hapen,  
 Wi will'n blot rauhn, wi will'n blot slapen.



### Wider.

Smit all den ollen Plunner af,  
 Dei in dei Welt flüggt rup un raf,  
 Nah den dei Minschen Johrhunnert hemm jagt  
 Un an em knappert un an em gnagt  
 As 'n Knaken, an den kein Fleisch mihr is.  
 Smit af, du steihst doch mal vör 'n Riß:  
 Wi willen wider.

Wat klist nah Ordens un Kledung hen?  
 Eop weg as för ein giftig Spenn!  
 Wat deist up Stand un Person noch seihn?



Hemm all datsälwig fleisch un Wein.  
 Wat gierst nah Ruhm up Schritt un Tritt?  
 Wi bröchten nig mit un nehmen nig mit:  
 Wi willen wider.

Saß nich blot fiken können, wenn du süßst,  
 Nich wannern blot können, wur du täßst,  
 Nich faten können, wurnah du grippst,  
 Nich hüppen können, wenn du wippst,  
 Saß swimmen können ahn Water un Paul  
 Un steigen können ahn fedder un Spaul:  
 Wi willen wider.

Achter Schin un farw irst, achter dei Ding'n,  
 Dat rechte Leben sit los deit wring'n.  
 Wat üm un in di rufft un rackt,  
 Dat nügt, wenn Leiw un Lengen ut snackt.  
 Wenn du allens nimmst un all's wedder giffst  
 Un in all den Wessel du sülsen bliffst:  
 So gah man wider.

Wat du denken kannst, dat is jo din,  
 Wat du säuhlen kannst, dei Welt deit sin.  
 Pläc von alle Böm, von alle Dröm,  
 fleig' mit alle Seelen, mit alle Ström  
 In Leiw un Schönheit, Kraft un Vertrug'n  
 Un dau ut din Hart einen Tempel bug'n:  
 Dor wahn as Kaiser.



**Wat 's dat?**

Ringel, rangel, ranner,  
 Ein buntet Dörcheinanner,

Ein Tasten un Tafen, ein Säufen un Sinn'n,  
 Ein Drusen un Denken, ein Forschen un Finn'n,  
 Ein Dammeln un Dallen, ein Knuffen un Kiwen,  
 Ein Stigen un Fallen, ein Möten un Driven — —  
 Ringel di, rangel di, rad.

Nu rad' mal, wat is dat? — — — — —

Je, säd' ik nich, du röttst dorneben,  
 Min Jung', dat is ein Minschenleben.

Glinster, glinster, glemer,  
 Ein weiß un warmer Schemer,  
 Ein langsam Kinen un stille Bläuhn,  
 Ein taufreden Hapen un einsam Mäuhn,  
 Ein flog un fludder, ein Drom un Dufst,  
 Ein wunderlich Weigen man! Leid un Lust — —

Glinster di, glanner di, glatt,  
 Nu rad' mal, wat is dat? — — — — —

Je, säd' ik nich, du röttst dorneben,  
 Min Jung', dat is ein Minschenleben.

Haster, baster, beister,  
 Ein dull un degt Koppheister,  
 Ein freten un Supen in Sus' un Brus',  
 Ein Bugen un Jntweislän in Grus un Mus,  
 Ein Riten un Ruffen, ein Können un Jagen,  
 Ein Dickdaun un Befehlen, ein Weimern un Klagen —  
 Haster di, baster di, bat,

Nu rad' mal, wat is dat? — — — — —

Je, säd' ik nich, du röttst dorneben,  
 Min Jung', dat is ein Minschenleben.

Simsala, dusala, deiern,  
 Ein liset Klingen un Beiern,  
 Ein Swēben æwer Maras un Gas,  
 Ein Säufen nah einen verborgen Schas,  
 Ein Glummen un Gläsen an Seel un Sinn,  
 Ein selig Wassen in 'n Himmel rin — —  
 Simsala, dusala, dat,  
 Nu rad' mal, wat is dat? — — — — —

Je, säd' it nich, du röttst dorneben,  
 Min Jung', dat is ein Minschenleben.



### Um Middernacht.

Dor slög' dei Stunn  
 Mi deipe Wunn,  
 Dei Stunn um Middernacht.  
 Dor sprängen in 't Slapen  
 Dei Ogen mi apen  
 Un keeken mit 'n Mal ganz wacht.

Un um mi dat Düster,  
 Dat glupt as ein wüster  
 Un groter Bulemann.  
 Un ein Schuddern un Bangen  
 Deb' nah mi langen  
 Un wull mi faten an.

Dor wör it so lätting,  
 So minn' un nignätting,  
 Verlär so ganz min hap'n.  
 Un hadd unnre Bedden,

Dei Späuf tau wêhren,  
Mi vör mi girn vertrap'n.

Kein Stirn an 'n Heben.  
Kings sweg' dat Leben,  
Wat ik uk hort un frög'.  
Känn Antwort nich finnen  
Bi all min Sinnen — —  
Doch hör! — Min Hart, dat slög'! —

Zuchhel! Wat wißt mihrer?  
Nu sing' din Lieder!  
Dor ward din Brot di baßt!  
Wat sælen dei annern,  
Din Hart sleit taun Wannern  
Di jo den rechten Takt!



### Jan Allmann.

Jan Allmann kümmt vör dat jüngste Gericht.  
Hei meint, sin Aktien stahn nich slicht.  
Hei höllt den Kopp gor stur in 'n Nacken  
Un deit ganz heilschen Klauf noch snacken:  
„Wat Bibel un Kglechismus mi vörschreben,  
Dor bän ik min Lebenlang bi bleben.  
Wat Mudder heft predigt un Vadder dan,  
Dor leet ik ämmer min Karr nah gahn;  
Wat Schult un Schandarm deden anornier'n,  
Dat ded' ik seindag' nich mihr as girn.  
Ik schul nah dei Herren un keef nah dei Knechts  
Un segel so middwärts von links un rechts  
Un wör mi dat paglichst rutersäufen.

Ik leet dat Gräbelen un son Masäuken.  
 Wat Nahwer ded' un Nahwer säd',  
 Dornah ik mi min Leben smäd'.  
 Bün buren, heff heirat't, freg' Kinner, bün storben,  
 Ik höll mi noch nich för so ganz verdorben."

Unf' Herrgott fickt Jan Allmann an:  
 „Wat sall dat ole Geleier, Mann?  
 Is ämmer dat eine Gefäuf' un Getüder.  
 Glöwst du, dat wi dormit kamen wider,  
 Meinst du, dat ik din Lengen un Leben  
 Di blot för anner Lüd' heff geben?  
 Hest du kein eigen Hart in 'n Eiw,  
 Dat vull sitt von richtigen Drang un Drim,  
 Dat du dormit wirken un schaffen söst  
 Un endlich di un all's anner erlöst  
 Un fri wardst in dei schöne Welt,  
 Dei ik för alle Geschöpfe henstellt?  
 Un du bugstüm di hoge Mur'n  
 Un treckst di dei Nachtmütz aw're Uhr'n,  
 Lewst anner Leben, löppst as son Schap  
 Achter Königs un Dokters her, Perfesser un Pap.  
 Un wat dei Johrhunnert hebben buren an Laß,  
 Dor wörst du von vullstakt bet unnre fast.  
 Lewst nich din Leben — dat Best, wat 'e hest — —  
 Du büst einen groten Schapskopp west!"



### Weigen.

Mudder un Vadder deden mi weigen,  
 Von ein Sit nah 'r anner ded 't mi dreigen.  
 Unüm mi danzte dei niedrig Stuw,

Un up dei Kommod dei gläsern Duw,  
 Inne Eck dei Disch un dei Kuckucksklock,  
 Uppe Kammburd dei Geranienstock,  
 In 'n Melkenschapp dei Pott un dei Schal,  
 Dörch 't Fenster ein lustig Sünnenstrahl  
 Un dat lütte Lied, dat æwer mi klüng'  
 Un dat mi lisen in 'n Slap denn süng'.

Nahst wör mi dat vulle Leben weigen  
 Mit sinen willen, bunten Reigen.  
 Dat stödd mi her, dat smet mi her,  
 As leg' ik in ein widet Meer,  
 Un bunte Biller huschten vörbi  
 Un finster Gedanken packten mi.  
 Ik greep nah dit, höll mi an dat,  
 Ik wör ball drög', ik wör ball natt  
 Un freu mi, wenn dei Abend kem  
 Un mi denn in sin Armen nehm.

Nu weigt mi ein stillek Lengen  
 In 'n Harten ahn Larm un Drängen,  
 Ein wunnerfäutet Up un Af,  
 Un weit nich, wecker dat sett't in 'n Draff.  
 Ein wunnerlichet Her un Hin,  
 Un frieg' dorin doch keinen Sinn:  
 Wat kümmt von buten, von binn'n dei Segen,  
 Wat 't Well'n sünd, dei tauhöcht mi drögen — —  
 Na, is einerlei, ik lat mi weigen,  
 Un säll 't dorbi in 'n Himmel steigen.



## Jesuo.

Brauder, du süßst jo ganz anners ut,  
 Du mößst di vël beter un schöner rut,  
 As ik di taurist heß kennen lihrt.  
 Dor Köster un Preister mit di hemm hantiert,  
 Dunn fleekst du duknack, as drögst du 'n Last,  
 As wenn du nich recht in dei Welt rinpaßt,  
 So höltern un stif, ahn Hëg' un Pleg',  
 As seeten di din eigen Glieder in 'n Wëg'  
 Un in jede Ogeneß stünn ein Tran' — —  
 Hät steihst du ganz anners vör mi uppen Plan.  
 Junge, ein Kirl jo, prächtig un stark,  
 Ut ein Stäck haugt, vull Maut un Mark,  
 Rutwuffen ut sik sälm, as 'n Born ut sin Wöddel,  
 Gierst nich nah Unseihn un Stand un Wöddel,  
 Dreggst in di jo dei ganze Welt:  
 Fast häst du up dei Irden henstellt,  
 Deist an ehr reinen, riken Gaben  
 Still un hartensfroh di laben.  
 Din Seel ewer fährt ein anner Leben,  
 Dat stammt woll her ut 'n hogen Hëben,  
 Dat fickt nich taur linken un taur rechten,  
 Dat lett sik nich kneden un nich knechten,  
 Dat wüß tauhöcht ewer Krimstrams un Spott,  
 Dat is sik Herrscher un Deiner un Gott  
 Un smitt nu sinen hellen, warmen Schin  
 In Milljonen Dahten in dei Welten rin.  
 Dat deit upmuntern, dei dor klagen,  
 Dat deit uprichten, dei sik plagen,  
 Dat binnt dei Seelen, dei ganz terreten,  
 Dat brennt inne Harten, dei blot drinken un eten,  
 Dat versprecht keinen Lohn, draugt an kein Leid,

Dat wist blot: achter all's steiht dei Ewigkeit.  
 Wat Lēben, wat Dod, wat Vader, wat Mauder!  
 Sünd all Gottes Kinner! — Gun Dag ud, Brauder!



### Selig sünd, dei dor hungert...

Von unsen Herrn un Heiland Jesus Christ  
 Mi blot ümmer ein Bild gegenwärtig is:  
 „Kamt her, ob Bur odder Kaiser odder Kind,  
 All, dei mähnselig un beladen sünd!“

-----  
 Doch kümmt mi Dokter Martin Luther in 'n Sinn,  
 Denn fall'n mi ümmer twei Biller in,  
 Un keine Strat, kein Brugg un kein Bahn  
 Deit von dat ein tau 't anner gahn.

-----  
 Ik denk, wur hei in sin Klosterzell seet,  
 Ewer sin Seel woll Lēben un Lēf vergeet.  
 Ik denk an dat Beist mit dei deipen Ogen,  
 Wur hei nah Worms is rinnertogen  
 Mit 'n Wannerstoß, in 'n einfach Kled  
 Un up dei Lippen ein stiller Gebet.  
 Kein Fett up dei Rippen, kein Fett in dei Seel,  
 Ewerst Kraft un Frier — so vgl, so vgl,  
 Dat 't upbluht as ein hillig Brand  
 Von Narden bet ewer dei Alpenwand,  
 Dat jeder kann Lēf un Seel an warmen,  
 König un Bur, Schinner un Schandarmen.  
 Dor spröck dei Wöhrheit ahn Macht un Lēst:  
 „Kumm her, min Söhn, wenn du wat wist.  
 Wat dörrch mi un alle Welten flüht,  
 Dat is 't, dat Kraft un Tröstung hätt!“



Un nah Johr'n. — Ik seih em sitten an 'n Disch.  
 Hei snitt dei Gaus an un den Fisch  
 Un mak einen Wiß un strakt sin Fru,  
 Un 'n nüdlich Dumwelfinn waßt em nu.  
 Aintsbräuder un Herrn kamen ewer Land un Meer,  
 Un Herr Herzog, Herr Dokter, geiht 't hen un her.  
 Un buten, dor wannert dat Elend un Weih,  
 Dor scheiten s' un slan sik dei Köpp intwei.  
 Un hei kriegt nich den irsten, besten Knüppel her  
 Un sett 't sik as in Worms tau Wehr  
 Un sleit nich all's in dei grawe Grund:  
 „Freuden selt ji hollen — wat Herr, wat Hund! —  
 Bräuder sünd wi all — wat firu, wat nah!“ — —  
 Doch hei kennt kein Gethsemane mihr un Golgatha.  
 Wat will'n dei Hallunken — Däwel wiß! — —  
 Dörch dei warme Stuw klingt Lautenmusik.  
 Hei schenkt sik in ein frisch Glas Win  
 Un wischt sik den Mund — deit satt nu sin. — —  
 — — — — —

Von unsen Herrn un Heiland Jesus Chriß  
 Mi blot ümmer ein Bild gegenwärtig is:  
 „Kamt her, ob Bur odder Kaiser odder Kind,  
 All, dei mühselig un beladen sünd!“



### Sünndag.

Sünndag is hüt un freu un fröhlichkeit.  
 Wat meinst du? ' Dunnersdag in 'n Klenner steiht!  
 Kif ik nich nah, bin jo min eigen Herr.  
 Eat 't doch! Man tau, dor geiht jo nir verquer.  
 Heß ik min Alldagstüg un schauh uck an,  
 Möt schufte un sweite ik uck un düchtig ran.

Bravo, bravo! Dat frizgt mi lang' nich unner.  
 Min Seel hett Sünndag hüt, von haben runner  
 föll Segen un Seligkeit in dusend Ström,  
 Bläder un Bläuten wassen up Büsch un Böm.  
 Ein säutet Singen flütt in alle Firn,  
 Ein weiket Klingen kummt von alle Stirn,  
 Un tau ein Kar! ward mi dei wide Welt,  
 Ein Preister unsichtbor sin Predigt höllt  
 In wunnersamig Tön un himmlisch Wärd',  
 So as s' in 'n Leben nie min Uhr hett hürt.  
 Wenn s' uck in 'n Harten woll al sleepe lang',  
 Nu wören s' weckt, un 'n Danz kummt nu in 'n Gang',  
 Ein Wring'n un Wräusen un ein Kuddelmuddeln,  
 As daun dor nig' un starke Kräft upbuddeln,  
 Kräft, dei dörch alle Rüm un Tiden gahn  
 Un säufen, wur s' ehr'n Haken kenen anslan.  
 Man tau! Mi 's 't recht; ja, kummt man ruhig ran,  
 Min leiwes frün, un holst juch Predigt man.  
 Wit ewer Marag un Mad' un Haß un Pin  
 führ'n sei tauhöcht tau Licht un Sünnessin,  
 Tau Wohrheit un Tru — in 'n langen bunten Reigen  
 Daun sei üm di dei schönsten Biller seigen,  
 Wur Minschen sin kenen, wenn s' man irnslich will'n,  
 Wenn s' von sik smiten alle Lunen un Grill'n,  
 Wenn s' nich mihr schell'n un toben, garr'n un blarr'n,  
 Wenn sei an Eif un Seel wedder reiner warr'n,  
 Wenn sei ehr Gier'n un Janfen lihren törn'n,  
 Nüch wahllos allens in sik rinnerbörn'n,  
 Wenn jeder 'n Tempel in sik sülbst upricht't  
 Un endlich in sik ewigen Sünndag frizgt,  
 Wur hei keinen Preister brukt, Geseß, Befehl,  
 Ut ewig Borns wedder drinken lett sin Seel. — —  
 Wat, is 't nich Sünndag hüt, wenn 't so ein Badschaft freg',

Dei wegnimmt all, wat mör un ful un leg'.  
 Bestimmt dei Polizei ud 'n aunern Dag —  
 Rutscht mi den Pudel dal — dat is nich lach!  
 Dunnersdag fall 't sin? — Poh Bliß un Dunner,  
 Smeet ewre Burd jo all den ollen Plunner!  
 Ein nige Welt steiht dor in Blaum un Stirn.  
 Min Seel hett Sünndag, deit hüt Sünndag fir'n!



### Drähnbartels rut!

Min Stuw is vull Sün, un min Hart is vull Eicht,  
 Kümmt nich rin, makst du kein fröhlich Gesicht.  
 Wat Vetter, wat fründ, dei blif mi von 'n Wagen,  
 Dei nich nahlett dat ewig Gestöhn un Klagen  
 Un vertellen von Unglück un schlechte Tiden,  
 Von dei Minschen ehr Marach, Gejacher un Striden,  
 Wat Nahwersch ett un Nahwersch kas't,  
 Wat Jochen sit mit Eischen strakt,  
 Dat frising hüt is Dokter worden  
 Un Kdrling kreg' einen hogen Orden,  
 Un dat s' al wedder einen dotslögen  
 Un einen annern düchtig bidrögen. — —  
 Drähnst ümmer noch? — Nu æwerst rut up dei Straten,  
 Du weißt doch, wur 'e Timmermann dat Eock hett laten,  
 Denn Kinner sünd 't, dei so jauwen un blarr'n.  
 Dei Hunn, dei zaffeln, un Katten, dei quarr'n.  
 Ewerst rut mit dei Diere — un Minschen rin —  
 Denn min Stuw is vull Eicht, un min Hart is vull Sün.



### Du allein.

Wat makst du för ein schein Gesicht,  
 As gäng' di dat gor un gor tau slicht,  
 As haddst kein freu mihr an Sänne un Heben,  
 Kein freu mihr an diu eizen Leben,  
 As arger di Wind un Regen un Weder,  
 As hadden dat alle Geschöpfe heder.  
 Wat grunzt di, as woßt du æwerlaken,  
 Di kann doch keiner fröhlich maken,  
 Kein ein — as du allein.

Wat snückerst un studierst in Blatt un Bauk,  
 As möken dei di ahnig un klaut,  
 Wat strewst nah Geld un Ruhm un Jhr,  
 As möken dei di glatt un schier.  
 Wat richst du di nah anner Lüd',  
 Nah ehr Gebirden un nah ehr Wärd',  
 Wat gell'n di an dei frönden Saken,  
 Di kann doch keiner glücklich maken,  
 Kein ein — as du allein.

Wat ängstigst vör Ewigkeit di un Enn,  
 Un löppst von Pontiusen nah Pilatusen hen;  
 Fröggst hier den Dokter un dor den Preister,  
 Lettst up Seel un Eif setten Paster un Reister  
 Un wringst dei Hänn un bögst dei Knei  
 Un hul't un winselt tau Gott in din Weih.  
 Häng' di doch an den richtigen Haken,  
 Di kann doch keiner selig maken,  
 Kein ein — as du allein. —



### Lebensmaut.

Minen fröhlichen Maut, den söcht ik wedder,  
Dei hängen bleben weer anne Lebensledder —

---

Dor gäng' ik tau den Dokter sin Dör,  
Dei hal'te Buddels un Meßers vör  
Un schrew Rezepte, ellenlang, funterbunt,  
Un dorbi, je, weer dei Kirl gesund?  
Dei Puckel krumm un stif von Gicht  
Un ein gnittschewsch un jämmerlich Gesicht —  
Dei süll mi helpen? — Dor leep ik furt  
Un smeet einen Sack vull Hapen awer Burd.

Dunn kem ik tau den Preister sin Dör,  
Dei söchte dat Bibelbauk sik vör  
Un predigte un preisterte lang un breit  
Von dei olen Juden, Sünn, Düwel un Seligkeit.  
Un schimpfte un schandigte dorbi nich slicht —  
Un dei wull bistahn vör 't jüngste Gericht?  
Dei süll mi helpen? — Dor leep ik furt  
Un smeet wedder 'n Sack vull Hapen awer Burd.

Dunn kem ik tau dei Komödjanten ehr Dör,  
Dei möken vel Kinkerlistens mi vör,  
Dei spēlten sik up as bannige Herrn  
Un können ehr eigen Leben nich törn'.  
Blot Wörd' un Schin, blot fludder un Tand,  
Wur blew dei faste, starke Hand?  
Dei süllen mi helpen? — Dor leep ik furt  
Un smeet wedder 'n Sack vull Hapen awer Burd.

Dunn kem ik tau dei Philosophen ehr Dör,  
Dor snackte ein den annern wat vör.

Buddelt einen in 'n Bregen mal up ein Blas',  
 Denn meint hei furts: So leep dei Has'.  
 Un wull dat Riesenweltenrief  
 Rinpremsen <sup>1)</sup> in ein Formel glif.  
 Dei füllen mi helpen? — Dor leep ik furt  
 Un smeet wedder 'n Sack vull Hapen awer Burd.

Dunn kem ik tau min eigen Dör  
 Un sett't mi dal un horcht un hör:  
 „Wat büst för 'n Scharping, makst dat Leben di swer  
 Un weißt doch nich wurhen un wurher.  
 Keiner verlangt wat von di, keiner ward di strafen,  
 Dei anners vertell'n, möten leigen, dei Braven.  
 Js son Leben nich licht? — Nu danz un lach!“ —

— — — — —  
 Dor wör ruhig in 'n Harten dat allgemach.  
 Un langsam fynn minen fröhlichen Maut ik wedder  
 Un fladderte wider rup up dei Lebensledder.



### Mulken, Waggen, Wind...

Mulken, Waggen, Wind,  
 Weit woll, as ik weer Kind,  
 Dunn sünd ji dörch min Dagen gan,  
 Dunn hewwt ji in min Dröm dorstan,  
 Ji ded't mi hollen un weigen un plegen  
 Un faudern von jugen riken Segen,  
 Bröcht't mi Kunn un Kraft von wide firn,  
 Dei ewigen Düpten, dei himmlischen Stirn.  
 Mulken, Waggen, Wind,  
 Dor weer mi so woll un lind.

<sup>1)</sup> hineinzwängen.

Du nehm mi dat Leben in 'n Arm.  
 O Gott, ein Getow un Gelarm!  
 Dei Räd', dei susen, dei Reimens rasseln,  
 Dei Autos tuten, dei Minschen quasseln,  
 Un ein Dunst un Dreck so dick un dump,  
 Un dei Häuser will'n einen drücken in 'n Klump.  
 Un schöne Kleider — doch dat Hart maht Bankrott,  
 Kein Stedig- un Herzlichkeit, vel Hohn un Spott,  
 All's mulschig — kein Dig' un Deg' —  
 Hallo — gah wedder anner Weg'!

Wulken, Waggen, Wind,  
 Kam wedder tau juch geswind.  
 Will juch wedder in dat Og' rinseihn,  
 Sält mi wedder üm den Kopp rüm weihn,  
 Sält mi wedder dörch den Bregen spülen,  
 Sält mi dat giftig Blaut wedder kühlen,  
 Von Seel un Eif mi waschen' runner  
 All den ollen, wirren, wäusten Plunner — —  
 Wulken, Waggen, Wind,  
 Nehmt mi wedder an as jug' Kind.



Ja...

Mit krummen Puckel un Brillengläs'  
 Stahn up Katheder un Straten  
 Woll Kirls un maken ein Gewes':  
 Will'n juch wat weiten laten.  
 Wi sitten bi 'n leiwen Gott tau Gast  
 Un hör'n sin Himen un Hausen,  
 In 't Weltenhus von Del tau fast  
 Daun wi rümraden un ausen.

Wi snüßern in jede Ritx un Eß  
 In fibel un in Bibel,  
 Wi wäuhlen in jeden Schit un Dreck  
 Un schriben ewer Dod un Düwel.  
 Dei wide Welt, in Schönheit un Kraft,  
 Wi sniden s' in feßen in —  
 Maken apen den Born vonne Wissenschaft.  
 Ja — — — — —  
 Schöt't ji man kopphester rin,  
 Ji Dokters un Perseßers.

Un nebenan up Kanzel un Kur,  
 Mit infror'n Ogen un Backen,  
 Stahn vör dei Kinner, vör den Bur  
 Wedder anner mit 'n framet Snacken:  
 Nu gaht man Gottes Weg' un Drift,  
 fragt nich nah Twiflers un Meiners,  
 Vergeben is, den hei vergift  
 Un wi, dei wi sin Deiners.  
 Doch is nich Lust un Leben hei,  
 Nüch Eachen un Danzen un Sinn'u —  
 Dei Hännen foll'n un krumm dei Knei —  
 Kannst du sin Ritx gewinnen.  
 Doch Gnad', wecker geiht ein anner Trad'  
 Un veracht't dit höchste Gaut,  
 Den smitt hei in dei Höll so drad' —  
 Ja — — — — —  
 Smet hei man rin den ganzen Laut,  
 Dei Schaulneisters un dei Preissters.

Doch sitten ick weck up Süll un Stein  
 Mit wunnerlich Ogen un Reden,  
 Un wur einen armen Minschen sei seihn,



Den linnern sei dei Keden.  
 Un wur von Schönheit un Seligkeit,  
 Von Kraft un Eiw ward sungen,  
 Dor warden dei Backen ehr rot un heit,  
 Stimmen s' in mit fürig Tungen.  
 Un wur ein bunte Blaum blot bläuh't,  
 Wur Baken plättern lisen,  
 Un wur ein Kind in Amnaut gläuh't,  
 Dor wassen ehr dei Wisen.  
 Un fiken nich nah Krät un Spenn,  
 Un nich nah Sün'n un Schann —  
 Nah 'n Himmel, Himmel wisen s' hen —  
 Ja — — — — —  
 Rup up 't Schild in 'n ganzen Eann  
 Dei Dichters un Propheten.



## Rut!

**W**at löppst mit dinen scharpen, warmen Strahl  
 Dei Hüser längs, dei Straten dal  
 In jede Eck? — Wat wist du, Sün'n? —  
 Wat, is will nah dei Minschen rin,  
 Dei sittin achter Gardinen un Eaden;  
 Will ehr mal düchtig brenn'n un braden,  
 Will ehr dei blassen Backen brunen,  
 Ut 'e Seel ehr beizen Grill'n un Lunen,  
 Ut 'n Eiw ehr freten Bazill'n un Trichinen  
 Un von 't Gesicht dei galligen Mienen;  
 Un Og' un Uhr un Buß un Bein —  
 All's mal döchlüchten un döchseihn,  
 Dat nig ehr mihr vergrißt un grellt,

Dat s' wedder vull fröhlichkeit un Gluck  
 As is — so as is —  
 Daun rümmelachen dörch dei Welt.

Wat ruffest un fleist an Dör un Dack  
 Un brummst un heß't dinen eintönigen Snaß,  
 Deisülwige Feier? — Wat wist du, Regen?

Is will juch bringen minen Segen,  
 Will juch affpötern mal dei Hut,  
 Dat dor all Smutz un Sorg' kümmt rut,  
 Juch kühlen dat Blaut, juch fetteln dei Sehn,  
 Wegswemmen, wat stedt in Ader un Ven,  
 Will lisen, weiken awer juch gliden  
 As stille Dröin ut Kinnertiden,  
 Will uß dei Seel afweiken un waschen,  
 Wat sit hett aufset't in fol'n un Taschen,  
 Dat allens blänkern un blinken deit,  
 Dat allens rein un flor tau Schick  
 As is — so as is —  
 Wedder lopen kann dörch Holt un Heid'.

Wat hul'st un süßst un schriggst dor buten,  
 Un breadst un bohrst an Wänn un Kuten?  
 Is 't Wut, is 't Weih? — Wat wist du Wind? —

Is will di rüthemm, Minschenkind!  
 Du wardst dor stif jo as ein Pahl,  
 Müch tau giren mit di dancen mal,  
 Müch di dei Glieder smidig maken,  
 Di kneden dei Muskeln un bögen dei Knaken,  
 Di all dei Gespenster ut 'n Bregen jagen,  
 Dei dor in drusen sit ollen Dagen,  
 Di rasen un ratern, di schüddeln un schüdd'n,  
 As deit dei Köster Klocken lädd'n,

Dat ji wedder gewt einen hellen Klang,  
 Un fri un licht, un smedsch un snick  
 Us is — so as is —  
 Wedder steigt dörrch Jrd' un Hëben lang.



### Ahn Gepäck.

Un büst du uck dortau verdammt,  
 Tau gahn in Täll un Sid' un Sammt,  
 Reid' di nich Dauk un Deck.  
 Mi 's noch tau diß min affschürt Jopp,  
 Smeet noch am leiwsten uck 'n Haut von 'n Kopp:  
 Is reis' girn ahn Gepäck.

Un deist du di den Bregen vullstoppen  
 Von alle Wisheit 'n düchtigen Kopp:  
 Is doch blot Gelick un Gelect.  
 Wat is nich weit, drückt mi nich 'n beten,  
 Dat bruf 't nich wedder tau vergeten:  
 Is reis' girn ahn Gepäck.

Flink sall dei Sünnschin dörrch mi fleten,  
 Flink sall dei Stormwind dörrch mi scheiten  
 Us 'n fahlen æwer Tun un Heß.  
 Eicht gah dei Nohrung dörrch fleisch un Blut,  
 Eicht dei Gedank dörrch Seel un Maut:  
 Is reis' girn ahn Gepäck.



### Sünndagskinner.

Alle Dage hewwt ji Sünndag,  
 Melkt dei Klenner anners of,

Gah't ji uß in Unt un Selen,  
Gah't ji uß döörh Stom un Rof.

Ummer steiht jug' Og' vull Lächten,  
Un jug' Hand is linn un licht,  
Lieder liggen up jug' Lippen,  
Stille frend' up jug' Gesicht.

Un jug' Hart, dat is ein Goren,  
Leiw waßt dor un blänht un kost,  
Un dat regent Hoffnungsdruppen,  
Un dat sui't dor kühlen Trost.

Un jug' Mund, dat is ein Boren,  
Flütt woll rut manch millet Wurt,  
Stütt jst alle Harten apen,  
Summt un gräunt dor lisen furt.

So gah't ji döörh Drift un Drebel  
As son helle stille Sünne,  
Ea't juch nümmer unnerfriegem —  
— — — — —  
Ach, wer dor mitmaken künnt!



### Kinner.

Drei Königs kemen ut Morgenland,  
Sei schugten nich Käll noch Sünnenbrand,  
Sei söchten Wohrheit un ewig heil,  
Ein Stirn wör ehr as Wegwiser tau Deil.  
Hei wist'e ehr nich tau König un Preister,  
Uß nich nah Dokter un Börgermeister,

Nich dorhen, wur man deit schusten un raden,  
 Nich dorhen, wur man glatt deit snaden,  
 Nich dorhen, wur wahnt Hohn un Spott,  
 Uß nich taun Düwel un leiven Gott — —  
 Hei bröchte sei tau ein lüttet Kind,  
 Dat ruhig slöp man! Schap un Kind — — —

Un wecker tau dei unschälligen Gär'n deit gahn,  
 Dei ward den blanken Stirn verstahn.



### Man los!

Treck man, Twifel, treck din fohr  
 Mi man dörch dat Höwt,  
 As wenn 'n Plaug sin scharpet Schor  
 Deip den Irdbodden flöwt. —  
 Weih deit 't! — doch makt los un licht  
 All wat hart un fast,  
 Dat dor nahsten drang' un dicht  
 Weiten sprütt un Gast.  
 Treck man Twifel, treck din fohr  
 Mi man dörch dat Höwt,  
 Dat dei Glow finnt Ackerland dor,  
 Dat hei waßt un töwt!

Drawt man ranner, Denken un Dröm,  
 Brust' man dörch dat Blaut,  
 As dei Storm dörch Busch un Böm  
 Un dörch stille flaut.  
 Sleit dei Bläd' af, Twig' un Ast,  
 All, wat mulsch un mör.

Knippt dei Wellen scharp un fast,  
 Dat sei juchen as 'n Gör.  
 Drawt man ranner, Denken un Dröm,  
 Brus't man döörch dat Blaut,  
 Dat dat Hapen sik nie uptöm,  
 Fööt dor fasten faut!

Brenn man Sünd, du finster Gefell,  
 Brenn man rein dei Seel,  
 As dei Bur dei Heid' dat fell  
 Aftreckt un affwel.  
 Bitt dei Rok uß scharp un basch,  
 Slimt den Hals einen vull,  
 Eat't man sin — ut swarte Aßch  
 Gräunt 't nahst degt un dull.  
 Brenn man Sünd', du finster Gefell,  
 Brenn rein ut dei Seel,  
 Dat dei Keiw dor, warm un hell,  
 Nahst ehr'n Swichel spel!



### Fründschaft.

Du wist min fründ sin, as du oft tau mi heft seggt,  
 Jawoll, wenn ik mi heß ein nige Bär taulegg  
 Odder 'n stiwen Haut — dat süßt gewiß un sicherlich  
 Un red'st, wur sei sünd lößt, wat s' fleden mi odder nich.  
 Un büst mal grad' bi Stimmung, deist mi uß inladen  
 Taun gaud' Glas Grog un 'n Bodderbrot mit Kes' odder  
 Braden.  
 Un drähnst denn mit mi döörch, wat Aigs dei Zeitungen  
 bringen,  
 Un wardst dei allernigsten Lieder mi vörzingen.

Un büst mal slicht bi Een — is meistens blot dei Fall,  
 Wenn di dat Lüttgeld mal is wedder worden all —  
 Denn kümmt un leihst — wil du min fründ un if jo  
 din.

Is 't wüßlich so? — Je, vör dei Welt, dor mag 't jo sin,  
 Doch fröggst du mal dornah, wur 't Hart inne Vost mi  
 sleit,

Wurans min Seel sik hett un ni infleden deit,  
 Wenn sei mal ruut <sup>1)</sup> un wedder nige Spilen frigg,  
 Eddst du mal in ehr — weer 't uß tau dat lüttst Gericht  
 Odder taun Spazierengahn up jene stillen Straten,  
 Dei nich dei Welt kennt un doch stahn vull ewig Saaten,  
 Wur schönre Saken warden schenkt as Bier un Win,  
 Wur man hört schönre Stücke, säutre Melodien — —  
 Nah so wat fröggst du nich, uß nich in slichten Dagen,  
 Un ded'st mi doch al vël, vël Not un Elend klagen.  
 Wat pumpst mi nich mal an — fall sin jo doch din  
 fründ —

Um 'n Druppen Hartblaut un ein beten Seelenmünt,  
 Dei 'n betren Klang doch gift as allet Gold un Geld,  
 Wat allsindag' rullierte rüm uppe wide Welt,  
 Un heller glummen un schinen deit as 'e flore Sünne?  
 Un wist min fründ sin, je, wenn 't if blot glöben künn!



### Min Sehnsucht ehr Kinner.

Min Sehnsucht ehr Kinner, wur lett juch dat?  
 Von buten un binnen lif schier un glatt.

Von haben bet unnen lif rot un rank,  
 In Wärd' un Dahten lif fri un frank.

<sup>1)</sup> sich mausern.

Un Eif un Seelen sit munter un frisch —  
Süh fit, wur sei springen awer feller un Wisch.

Süh fit, wur sei stecken vull fohren un flauf',  
Süh här, wur sei singen ehr lustig Klauf'.

Süh här, wur sei snacken mit Hund un mit Hahn,  
Süh fit, wur sei gripen nah Sün un nah Man. —

Min Sehnsucht ehr Kinner, wann ward 't ji gebur'n?  
Wenn 't Minschen deit geben, nich König un Bur'n.

Wenn still wi schaffen as Planten un Stein,  
Wenn Slachten werden slagen in 'n Harten allein.

Wenn Sünnschin wi drinken un Stormwind un Eicht,  
Denn steiht jo dei Hegen in jedet Gesicht.

Denn wirken tausamen dei Mann un dat Wis,  
Ein helpen un hollen, ein Seel un ein Eif.

Un ein denn in 'n annern sit rinlewt un pagt,  
Un tausam denn mit 't Weltall verwewt un verwaht.



### Dotflag.

Seel, wat deist du so trurig sin,  
Un dei Welt steiht doch vull Sünnschinn? —  
— — — — —

Kem eben dörch Schaulen un ähulich Gebäd',  
Dor seeten dei Kinner un jungen Lüd'  
Mit scheiwen Rücken un folgte hänn  
Un lührten un häffelten ahn Enn — ahn Enn,  
Dat ehr dei Kopp ded' roken un brummen,



Dat ehr dei Uhren beden klingen un summen.  
 Un wat kem dor nich allens up 't Tapet  
 Von lütt un grot, von jeden Schet.  
 Un Meinungen stänn'n as Dag un Nacht:  
 Dit hadd dei red't, dat hadd dei dacht,  
 Dit säb' Erfohrung, dat dei Verstand,  
 Dit schrew dei Weltgeschicht ehr Hand.  
 Dat all's mischte man un preßte dat ut,  
 Bet tauleßt dei reine Wohrheit sprüng' rut.  
 „So möt't ji nu glöwen, so möt't ji wanneln,  
 So möt't ji reden un so möt't ji hanneln!“  
 Dat drew man ehr rin mit Predigt un Stoß,  
 Un treckt ehr dat an as 'n frömden Rock.  
 Un lett s' lopen nu in ein wandtschaben Jach  
 In frömden Globen, mit frömden Snack.  
 Un ehr eigen Sehnen, ehr Kin un Kurn,  
 Dat möt verdrögen un versur'n.  
 Un wur sit dat wagt an dat Dageslicht,  
 Sitt man as æwer 'n Unort tau Gericht.  
 Dor süll iß nich trurig sin in son Not —  
 — — — — —  
 Grämt 't di nich, sleit man din Geswister dot?



### Ein Snitt.

Dor geiht woll 'n Snitt dörch jedet Menschenleben,  
 Ein Snitt, so wuchtig, scharp un breit un deip,  
 Dat em kein Dokter friggd tausamengehen,  
 Un neih hei ud mit Stakelfork un Reip.

Dat is, wenn æwer dine Kinnerogen  
 Ein Gott mit unsichtboren fingern strickt,

Wenn langsam dor ward 'n Sleier runnertagen,  
Dat dor ein ahnig, nakte Seel rutfidt.

Dat di dat klingt ut alle Bäuferbänn'n,  
Ut olle Sagen woll von Gott un Niz,  
Dat di dei Stirnsnupp schrift mit fütig Hänn'n:  
Eat doch dat Dickdaun! Minsch! Du weißt jo niz!

Dat ut din Schaffen will'n Gestalten stigen,  
Ut Sinn or Stein or Würd' will'n hemm ein Bäg,  
Un di dat Warf seggt, dat deit ruterdigen:  
Eat doch dat Dickdaun! Minsch! Du kannst doch niz!

Dat Well'n, dei di as Wülw will'n æwerfluten,  
Ein Süß, dei vör di maßt 'n höhnschen Kniz,  
Di jeder Blißslag deit mit 'e Näs' upstufen:  
Eat doch dat Dickdaun! Minsch! Du büßt jo niz!

Denn kannst du lächeln blot noch, nich mihr lachen  
Woll as ein fröhlich, unverdorben Kind,  
Kannst blot noch trösten, nich mihr schell'n, marachen  
As buten dörch dei Welt dei störmische Wind.

Eihrtst fiken denn vull Sehnen rup taun Heben.  
Wat 's recht, wat 's falsch? Wardst swigsam in den Kram.  
Denn geiht dei dulle Snitt uß dörch din Leben,  
Hoff, dat ein anner Welt em neihst tausam!



### Geburtsdag.

Nich dor, wur man hängt Dör'n un finster tau,  
Wur „Mudder Gripsch“ rämslicht up sachte Schau,  
Wur man läßt Strümp un Börtens leggt al trecht,  
Uß 'n Billerbauß, dat 't Og' mal friggst sin Recht,

Un wur siß spannt ein breide Mudderboß,  
 Dei kum noch bi siß hollen kann dei Kost,  
 Un wur ein Mudderhart is vull taun Springen  
 Von dat, wat sei mal lihren will un singen,  
 Un wur uppe Del poor Dadderogen luren — —

— — — — —  
 Ae, wur ein Seel steiht einsam, naft un blot,  
 Inne Welt rinsüht mit Ogen, wit un grot,  
 Wur all's, wat s' hett un lihet, dei ganze Plunner,  
 Wedder von ehr afföllt as wormmalig <sup>1)</sup> Tunner,  
 Wur 't ehr dörschshuddert as nah 'n sworn Drom,  
 Un doch nich henlöppt nah den irsten Bom  
 Un siß dor uphängt an den besten Ast,  
 Ae, widergeiht dörsch 't Leben, still un fast,  
 Sin eigen Weg' — — dor ward ein Minsch geburen.



### Mudder Ird' klagt.

Ik hört dei Ird' mal klagen,  
 Ik leg' unner 'n Eikenbom.  
 Dor kemen so allerlei Fragen,  
 Dor kem ein langer Drom.

Dei Ird' tens minen Höwen,  
 Dei ded' siß wit vonein,  
 As wenn s' ein Äg ded' flöwen.  
 Ik künn in 't Hart ehr seihn.

Dor glumnten Milljonen Kahlen  
 Un strömten Warmnis ut,

<sup>1)</sup> mürber, von Wärmern zerfressen.

Un Tranen up lisen Sahlen  
 Seepeen ut dei Ogen rut. — — — — —

Dor fäng' sei an tau klagan:  
 „Min Kinner, wat sünd ji slecht!  
 Jt böhr juch von Däster tau Dagen  
 Un möß juch gaut taurecht.

Jt bug juch seker inne Spanten,  
 Sport nich an Seel un Eif,  
 Un ded' in beid' woll planten  
 Den richtigen degten Drif.

Gew juch tau drinken un biten  
 So ricklich all's un riw,  
 Un ji friggt nich naug — daut 't riten  
 Mi min eigen Täg von 'n Eiw.

Daut't pinigen mi un pisacken  
 Dör Dag al un vör Daug.  
 Ji slat't mi mit Bicken un Hacken,  
 Ji kraht mi mit Ritters <sup>1)</sup> un Plaug.

Ji steßt mi mit Spaden un Gräwer  
 Un mischt för mi Solt un Sür,  
 Un streut dat æwer mi råwer,  
 Dat 't brennt noch schlimmer as für.

Ji hus't dor as 'n Verbreker,  
 Haugt allens fort un klein.  
 Js 't noch so fast un seker,  
 Ji möt 't irst all's nahseihn.

<sup>1)</sup> Schälpsflug.

Snid't all's vonein as 'n Slachter,  
 Wat dat is glatt, wat rug —  
 As seet dor wat Schöns dorachter,  
 Un is doch nix för juch.

Un nützt kein Daun un Reden,  
 Ji unnorigen Kinner, ji.  
 Ji holst jo doch keinen Frieden  
 Un stigt uppen Puckel mi.

Un dau 'f juch mal stüwer kamen  
 Mit Storm un Weder un Bliß,  
 Denn scheit't ji mal tausamen  
 Un fohrt in Eck un Ritß.

Un daut juch bücken un dücken  
 Un heft nix taun Verkop,  
 Un lopt as dei Külen achtre Klucken  
 Un frupt uppen Dutt tauhop.

Denn ward mi dat jammern wedder,  
 Kissen ji so ängstlich un bang'.  
 Un kam juch nich ornlich up 't Eedder,  
 Sünd ji still — — blot durt nich lang'!" —

---

Un seet nu dor in Gedanken,  
 Wat s' süll för Mittel anwenn'.  
 Dor wör ik tau ehr wanten  
 Un gripen nah ehr Hänn'.

Dor fäng' ik an tau beden  
 Un strakt ehr liß' dörch 'e Hoor'n:  
 „O Mudding, gew di man taufröden,  
 Wi sünd noch inne flögeljohr'n!"





### III. Biller.

---

#### Wen gelst dat?

Dor daun woll Lieder klingen  
Kann ewer Barg un Dal;  
Dei daun tau Harten dringen  
Als 'n warmen Sünneinstrahl  
Un fetteln dat Uhr so säut un sacht,  
Sei bringen Glück un Jhr un Macht — —  
Di odder mi?

Dor daun woll Geigen spelen  
Dörch Holt hen un dörch Hei.  
Dor horcht dei Minsch in sin Selen  
Un vör den Plaug dat Veih.  
Sünd wunnerfämig Melodein,  
Sei bringen Schönheit, Freiheit un freun — —  
Di odder mi?

Dor daun woll Kloeken lüdden  
Run von ein stille Karf.  
Ehr Kläng', dei schudden un schüdden  
Einen bet in 't deipste Mark.

So dump un irst gahn s' up un af,  
Sei bringen w'en tau Dod un Graff — —  
Di un mi!



### Karkentorm.

Man! Wisch un Kurn, in 't wide, eben Land,  
Liggt einsam ein lütt Döörp anne utführt Straten,  
Jüst as ein vulle, sehnig Riesenhand,  
Dei rings dat Leven deit tausamensaten.

Un Hüser höllt s', un Minsch un Veih sik rögt,  
Maschinen rastern in un ähnlich Dinger.  
Un middenman! reedt in dei Lust tauhöcht  
Dei Karl ehr'n slanken Torm as 'n Zeigefinger,

Dei irst un unvermünd't döör Nacht un Dag,  
Wat üm em rümmerlarmen deit un -leben  
Ut Jrdensfreu un Lust, Rauh un Marach,  
Kupwist nah 'r Heimat, nah den hogen Heben.



### Schaffensstunn.

It lat di nich, du segest mi denn,  
Du still un glücklich Stunn,  
Streust du nu freuden ewer mi hen,  
Sleist du mi deipe Wunn. — — —

Eins weit ik jo — du heft din Hand  
Vull Kraft un Kurn un Kin.

Wur du s' makst apen — up dat Land,  
Dor wassen Melodien.

Dor wassen Lieder, ein Klingen fängt an,  
Ein Singen ut selig firn,  
Dat wäuhlt einen up bet haben ran,  
Dat lett einen gār'n un gier'n.

Dor ward man Minsch, dor ward 't man ganz,  
Dor breken alle Knuppens up,  
Ein König steht dor in Macht un Glanz  
Un will nah 'n Himmel rup. — — — — —  
— — — — —

Un wenn du di uch noch so tirst,  
J! gah di nich von 'n Munn.  
J! lat di nich, du segenst mi irst,  
Du still un glücklich Stunn.



### **Tanen.**

Drög is min Seel ehr Uder,  
Drög as dei swarte Heid'.  
Dat ewig Geruff un Gerader,  
Dat tehrte up ehr Freud'.

Un wat dei Nacht leet leben,  
Dat drünt dei heite Dag,  
Un männig Weder von 'n Hēben  
Un Blitē un Dunnerslag.

Un Sorg un sonne Saken  
Sōgen as dei sture Wind



Un sorten Knick un Knaken — —  
 Bän mäud' nu as 'n Kind.

Drög sünd min Seel ehr feller.  
 Egg still den Kopp inne Hand — —  
 Dor runschen binnen dei Wäller  
 Un Regen föllt up 't Land.



### Slapen gahn.

Oppe finsterschiw deit liggen  
 Dei letzte Sünneustrahl.  
 Den Dag sin Earm un Ringen  
 föllt still dor von di dal.

Doch in din Hart un Sinnen,  
 Dor setten Stimmen in,  
 Wunnersamig Gäst un Frönnen  
 Warden gahn dor ut un in.

Hörst moje Geigen klingen,  
 Dei spel'n kein lewig Hänn,  
 Un lise Winn tau singen,  
 Dei nich hewwen Ur un Enn.

Un Wisen kamen ut Widen,  
 Dei nūms nich kennt un weit,  
 Un daun dörch di hengliden:  
 Di weigt dei Ewigkeit.

Un ünner ehr Riesendäfer  
 Lad't sei di fründlich in,  
 Recht di den Willkamensbeter — —  
 Dor slöppst du lisen in.

### Biweg'lang.

Un runscheft doch so lustig,  
 Du Kinnenbom an 'n Weg:  
 Dor kümmt dei Straten tau di her  
 Woll Arm in Arm ein junget Poor.  
 Un 't scharpe Meßer, blank un bor,  
 Dringt rinner di in Vork un Bast,  
 Dat ehre Nams tausamenwaßt;  
 Un denken din denn nümmermehr.  
 Un runscheft doch so lustig,  
 Du Kinnenbom an 'n Weg.

Un pläterst doch so lustig,  
 Du käuhler Born an 'n Weg:  
 Dor kümmt dei Straten tau di her  
 So 'n oller Stromer männigmal  
 Un bückt sik döstig nah di dal  
 Un drinkt in 'n langen, langen Tog  
 Den frischen, süßwerkfloren Sog;  
 Un denkt an di denn nümmermehr.  
 Un pläterst doch so lustig,  
 Du käuhler Born an 'n Weg.

Un gräunest doch so lustig,  
 Du Rosenbusch an 'n Weg:  
 Dor kümmt dei Straten tau di her  
 Ein junger Wannerknaw in 'n Draff  
 Un plüdt di so vel Rosen af  
 Un wrünnelt sei taun Blaumenstruß  
 Woll för sin lütte Brut tau Hus;  
 Un denkt an di denn nümmermehr.  
 Un gräunest doch so lustig,  
 Du Rosenbusch an 'n Weg.

Un lachest doch so lustig,  
 Du lütte Dirn an 'n Weg:  
 Dor kümmt dei Straten tau di her  
 So männig, männig junger Fant  
 Un leggt di unner 't Kinn dei Hand  
 Un nimmt för Geld un gaude Wärd'  
 Di woll dei Leiw, di woll dei Jhr;  
 Un denkt an di denn nümmermehr.  
 Un lachest doch so lustig,  
 Du lütte Dirn an 'n Weg.

Un lewest doch so lustig,  
 Du Minschenkind an 'n Weg:  
 Dor kümmt dei Straten tau di her  
 Ein Kirl, näms weit, wur em dat leet,  
 Un grippt di rasch an Äiern un Mett  
 Un süggst dat säute Leben di ut  
 Un smitt di furt as 'n utkaugt Hut;  
 Un denkt an di denn nümmermehr.  
 Un lewest doch so lustig,  
 Du Minschenkind an 'n Weg.



### Drüpping.

Drüpping, Drüpping,  
 Regendrüpping,  
 Dat ut 'n hogen Heben föllt,  
 Wat einen dat nich all's vertellt  
 Von dei wide Welt dor buten:  
 Wur up Barg, up Heid' un Gränn  
 Städte stahn un Garbenbänn,  
 Maschienen marachen un Dampfchep tuten,

Nēbel stigen un Dunners grummeln,  
 Rosen blāuhn in Sommerspracht,  
 Isbarg baßen inne Winternacht,  
 Milljonen Sänn'n un Stirns rāmbummeln  
 Un kein dōrf stillstahn un snacken 'n Brocken  
 Mit 'e Wulf, dei dor anne Kimming grint,  
 Mit 'e Dirn, dei dor Kantäffel aftint,  
 Glifs heit dat: nich upholl'n, widersocken  
 Un widerwannern — un sūh, dat Starben  
 Deit noch dei letzte Sēhnsucht arben:  
 Drüpping, Drüpping,  
 Regendrüpping,  
 Dat ut 'n hogen Hēben fōllt,  
 Wat einen dat nich all's vertellt.

Drüpping, Drüpping,  
 Tranendrüpping,  
 Dat ut Minschenogen fōllt,  
 Wat einen dat nich all's vertellt  
 Von dat lütte Hart dor binnen:  
 Wur dat lacht un larmt un lēngt  
 Un sit bangt un būcht un bāngt,  
 Wur dat druf't in stillet Sinnea  
 Un uß ras't in willet Sēhnen.  
 Wur 't in 'n Schummern Eustflāter bugt  
 Un denn 's Nachts in 'n Drom sit grugt,  
 Wur dei Twifel mit scharpen Tāhnen  
 Oft deit rümmerbreken un biten.  
 Wur dei nüchtern Markeldag'  
 Mit ēhr Sorg un Māuh un Plag'  
 Daun dei schönsten frūcht dariten  
 Un doch irst mit 'n letzten Eut  
 Uß dei allerlekt Wunsch treckt rut:

Drüpping, Drüpping,  
 Tranendrüpping,  
 Dat ut Minschenogen föllt,  
 Wat einen dat nich all's vertellt!



### Dau 't nich!

◊irn, dau dat nich! Wat if di segg,  
 Wat if di raden kann!  
 Dor brött seindag' nig Gaud's bi rut —  
 Nimm nich den ollen Mann!

Süß kiz, hei wackelt al mit 'n Kopp,  
 Is schrumpelig al un well.  
 Du æwerst büst noch glatt un schier  
 Un fix as 'n stärkert Elf.

Un hei is kolt, un du büst warm —  
 Un warst noch warmer woll! —  
 Un Feiw — dei is as 'n jungen Hund,  
 Is ämmer holl un holl.

Wat sælen denn sin Valers di,  
 Sei hollen di nich warm;  
 Wat fall di Hus un Hof un Veih,  
 Sei nehmen di nich in 'n Arm.

Sei küssen di nich un heweln di nich  
 Un weigen di nich in 'n Slap — —  
 Dei stille Nacht, dei lange Nacht — —  
 Du tellst an 'n hēben dei Schap.

Du tellst din eigen Hartenssläg' —  
 Un neben di snorft dei Oll —  
 Un din Gedanken, dei wannern denn  
 Un wünschen sit 'n annern woll.

Un wünschen so vel, un wünschen solang' —  
 Johann, dei Schimmels vör!  
 Dei Brummbaß geiht, un Fiedel un fläut,  
 Du freust di as ein Öör.

Hei sitt un drinkt, un du, du danzt,  
 Un willer ward dat Blaut —  
 Dei ein, dei fickt, dei anner fröggt — —  
 Wen blift dor rein un gaut? —

Dirn, dau dat nich! Wat if di segg,  
 Wat if di raden kann!  
 Dor brött feindag' nig Gaud's bi rut —  
 Nimm nich den ollen Mann!



### Märken.

**D**u fangt dat an tau schummern,  
 Taun Bēden stött dei Kloß.  
 Schön warming is 't an 'n Uben  
 Un buten föllt floß an floß.

Dor maakt dat Hart di apen  
 Ein wunnersamig Hand,  
 Un wat den Dag du slawt heft,  
 Versack as Water in 'n Sand.

Un wat den Dag di quält hett,  
flüggt furt as Gaus un Gant,  
Un rinner kämmt tau wannern  
Dat ganze Märkenland.

Dor kamen Hög un Nigen  
Un Bulemann un Klas',  
Dor lopen dei Unnerirdschen  
Un Dadderemann Vog un Has'.

Sneiwittchen un Rotkäppchen  
Un König Draußelbort,  
Bei Düwel un dei Dämpling,  
Hät sünd sei all uppe Johrt.

Un daun di nu beßhren,  
Slan bi di up ehr'n Thron;  
Warden 't dor bequem sit maken  
Un geben an den Ton.

Un strifen nu ehr Fiedel  
Un stimmen an ehr Lied;  
Un selig deist du swöben  
Hen æwer Rum un Tit.



### Hollerbusch.

Hi ha Hollerbusch!  
Hei sett't jäst Bläder an.  
Dor speelt dei lustig Fiedelmann,  
Dor dreiht sik rümmer Jung' un Dirn.  
Jf danz uß gor un gor tau girn,

Am leiwsten mit Jehann;  
Man hei kickt mi nich an!

Hi ha Hollerbusch!  
Nu sitt vull Bläuten hei;  
Sünd rein so witt as Snei.  
Du Wind, du weiß man nich so dull,  
Du streust dei ganze Jack mi vull.  
Un schüdd s' nich all hendal,  
Hei brukt sei noch einmal!

Hi ha Hollerbusch!  
Ji Sparlings, will't ji raf!  
Ji frët't mi all dei Beeren af.  
Bei swarten Beeren möt iß hemm,  
Jß brug' ein starke Supp för em.  
fru Holle, rög' din Hänn,  
Dau mi sin Hart tauwenn'!

Hi ha Hollerbusch!  
Nu steiht hei kahl un stif,  
Un mi flüggt Seel un Eif.  
Wör woll bißet dei brune Drank,  
Nu wör hei krank, ja, starwenskrank —  
Kumm, hal mi, leiwe Dod,  
Jß bün so naft un blot!



### Achter 'n Tun.

Marielen mit dei schönen Hoor'n,  
Wurngben härt sei denn hentau? —  
Jeja, man weit 't nich ganz genau,



Man munkelt jo so allerhand  
 Woll von ghr'n Vadder un sinen Stand.  
 Dei Voß verlär sei vör lange Johr'n  
 Achter 'n Tun — achter 'n Tun. 1)

Hannjochen weit dat uß woll sacht,  
 Hannjochen is den Bur'n sin Sæhn,  
 Ein Kirl, dei recht di bet an 'n Bæhn  
 Un dükert doch nah Marieken sit dal  
 Un küßt sei, o, so vël, vël Mal;  
 Kluckert mit ghr rüm de halwig Nacht  
 Achter 'n Tun — achter 'n Tun.

Dei Burfru schellt vull Wut: „Nu gah! —  
 Nu nimm din Saken — wat kiest un sinnst!  
 Verget uß nig! — Wat steihst un plinst?  
 W'räm lettst di mit dei Mannsläd' in?  
 Nu reeten s' in dei Schann di rin.“  
 Un smitt ghr noch dat Bünnel nah  
 Achter 'n Tun, achter 'n Tun.

Wat blinkert dor Blank's unner dei oll Wi'?  
 Ein Dif, dei schmert so flor un hell.  
 Marieken, winkt dor nich ein Well? —  
 Nu höllt s' di un weigt di al weiß un warm.  
 Man ritt ghr di wedder furt ut 'n Arm. —  
 Wur man di fänn, dor bedd't man di  
 Achter 'n Tun, achter 'n Tun. —



1) Sprichwörtlich für „unehlich.“

### Maschinen.

Bei groet Maschin inne fabriken  
Bedein is Dag för Dag.  
Bei stæht un stücker un snuckert  
Bi jeden Dreih un Slag.

Sei frett luter Euntun un Einnen  
Un spigt Papier wedder ut,  
Un säggt mi armen Minschen  
Langsam dat Hartblaut rut.

Is mücht woll einmal wannern  
Ower Wisch un Bäf un Brak.  
Bei Sünnschin füll mi warmen  
Un nätten Daug un Daf.

Is mücht tau Schipp mal fohren  
Ower 't Meer hen wit un fri.  
Bei Waggen fällen mi weigen,  
Bei Stormwind ræsen mi.

Dor kraht mi inne Bost bei Hausen,  
Dal föllt ein Blatt Papier.  
Is seih den Dokter schrieben:  
„Hei ward, hei ward nich mihr!“



### Oll Fiedelmann.

Op lisen, barsten Beinen kümmt jüst dat Schummer an.  
Dor hal't sin Geig ut 'n Kasten bei olle Fiedelmann  
Un smitt sin Hoor in 'n Nacken, sin wittes Lockenhoor,

70

Wi hemm' kein Tit tau luren!" — — Knaß! ritt dei  
zweite Sait! — —

Un binnen in den Harten, dor kinte dat lif' un fin,  
Dor schöt ein Bom tauhöchten, dei janz nah Sünnesschin.  
Dei seet so ganz vull Sehnsucht, vull Woehrheit, Drift un  
Drang,

Dei mücht sin Telgen recken dei heil oll Welt entlang.  
Dei mücht sin Bläuten maken apen in 'n warmen Sünnen-  
strahl.

Dei mücht sin Frücht nahst seiden in alle Seelen dal,  
Dat sei alle Minschen füllten mit Leiw un Hartlichkeit.  
Un keiner will wat von weiten! — — Knaß! ritt dei  
drütte Sait! — —

„Ein Sait noch! — Hart ward' stiller in all din Melodein!  
Dörch 't finster deit dei Harpswind so küh! un sachten  
teihn.

Un æwer dei bunten Wälder dei Kraunen treden dorvon.  
Ein Sait noch! — o lat 't wesen, is all's doch blot ein  
Ton,

Is all's doch blot ein Sehnen nah Schönheit un nah Leiw,  
Nah Warmnis! — un mößt stehlen di all's doch as dei  
Deiw

Donne Macht, dei hett 't inne fingern — so höhnschen  
sitt s' dor un breit —  
Jß dau mi doch nich geben — bet — ritt — dei —  
lehte — Sait!"



## Graffstädten.

## I.

It gah dei olle Stadtmur längs,  
 Dor is ein eigen Lēben,  
 Taur Rechten æwer dei Gräber hen  
 Deit Rauh un frēden swēben.

Kein Stöten un Dräng'n, kein Strit un Kiu  
 As in dei Welt dor binnen.  
 Ob arm, ob rik, inne sülben Hās'  
 Sei all ded'n Plaß hier finnen.

Dei Lust, dei slöppt, doch uch dei Not,  
 Woll borgen unnre Wrosen;  
 Dei Kräuze schemern still un blant  
 Ut Immergräun un Rosen.

Un Vægels strifen doræwer hen,  
 As wull'n s' ut de Bläuten nippen;  
 Eis' bewert dat Gras, as tens 'n 't Graff  
 Inne Bēd' poor Minschenlippen.

Kein Warlen klingt, kein Larm un Slag  
 Heræwer von 'n Dag, den furen:  
 Wur ward dat Hart so still un licht,  
 Wenn is rümgah achter dei Muren!

## II.

It gah dei olle Stadtmur längs,  
 Dor is ein eigen Lēben.  
 Taur Linken, all inne sülbig Klär  
 Vēl Hās' sit strecken taun Hēben.

Dat mag ein fröhlich Art woll sin,  
 Denn Lachen schallt un Larmen.  
 Ut 't finster lästern Freudendirns  
 Un locken mit Mund un Armen.

Un sminkte Bad un nakte Bost,  
 Dei ketteln Luft un Janken.  
 Un Gläs'gelling, heisch Sang un Wiß,  
 Dei daun dei Luft döckranken.

Un doch! — — Manch Og' glupt swart un holl  
 As 'n apen Gruft nah haben,  
 Manch Bost un Bad swäkt matt un well,  
 As weer s' al lebendig begraben.

Gor furlos vertell'n s' von wäuste Stunn',  
 Von trurig Sehnen un Euren:  
 Wur ward dat Hart so still un swer,  
 Wenn is rümgah achter dei Muren.



### Vörjohr.

For geiht ein Seier awer 't feld  
 Mit finen groten Paden,  
 Un seit sin Gaben in dei Welt,  
 Vergett nich 'n lüttsten Pladen.

Un sink, as wenn dei Wind em fort,  
 fröggt nich nah Stig' un Straten.  
 Hörst, wur hei lisen summt in 'n Bort?  
 Spörst, wur so weiß sin Alten?

Streut hier ein Handvull, dor ein halw,  
 Dor werden dei Knuppens finen;  
 Dor singt dei Kewark, springt dat Halw,  
 Dor lachen Mund un Mienen.

Dor ward ein freu dat ewerall,  
 Ein Lust in allen Kanten.  
 Dor danzt dei Faut, dor flüggt dei Ball,  
 Dor spelen dusend Musanten. — —

Un wur ein Hart in Sorgen steiht,  
 Maakt 't apen, Lüd' un Kinner,  
 Dat, wenn dei Seier vörwergeiht,  
 Door Kürn uck fallen rinner!

### Nah 'n Johr.

Dat Vörjohr kümmt mit Vieren lang.  
 Dat feld is twors noch blot un blank,  
 Dwerst anne Weg', ut alle Ecken un Rixen  
 Deit al dat nige Leben flixen.  
 Sneiglöckchen stecken ehr Köppings rut,  
 Dei Immen fleigen dat irst Mal ut.  
 It sni dei Waterlanen <sup>1)</sup> ut dei Böm — —  
 Dörck 't Hart, dor treden so wunnerlich Dröm.

Denk an min fru — dor steiht sei jo —  
 Unsen Jung' uppen Arm — so irnsthaftig un froh.  
 Dei Lütt, dei stangelt mit dei Bein,  
 Sei kickt, wur dei Immen ut 't Tillock teihn.

<sup>1)</sup> die jungen, senkrechten Zweige.

Dör 'n Johr seeten wi achter 't Immenschur,  
 Dor säll uns nich woorscheugen Knecht un Bur.  
 Dor hadden wi eben irst Hochtit hatt  
 Un frögen noch nich nah drög un natt.  
 Wi hölen uns in 'n Arm un strakten uns sovel  
 Un geben einanner Eif un Seel.  
 Dor güng' uns dei ganze Welt nir an,  
 Dor höll uns gefangen ein hillig Bann.

Un hüt! — J! dau mi uppen Telgen stütten,  
 Sei wenn't kein Og' af von den Lütten,  
 Dei is upstunns ehr ganze Welt.  
 Na, is uck 'n Bengel, dei jeden geföllt.  
 Wat kann hei för 'n schelmsch Gesicht nich maken,  
 Wenn hei det's Morgens deit upwaken.  
 Un ämmer so frisch un still un taufröden,  
 Un is ehr so ganz ut dei Ogen rutsnedden.  
 Jawoll — hm — i! günn ehr jo dat Glüd,  
 Man för mi — hm — hett s' ewrig keinen Blick.  
 J! möt so allein in dei Ecken stahn  
 As 'n Mohr, dei sin Schälligkeit hett dan.



### Sommermetten.

**S**p feld un Braken spelt vondag'  
 Dei Sommer forsch sin Pip,  
 Un swewt in 'n prachern <sup>1)</sup> Sünnesschin  
 Bläustrig <sup>2)</sup> un æwerrip.

Un Wulken, all von Stoff un Stom,  
 Twischen Kurn un Blaumenduft:

<sup>1)</sup> hell. <sup>2)</sup> rot, erhit.



Sei maken vull un æwerfatt  
 Dei eemernd heite Luft.

Ein nüdlich Ding dortwischen her,  
 So lütt, man süht et kum,  
 Dat spinnt von 'n strohern Hawerhalm  
 Einen langen Faden dörch 'n Rum.

Un midden in 't Leben, fastig-satt,  
 Wewt witting as dei Dat,  
 Dat Metten jüst dei irste Bahn <sup>1)</sup>  
 Taun Sommer fin Leilaf. <sup>2)</sup>



### Bläder-Aufthöft.

Oktoberstillen Dag! — Süß sit mal Mann,  
 Dei lätten Bläd' rings fang'n tau dazzen an. —  
 Ja ja, ji Bläd', ji hewwt jug' Dingen dan,  
 Dörch Dörjohrstit un Sommer stramm dorstan.  
 Weit noch, as 'e Luft wör wedder warm un weiß,  
 Dei Maisänn schin, wur dunn dei Bäuf un Eif,  
 Kastanien un Linn'n in allen Ecken  
 Juch as Milljonen Hänn wör'n rutstrecken,  
 Tau säuhlen rüm in Luft un Sünnenstrahlen,  
 Um Eten sit un Drinken rantauhalen,  
 Un hewwt jugen Herrn recht degt stift Marf un Bussen,  
 Un schöne Frücht sünd ut em ruterwussen,  
 Sünd grot nu worr'n un kemen all von Hus.  
 Juch drift nu uß nich mihr dat bitter Muß.  
 Nu sünd ji fri — nu willt ji uß mal swir'n

<sup>1)</sup> Streifen. <sup>2)</sup> Leichentuch.

Un mal mit'nanner schöne Aufstöft fir'n.  
 Nu puht sik jede up, so gaut sei kann,  
 Un treckt sik ehre besten Kleider an,  
 In jede Klär — wat witt odder rot odder gel,  
 Wat brun odder bunt — dor 's hüt jo kein Verscheßel,  
 Ob stript odder wörpelt, mit odder ahne Franzen.  
 Doch wur 's dei Musik nu, Musik taum Dancen?  
 Musikanten her! — Dor kamen sei al an:  
 Dei jung' Herr Wind is as dei first vöran,  
 Hei deit jo Hans von allen Hagen sin,  
 Spelt æwerall dei irste Vigelin.  
 Sin Vetter, dei Herr Storm, dei is wat öller,  
 Öwerst Künstler uck dorför; ämmer däller döller  
 Leggt hei mit sine Kehl sik in 't Geschirr;  
 Geiht 't glif vonne irst rin in dei sæwte Bidd.  
 Un achter ehr, wat vull un stark, Herr Regen,  
 Dei kann unmenschlich vel an Natts verdrægen.  
 Un strickt sinen Brummbaß ämmer einen Strang:  
 Hen — her, hen — her, un drinkt denn mal dormank.  
 Den Sluß maht in sin hogen Stewelschäch  
 Dei Herr von Frost, dei sitt vull Kref' un Kräft.  
 Man 'n spirrigen Kirl is 't, æwerst knafig, stif un gra',  
 Un blas't sin Klarinett, dat seggt man „stah“,  
 Dat 't knistert un knastert. — Un los geiht 't, heft woll seihn?  
 Dei Dänzers ward dat fribbeln nu in Arm un Bein.  
 Un nu geiht 't rüm, grad'ut, torügg, verquer.  
 „Min Frölen, heff dei Ihr?“ — „Jawoll, min Herr!“  
 Un Walzer, Polka, Schottisch un Minewett,  
 In 'n Küsel rüm: Hei, wur dat schön mal lett!  
 So geiht dat Dag un Nacht un Nacht un Dag  
 förfötsch un lustig. Un wecker nich mihr mag  
 Un 'n Krampf woll gor al friggt in Bein un Hand,  
 Dei sett't sik 'n beten irst uppe Grabenkant.

Spelt æwerst dei Wind in sin verscheiden Eagen,  
 Un singt dei Storm sin olle Eieder un Sagen,  
 Denn nehmen s' ehre Kraft nochmal tausam,  
 Denn geiht dat, bet sei ganz un gor sünd lahm.  
 Und sünd s' ganz hen — wat hett dat denn för Not:  
 Mudder Ird' bedd't s' all in ehren widen Schot.



### Wihnachten.

Wat is 't up allen Wegen  
 Ein Tuscheln un ein Snack?  
 Wat för ein stiller Segen  
 Steckt rot an jede Back?  
 Un sitzig schör'n dei Hännen,  
 Un 't Og' so lustig lacht,  
 So vull von 'n hillig Brennen,  
 As drew dor 'n heimlich Macht.  
 Hörch! Hörst dat Klingen dörch Snei un Storm?  
 Dei Wihnachtsfloken gahn von 'n Torm.

Dor bluckt in alle Stuben  
 Hell up dei Wihnachtsbom,  
 Dor schütt as witte Duben  
 Ut 'e finstern 'n warmer Strom,  
 Un olle Eieder klingen  
 Von Eiws un frame Drift,  
 Dei all's, all's Träws kann dwingen,  
 Wenn sei ahn Eohn sik gift.  
 Still! Hörst dor nich dei säute Wis'?  
 Dei Dannbom knistert s' sacht un lif'.

Eat't uns dei Hänn uck faten  
 As rings dei Kinnerwelt.

Lat stigen ut Kamer un Katen  
 Dat Sinnen taun Hebentelt.  
 Von Rauh un selig Hapen  
 Dei Seel mal drömen will.  
 Dräm in din Schöörn un Schrapen  
 Holl, Welt, ein beten still:  
 Kamt, Wihnachtsfreud un Wihnachtsmann,  
 Un steckt in 't Hart jug' Lichter an.



### Katt un Mus.

Uns' oll grise, hartfretsch Kater  
 fäng' bi 'n Widenbusch an 't Water  
 Sif hüt abend ein lütte Mus  
 Un sitt nu mit ehr hinnern Huf'.  
 Jungedi, dei fall em smecken!  
 Doch so warm dei Luft deit trocken.  
 Un unsen Kater ward so wehlen,  
 Will noch 'n beten mit ehr spelen,  
 Eett sei lisen fall'n ut dei Tähnen,  
 Täuwet nu dor mit spannte Sehnen.  
 Uns' lütt Mus, dei weer vör Schreck  
 Jo tauirft vullstännig weg,  
 Doch as s' fäuhlt man wedder Land,  
 Will s' wegwutschen forter Hand.  
 An dei Mur dei Hämpel Bred'  
 Schint ehr 'n gaud' Versteckelstäd'.  
 Jupdi. — ward s' in 't Enn sik recken,  
 Jupdi — ward s' dei Glieder strecken,  
 Jupdi — gahn dei fäut ehr flink —  
 Näkt doch nig, du armet Ding!

Hoppla — mit einen walt'gen Saß  
 Js dei Kater uß tau Plak,  
 Hett dei Mus al wedder bi 'n Kragen,  
 Ward s' nah 'r ollen Stell wedder dragen,  
 Un dat Spill geiht los von vörn.

Seih mi dat beten an ut 'e Dör'n  
 Un ward' still mi rannerflisen.  
 Kater lur't un deit nich wiken.  
 Un dor spring' ik raschen tau,  
 Nehm dei Mus — nu hett sei Rauh!  
 Kater fickt mi gnittrig an,  
 Us wull 'e segg'n, wat gelt s' di an?

O sihr vël, segg ik, sihr vël,  
 Bün jo uß sönn arm lütt Seel,  
 Mit dei uß dat Schicksal speelt,  
 Ball mi loslett, ball mi quält.  
 Weit nich, wat noch warden fall,  
 Ob 't is orig odder mall. —  
 Staff uß rüm in Angst un Sweit — —  
 O, weit woll, wur weiß dat deit!



## Nacht.

Dat Sorg' un Reden,  
 Du kümmt dei Nacht,  
 Un happst uns æwer  
 Ganz rasch un sacht.

Uns woll un allens  
 Dei Krüz un Quer — —

Nu 's ein grot Wefen,  
Blot Land un Meer.

Un Jrd' un Heben  
Ein Luft, ein Qual:  
Nu legg din Leben  
Taun Slap man dal!



### Dunn . . .

Ik bün ein Dochter von 't fröe feld,  
Un Acker un Wischen weer min Welt,  
Min Spelkameraden weer'n dei Wind  
Un unsen Dagelöhner sin Annerbäulenkind.  
Min Vadder weer ein riken Bur'n,  
Doch all, wat hei hadd, sin Deih un Kurn,  
Un Hus un Hof un Knecht un Magd,  
Dat hett hei dörrch dei Börgel jagt. — —  
Still heff ik dat ämmer dragen.

Un Mudder, wat s' sik uck ded' anstreng'n,  
Sei künn dat Unglück torügg nich dräng'n,  
Sei weer man sin von Knafen un Hart,  
Hadd mitreg'n von 't Leben kum Haltpart.  
As sik dei Jud' dat letzte hal,  
Dor led' sei sik för ämmer dal,  
As dei afnehmend Man dorhen sei swünn  
Un wüß den Dod in dei finger rin — —  
Still heff ik dat ämmer dragen.

Nah 'r Stadt ik mit minen Vater tröck,  
Dertröp mi dor in ein düster Eck,

Wur Maschinen rastern Dag un Nacht,  
 Heff ik tausend' mit schewelt un maracht,  
 Heff neiht un prünt dor Stunn bi Stunn  
 Un kum dat leiwe Eten bi funn'.  
 Un stünn mi uß oft dat Mejer anne Kehl,  
 Min Vader weer lustig un drüñk un spel — —  
 Still heff ik dat ämmer dragen.

Uns' Nahwer weer ein jung' Timmermann,  
 Dei drög siß mi as Bräjam an.  
 Hei weer ein richtig Gottesblaut  
 Un gegen Vaddern ämmer still un gaut.  
 Un leet nich nah mit sine Bēd',  
 Wat ik uß gegen höll un sād',  
 Dat ik kum Schöttel hadd un Kell,  
 Doch dorför 'n ollen Zechgesell — —  
 Still heff ik dat ämmer dragen.

Un nu kem dat Glück in Hüll un füll  
 Mit einen Mal æwer unsen armen Süll.  
 Einen lütten Jung' holl ik in 'n Arm  
 Un busselt siß ran dor fast un warn,  
 Un hawwelt un sügg — doch, o Gott! min Vost  
 Is drög, dēlendrög — un gift kein Kost!  
 Un ik wenn mi verbas't nah 'n Dokter ran:  
 „Ja, dei Kōm“ . . . un fickt den Olen an — —  
 Dunn . . . dunn . . . heff ik flucht minen Vader.



### Fürschin.

Buren, paßt up!  
 Kißt, dor föllt dei irste Snupp!

Un ji daut sorglos inne Dören stahn  
 Un willt al tau Lager gahn?  
 Hewwt ji kein Angst? Seiht den Heben, Lüd'!  
 Den Heben dor hinn'n, hei steiht in für!  
 Möt wesen jo ein Riesenbrand.  
 Milenwit reckt hei sin flücht ewer 't Land,  
 Ewer dei swigsamen, düsteren Wäller,  
 Ewer dei ripenden Roggenfelder.  
 Milenwit stiggt hei inne Luft tau Högt,  
 Dat sik dat Hart vull Gräsen rögt  
 Un in dei Bost ward fleigen un schuddern,  
 As hört dat inne firm dat Knistern un fluddern,  
 Dat Störten von Balken, dat Springen von Kahlen:  
 Lüd', daut dei Sprütt ut 'n Schuppen halen!  
 Jag't dörch dei Nacht mit Vieren lang,  
 haugt mit Ärgen un fürhafens mank!  
 Täuwet nich länger — up dei Mähren rup:  
 Buren, stiggt up! —  
 Un ji staht mit de Hänn inne Bär,  
 Eacht un meint: dat weer jo nix.  
 Ded' blot dei Schin von Lichters sin,  
 Von dei Lichters vonne Grotstadt, von Berlin.  
 O, vel schlimmer as für is dat!  
 Weit't ji, wat dor verbrennt? — Ja, wat?  
 Hört ji dei Iesenbahnen jagen,  
 Hört ji rasseln Pird' un Wagen,  
 Dei Sleepers vör de Kähns herzhulen un hausten,  
 Dei Automobils ranquächen un außen? —  
 Sei bringen dorhen, all wat ji bugt,  
 All wat ji ackert un badt un brugt,  
 All wat ji mähsam tausamen daut slaben,  
 All wat ji tucht't in 'n Stall, uppen Kaben,  
 All wat ji sammelt in 'n Keller, uppen Bärn:



Kurn un Veih, un Dochter un Sahn — —  
 Allens, allens brennt dor up:  
 Buren, staht up!



### Flick dei Bux!

Bei Sänn deit al in 'n Westen stahn,  
 Eütt Eischen will noch dancen gahn.  
 Wur springt sei läufig ewer Stein un Stock  
 In bunte Blus' un bläumten Rod!  
 Ehr lachen dei Baden, ehr lacht dat Hart — —  
 Achter 't Kurn, dor röppt dei Snartendart: <sup>1)</sup>  
 „Flick dei Bux! flick dei Bux!“

Dat Morgenrot an 'n Aufen gläuh't,  
 Dor swigen still Gladus' un fläut.  
 Dor schemert dörrch 'n Busch ein bunte Blus':  
 „O Hannes, lat los mi, o lat mi nah Huf!“  
 Ehr bewert dei Post, ehr flüggt dat Hart — —  
 Achter 't Kurn, dor röppt dei Snartendart:  
 „Flick dei Bux! flick dei Bux!“

Dei Sänn so heit von Süden brennt,  
 Eütt Eischen sitt vörre Dör un fiennt.  
 Ach, all ehr freu gäng' in dei Krämp,  
 Möt knüthen sönn lütting, lütting Strämp . . .  
 Ehr Og' fickt furlos, so furlos ehr Hart — —  
 Achter 't Kurn, dor röppt dei Snartendart:  
 „Flick dei Bux! flick dei Bux!“



<sup>1)</sup> Wachtel.

## Brutstand.

Wi weeren lütte Kinner,  
 Weist noch, leiw Annmariel?  
 Wi spelten Verstek in 'n Düstern  
 Un möken uns natt an 'n Dil.

Un kröpen bi Nahwers inne Tunnen  
 Un balgten in Gras un Kru;  
 Vertellten uns snacksche Märken  
 Un spelten uck Mann un Fru.

Au saelen wi 't würklich warden  
 Woll Pingssten taukamen Johr;  
 Un all dei ollen Geschichten,  
 Dei sünd mit 'n Mal wedder dor.

Wi juchen un jachern un jecten  
 Un tulen uns in dei Hoor'n;  
 Versteken un säuken un gripen  
 In Stuben uns un Gor'n.

Un sitt't wi denn in 'n Schummern  
 Taufamen Back an Back:  
 Je ja, is 't ein Vertellen,  
 Je ja, is dat ein Snack!

Wenn dat dei annern hürten,  
 Höll'n uns för Narr'n förwohr'n:  
 Wi weer'n mal lütte Kinner,  
 Au sünd wi grote worr'n.



### Befäuk.

„Warm Sommerdag! — Dei junge fru  
Sitt so vull Hitt un Hast.  
Dei Katt, dei puht si!, un up dei Dēl,  
Dor liggt einen groten Gast.<sup>1)</sup>

Wen kunn dat sin? — hadd kein doch Tit  
Von ehr Verwandtschaft un frunn,  
Dei weer'n bi 't schöne Wēder hāt  
Jo all bi 't Meihn un Binn'.

Je æwerst — un Unkels un Tanten nochmal  
Sei rasch uppen Kiser nimmt.  
Oll Sat — 'is man si! nig vermaud't,  
Denn kümmt wen ganz bestimmt.

So puht un wischt un fegt sei denn,  
Bet allens glatt un fin,  
Gütt uē frisch Öl noch up dei Lamp —  
Wen, Deuwel, fällt dat sin?

Un bi dat Schör'n, dor kümmt ehr 't an,  
Ward so machtlofig un mör;  
Sei röppt noch lisen ran ehr'n Mann,  
Un dei stört't ut dei Dör. —

„Hannjochen, je, wat rönnt du so,  
Is achter di ein Späuf?“ —  
Ne, it will blot nah Mudder Gripsch,  
Wi kriegen noch Befäuf!

<sup>1)</sup> Strohhaln. Wenn ein Strohhaln morgens im Zimmer liegt,  
so kommt nach dem Volksglauben Besuch.

### Dei kranke Dirn.

Bei weer so jung noch, un fin un fein,  
As ein lütt Engel antaufeihn.

Rod' Rosen bläuhden ehr uppe Back,  
Un witte achter 't Uhr in 't Nack.

Dat Gesicht so small, so rank dei Hand,  
Dat hoor so hell as Sünnenbrand.

Un 't Og' so wit un blag un grot,  
As flöt dor ein stille, irnste flot,

As weer dei Eif tau lütt ehr worr'n  
Un wull ewre Mewers in den ewigen Born.

Un frög' nig mihr nah dei Minschen nah,  
Nah all ehr Hopphei un Tralala.

Je, un weeren ehr all doch so leif un gaut,  
Söchten uptaufrischen ehr Seel un Maut.

Dei Sünne kem mit ehr Warmnis her  
Un spel mit gollen Farben um ehr.

Dei Wind föt ehr um, dei freßig Mann,  
Un streef ehr dei Hut so rötslich an.

Un ehr Oll'n un all ehr leiwene Frönn  
Deden, wat s' ehr anne Ogen affeihn kün'n'.

Dei Königsföhn kem gor mit Gesmeid' un Win,  
Dat sei em beten taugedan füll fin.

Sei nehm sei all nich, sei nehm den Dod,  
Den Kirl mit dei Ogen, so düster un grot.

Dei Hand, dei den Sleier von 't Erkennen trögsleit,  
Dei trugt sei sik an för dei Ewigkeit.



### Verliggeren.

Ik kem von buten rin ut Storm un Snei,  
Hadd lastenwis' genaten Minschennot un weih;  
Unüm so schöner weer 't bi di un stiller.  
Dei Ampel glumm an 'n Båhn, anne Wand dei Biller,  
Un uppen Disch stünn'n allerhand gaud' Gaben,  
Dor man sik Mund un Magen künn an laben.  
Un denn du sülfst — dei best von alle Saken, —  
Lockst du am meisten, sik 't bequem tau maken.  
Du sülfst, du haddst sonn lüttet, weif Gesicht,  
Un leet uck füs di æwerall nich slicht,  
Un wat an 'n Dirn man Schönes leiwt un söcht,  
Dat hadd Natur un Kunst tausamen bröcht.  
So üm tau seggen: blot din lütte Hand,  
Ein Warf, so fin un weif in jede Kant.  
Un leep ævern Rüggen mi so heit un swäul,  
Un bet taun Hals steg' mi ein wild Gefäuhl.  
Un höll sei länger, as du mi s' ded'st geben,  
Ik wüß, ik künn sei kriegen jo för 't Lëben,  
Ik wüß, sei weer mi allsindag' al hold  
Un wör girn min mit all ehr Geld un Gold. — — —

Dunn æwerst füng' min Seel lut an tau schri'n:  
Hest du uck nig, dei ganze Welt is din,  
Dei ganze Welt mit all ehr Sæbensaken,

Dei ded' ein Gott för di so gaut as anner maken,  
 Un wat du bruckst, sinnst woll dor aštaubiten,  
 Un wist an Kleinigkeiten di wegsmiten,  
 Nippfaken sünd ein Speltüg woll för Kinner,  
 Ein Mann denkt anners dræwer un gesünner.  
 Dei bruck ein Wis, as 'n Maat an Seel un Kraft,  
 Dat hei mit ehr tausamen Kinner schafft,  
 Dei endlich mal sik un dei Welt besiegen,  
 Sik nich von Saken laten unnerfriegien;  
 Un daun dei besten Bläuten di afriten,  
 Möt nich ein Gott mit 'n Düwel sik rümbiten.  
 Schugst di dorvör, wist elend denn verliggen. — — —

Verliggen — weer 't nich schön, so tau verbringen  
 Dei Tiden, dat dat Leben mit sin Schreden  
 Blot as ein Kunschen ded' vöræwertreden;  
 Wenn dine Ogen weiken mi ankeeken  
 Un dine Hänner mi dei Backen streeken  
 Un dine Lieder deden still insingen,  
 Wat noch von Storm un Snei in 't Hart ded' klingen.  
 Wur man nich ruterbruck in Stoff un Gag,  
 Wur jede Dag verbränt weer mit ein Lak;  
 Wur man nah 't Eten noch bi Kes' un Bodder  
 Schön künn klautsnacken ahne „hä“ un „hotte“,  
 As dat dei Stunn un 't eigen Hart ingew —  
 Weer dor nich allens — Geld, Schönheit un Leew — —

O 'n säute Utsicht ded' dat Hart mi pannen,  
 As wull ein Swimel mi gor æwermannen.  
 Is slöt dat Og' — dor kemst du ran nah mi —  
 Seg' is ick nix — is säuhlte lisen di.  
 Un ick din Hand, dei mi gäng' æwer 't Gesicht,  
 Noch weiker weer s' as vörher, lis' un licht. —

Doch wat weer dat? Is säuhlt bloß Fleisch an ehr,  
 Un weiß un vull sei weer, doch uß so mör,  
 Un swammig fast, so ohne Kraft un Karn,  
 Ne, ne, is künn mit di nich glücklich warr'n.  
 Du haddst dormit noch nie taun Heben grepen,  
 Du ded'st dormit noch nie nich Lasten slepen,  
 Haddst noch kein anner Og' dor drög' mit makt,  
 Weerst in kein Wildnis dormit rämmerstakt,  
 Wur man nig weit un vör 't Vertwifeln steiht,  
 Büst los noch nich vonne Welt ehr Kleinigkeit.  
 Du kannst nich haun un fragen nich, nich heilen,  
 Blot straken woll un heweln, blot dei geilen  
 Un faden Schuß ut 'n Minschen ruterlocken — — —

— — — — —  
 Wat weer dat dor, reepen dor nich Himmelsflocken? —  
 — — — — —

Din Hand streef wider — etsk! — as 'n glatten Worm —  
 Fri will is sin! — wedder rut in Snei un Storm!



### Up dei Straten ...

Up dei Straten stöwt dei Sand,  
 Sus't ein blanke Kutsch æwer 't Land.  
 Prinzessin sitt in in Samt un Siden,  
 Kickt so lustig in dei Widen.  
 Dat Hart so hæglich, dei Backen rot,  
 Kennt jo nich Sorgen un nich Not —

— — — — —  
 Dat müch jeder. — —

Up dei Straten stöwt dei Sand.  
 Euntenkirl fährt sinen Hund anne Hand,

Snäckert rüm in jede Eck,  
 Söcht ut jeden Schit un Dreck  
 Euntun un Knaken ahn Kast un Rauß —  
 Dei Eüd', dei hollen dei Näs' sik tau — —  
 — — — — —  
 Dat mag keiner. — —

Up dei Straten stöwt dei Sand.  
 Kümmt dor ein Wagen mit swarten Rand.  
 Langsam un still kümmt hei dorher. —  
 Dei Baßen bläß, dei Plinken swer,  
 Dat Hart vull irnste Trurigheit:  
 Gift man dor einen dat leht Geleit — —  
 — — — — —  
 Dat möt jeder. — —



### Winterabend.

Snei, dei liggt vör beiden Dören,  
 Stuw, dei 's vull von 'n halßduß Gören,  
 finstern sünd taufrorn bet haben,  
 Dannenknubben bullern in 'n Aben,  
 Wind, dei hult æwer feld un Straten,  
 Dat man mag keinen Hund rutlaten.  
 Un up 'n Bæhn, dor jauwt dei Katt — —  
 Js langwilig, wat? —

Juch, dor frieg ik her min fiedel,  
 Sast man seihn, denn geiht 't kandel,  
 Jungs un Dirns, dat lacht un singt,  
 Bet min fru tau Bedd sei bringt.  
 Es' wildeß in 'n Bauß ein Stück,



Dröm einen Strömel von Leiw un Glück. —  
 Krup denn rinner bi min Fru — —  
 Wat seggst nu? —



### Dei mächtigst Monarch.

Wat giff vël grote Herren,  
 Gegen dei sit dei Minsch möt wehren,  
 Un dei em faten an.  
 Frost, Krieg un Säck un Schaden,  
 Mal Hunger, mal Saden un Braden —

— — — — —  
 Ist bün dei mächtigst Mann.

Ist heff nich Meßer un Gabel,  
 Ist heff nich Swirt un Sabel,  
 Nich Hand nich un nich faul.  
 Ist rühr nich Muskel un Sehnen,  
 Kein Klauen un kein Tähnen,  
 Un freß doch Fleisch un Blaut.

Ist gew nich Breiß noch Siegel,  
 Ist nehme nich Stock noch Striegel,  
 Schick Küler nich un Knecht.  
 Un herrsch doch sit ollen Tiden,  
 Un herrsch doch nah allen Siden,  
 Wat anfang'n, ward dörschlecht't!

Kam nich tau gahn, tau riden,  
 Nich tau begäuschen, tau striden,  
 Ist bruk nich Stig's un Stäg's.  
 Mi schert nich Drift noch Dreßel,

Mi schert nich Nacht noch Nebel,  
Bünümmer unnerwegg's.

Ik breß in Kamer un Keller,  
Ik fohr döörch Feller un Wäller  
Woll as ein Küßelwind.  
Dör mi lopen as Schapledder  
As Düwelsdunnerwedder  
Dei Kaifer un dat Kind.

Ik dau f' mi all inslachten.  
Pst! langsam!ümmer sachten!  
Juch sus't jo al hut un hoor.  
Wen ik mal irst dau packen,  
Möt unner mi tausamensacken  
As 'n Ackerpurriß<sup>1)</sup> unner 'n fohr.

Den helpt nich Puder un Pepper,  
Scharprichter nich un Schepfer,  
Nich Plaster un nich Piß.  
Em bringt nich Reim un Reister,  
Magister nich un Meister  
Je wedder tau Riß un Schiß.

Deit hei uß beden un barmen  
Un fleigen an fäut un Armen,  
Ik lat nich nah tau tarr'n.  
Ik ward' em hiffen un jagen  
Döörch Däster un döörch Dagen,  
Tau Dod em maddeln un marr'n — —  
— — — — — — — — — —

<sup>1)</sup> Engerling.

Ja, vël Herrn von Gottes Gnaden,  
 Dei daun den Minschen schaden  
 Dei heil oll Welt entlang.  
 Dör mi gahn dei meisten franzheister,  
 Bän doch von all'n dei Meister,  
 Jf, Herr von Angst un Bang'.



### Surpöttig.

Dann Jochen is ein Suerpott,  
 Ein Surpott — dat 's gewiss!  
 Em argert jede fleig' an 'e Wand  
 Un wenn wen fröhlich is.

Hei fickt so stief dei Näs' hendal  
 Un treckt son deggen flunsch,  
 As seet vull Sorgen hei un Not,  
 As gäng' em nix nah Wunsch.

Un gännt uch nāms kein gaudet Wurt,  
 Js ämmer brummsch un still,  
 Em freut nich Danz, nich Spill un Spēl,  
 Hei weit nich, wat hei will.

Un 't Eten smecht em alle Dag',  
 Hei is so rund as lang.  
 Brukt sit jo nix nich aftauspor'n,  
 Hei hett 't jo — Gott sei Dank!

Hett jo den besten Buerhof  
 Von 't ganze Dörp dei Kraun,  
 Hett jo ein moje, runne fru — —  
 Wäß schon, wat if ded' daun!

Doch Jochen is en Suerpott —  
 Wat fehlt em einmal wull?  
 Will seggen juch dat ganz genau:  
 Ein düchtig Kedder vull!



### Dei Drei.

Dei Dirs, dei danzten in 'n Däwelskraug  
 Dei Nächte dörrch bet Dag un Daug,  
 Un juchten un brenschten un kregen nich naug.  
 Musch Urian keek in 't finster un draug.

Wur sünd s' bleben? — Dei öllst, dei swart un grot,  
 Sitt achter isern Gardinen bi Water un Brot.  
 Dei Nacht weer warm, so wehlig dat Blot — —  
 Möß nahst ehr lüttes Kinning dot.

Dei anner tröck as Markfetenderin  
 Mit dei Landsknecht in dei feldslacht rin.  
 „Tau faut, tau Riden — min fränn daun s' all fin.  
 Proßt, Jung', is tapp di noch 'n lütten in!“

Dei drüdde, dei nehm einen ollen Mann,  
 Deit alle Dag' in dei Marken stahn  
 Un jaumelt, dat 't inne Welt deit so slecht hergahn —  
 — — — — —  
 Dei hal't dei Däwel am irsten siß ran!



### Dat helpt.

Mudder, Mudder, dat Eten ka't æwer!  
 „Gah hen!“ — Jk heff kein Tit,  
 Jk möt min nige Blus' noch plätten  
 Un 'n frischen Som an 'n Unnerrock setten.  
 Ne, Mudder, ik heff kein Tit.

Mudder, Mudder, dat Eten ka't æwer!  
 „Gah hen!“ — Jk heff kein Tit.  
 Hörst nich in Kraug al Fiedel un Fläut?  
 Dei spelen so flott, dei spelen so säut.  
 Ne, Mudder, ik heff kein Tit!

Mudder, Mudder, dat Eten ka't æwer!  
 „Gah hen!“ — Jk heff kein Tit.  
 Jk sitt minen Bräjam jo uppen Schot,  
 Dei hewelt un strakt un käft so got.  
 Ne, Mudder, ik heff kein Tit!

Mudder, Mudder, dat Eten ka't æwer!  
 „Gah hen!“ — Ja, ik kam glif.  
 Will mi dei Tranen blot afdrögen,  
 Minen lätten Jung' irst laten utfögen.  
 Ja, Mudder, ik kam glif!



### Swälkenvadder.

Widewidewit, widewidewit,  
 Wur so raschen löppt dei Tit!  
 Gräunen un bläuhn ded 't æwerall,  
 Dörjohr regier mit Sang un Schall.

Eachen leg' in jedet Og',  
 As uns' Schaug in 't Land rintog:  
 Widewidewit, widewidewit,  
 Stoppeln stahn nu wit un sit!


Widewidewit, widewidewit,  
 O, wat weer 't ein schöne Tit!  
 Dor w' utkleimt <sup>1)</sup> dat Nest hadden beid',  
 Warm utfüttert mit feddern un heid', <sup>2)</sup>  
 Un dei Pingstfün glem un em, <sup>3)</sup>  
 Un ein Ei nah 't anner ankem:  
 Widewidewit, widewidewit,  
 Ja, dat was ein selig Tit!

Widewidewit, widewidewit,  
 Ämmer schöner wör dei Tit!  
 Mudding hadd dat Sittels vull,  
 Hadd tau bräuden degt un dull.  
 Muß taupleg'n, un sei freg' ehr Recht;  
 fleigen un Mäggen hebben johrt nich slecht:  
 Widewidewit, widewidewit,  
 Ja, dat was ein hille Tit!

Widewidewit, widewidewit,  
 Nestfüken is nu uß so wit:  
 Hangsing, uns' lätt Kummerkind,  
 flüggt nu al tau Strid' mit 'n Wind,  
 flüggt nu al allein feldin,  
 fängt dei leckern Sommermettenspinn:  
 Widewidewit, widewidewit,  
 Morgen is uns' Treckeltit!



<sup>1)</sup> mit Erde, Lehm ausgebessert. <sup>2)</sup> Werg, Heede. <sup>3)</sup> glimmern und flimmern.



## IV. Balladen.

### Dei högere Herr.

Bei Heben slöf nu al wochenlang  
Wider nir as Qualm un Stoff un Stant  
Un sitt nu vull Hitt un Arger un Sicht  
Un maht ein bannig brummsch Gesicht.  
Ut sin grisen Ogen schütt hen un wenn  
Al 'n verenzelt Blitz taur Irden hen,  
Un achterher ut 'n Mund em fohrt  
Ein grimmig Grummeln in 'n breiden Vort. — —

Doch dat Grotstadtleben deit 't kum hür'n,  
Lett sit in sin Toben un Larmen nich stür'n.  
Dor stört' noch einer in 't Postamt rin —  
Em bewert vör Jwer dat Duwwekfinn —  
In fus' un fohrt nah 't Telephon ran.  
Dei Postmeister röppt noch: „Hollen S' doch, Mann,  
Dat näht nich, dei Leitung ward eben affstellt.  
Wi möten swigen, snackt dei Herr vonne Welt!“ . . .  
Man dei Kirl dreih al dei Kurbel rüm,  
Den Hörer an 't Uhr: „J! — bidd — üm . . .“

Doch, o „Herre des Himmels“, mit 'n Mal ein Gewes',  
 Un für geiht em ut Mund un Näs',  
 Un für ut Hand un Hoor em springt,  
 Unüm em summt unüm em flugt,  
 Un 'n Ruck — un 'n Schlag dörch alle Knaken — —  
 — — — — —  
 Dei anner, dei högere Herr hadd spraken.



### Nah sik.

Dei Bur is wat wäust un bannig nah sik,  
 Un alle Woch mal dun un dick.

Un hall, dor sitt em in 'n Eif dei Gicht  
 Un sleit em heil un Deil taunicht.

Mit 'n Wullfaden deit hei s' af sik binn  
 Un dreggt sei rut up dei Strat taur Einn.

Dor runscht dat ut dei Bläder rut:  
 „Wat du di heft inbrocht, et sülsen ut!“

Un dei Storm kümmt mit sin willen Hunn,  
 Dei pulen den faden vonne Twigen runn.

Dei Bur binn s' sik af taun zweitenmal  
 Un smitt den faden in 'n Dörpdik dal.

Dor runscht dat ut dat Water rut:  
 „Wat du di heft inbrocht, et sülsen ut!“

Un ein Well kümmt mit ehr breide Hand  
 Un spöltert den faden wedder an Land.



Dei Bur binnt s' taun drättenmal sik af,  
Geiht nah 'n Ufer un maht ehr dor ein Graff.

Dei Jrd' höllt still, dei Jrd' blift stumm,  
Doch Gedanken gahn ehr in 'n Bregen um.

Stigen rut un ballen sik haben tau Dat:  
„Tauf man, wi friegen di doch inne Mat!“

Krupen dörch dat finster, slan den Ollen in 't Knick.  
Nah drei Dag' hett dei Jrd' em — sei weer uck nah sik.



### Muskant.

Muskant, dei süll taur Hochtit kamen.  
Hei hett sin Fiedel un Fläuten namen.

Un as hei stünn in den widen Saal,  
Dor slög' hei sin stillen Ogen dal.

Wat is dat för ein smucke Brut,  
Un säht doch so glend un nästerbleift ut.

Sei is doch den Herrn sin einzigst Dirn,  
Un em daun doch dei Drüttels ut 'n Hals rutgier'n.

Un sei kickt so furlos dörch 'e finsterruten  
Ower Tun un Gor'n in dei Hei' dor buten.

Dor unner den ollen Nachandelhorn,  
Dor drömte sei mal einen säuten Drom.

Dei Stirn, dei glummten, dei Nacht so warm,  
Dor höll ehr ein arm Muskant in den Arm. — —

„Mine Damen un Herren, nu stellen S' sif up,  
Muslant, nu man up dei Dischen rup.

Hier — ein Buddel Win — dei Kehl di smer;  
Nu giff man din lustigsten Stückchen her!“ —

Dei Muslant, dei sett't dat Hurn an den Mund,  
Hei blöf woll ein ganze Viertelstund,

Dat wit dat æwer dei Heiden fläng',  
Dat intwei dat arme Hart em spräng'.



### Immen.

In Blaut steht buten dat Klewerflag.  
Grotbur nich eten un drinken mag.  
Sin jung' fru sifst üm em rüm as 'n Reh  
Un bringt em frischen Kamellentee.  
Sin Ogen gahn as Schandaren æwer 't Eand.  
Man munkel von ehr nämlich allerhand,  
Süll herweisen achter jede Bäg.  
Misttrugsch hei präuwet, doch markt hei nig.  
Man ball ward 't wäuhlen em in 't Eif,  
Un 's Nahmdags al liggt hei stumm un stif — —  
Unf' Bur is dot!

Dei Burfru smitt sif æwer dat Kled.  
Den Dannenkamp längs, längs Ruhr un Reet.  
Ehr kloppt dat Hart in 'n Bussen so drang',  
Dat dor künn kamen den Stig wæn lang.  
Dat Brakflag achter dei Grotknecht ümritt. <sup>1)</sup>

<sup>1)</sup> mit dem Schälpslag umpfägen.

O Gott, wur s' sit an sin Post ransmitt  
 Un sit fast dor kräppt un em fägt so heit,  
 Un seggt kein Wurt, hei weit doch Bescheid.  
 Un in 'n stiller Bewern stahn dei bei,  
 Un dei Imm'n summen vörbi von dei hei — —  
 Unf' Bur is dot!

Un as dei Lüd' tau Hus sünd all  
 Un slapen — dor slikt sei lif' in 'n Stall.  
 Unre Köpen dei Schap un Kämmer rauhn,  
 Anne Kröw dei Käuh noch aderlau'n.  
 Dei fahlenstaut liggt un slöppt bi ehr Lütt,  
 Inne Ecken dei Kluck up dei Kücken sitt.  
 Vergett nich dei Swin un dat Untenpack,  
 Uck nich dat Stroh un Heu in 't fack.  
 Sei breid't æwer allens ut ehr Hand  
 Un maht mit bewrig Stimm bekannt:  
 Unf' Bur is dot!

Nu geiht sei ruter in den Gor'n,  
 In 'n Manschin schemern ehr hellen hoor'n.  
 Un snackt uck dei Wind in Busch un Musch,  
 Sei tred't doch ran an jeden Busch.  
 Un hängt vull Kliben ehr Kledersom,  
 Sei drängt doch ran an jeden Bom.  
 Un half't sei all — un sprett't ehr Hand  
 Uck noch æwer 't Getreid<sup>1)</sup> un Tüffelland.  
 Un midden in den Maiengeruch,  
 Dor klingt so irnsten rin ehr Spruch:  
 Unf' Bur is dot!

Un nu noch hinner an dei Mur,  
 Rin in dat olle Immenschur.

<sup>1)</sup> lütt Getreid' = Gemäse.

Man sig! Dat 's dor so sticking un dump,  
 Sei kloppt rasch dei Reig' nah an jeden Rump.  
 O Gott, wur ward ehr dorbi so warm'n,  
 Dei Immen summen, as wull'n sei swarm'n.  
 Un richtig! Dor daun s' al ut 't Tillock teihn,  
 fall'n æwer ehr hær, æwer Arm un Bein,  
 Gesicht un Hals, un steßen vull Wut  
 Un steßen un steßen un brummen ball lut:  
 Unf' Burfru is dot!



### Sin Sorg'.

Schultenvadder deit gollen Hochtitt fir'n.  
 O je, wat bläuhn em dor för Ihr'n!  
 Deputatschonen kamen von firm un nah,  
 Un Geschenke, dei seggen man so stah.  
 Un Reden sonel, ein Geswög un Gesegg,  
 Dor is di rein dat Enn von weg.  
 Un won all dat Eaben, dat Halli un Hallo,  
 föllt uck ein Deil dei Kinner to.

Dor is dei öllst, dei Herr Untroffzier,  
 Dei dunn al mit nah China wir.  
 Dei breide Post vull Snür un Orden,  
 Dei lätten Dirns sünd blind binah von worden. —  
 Dei tweede weer ein Malersmann,  
 hadd 'n Samtjack un wide Bügen an.  
 Em deb' al männigg Bild schon glücken,  
 Deb' uck al wat uppe Utstellung schicken.

Dei jüngst inne Eck steiht still un drus'.  
 Hei hett dei Stell — weer nie von hus.

„Hans, kumm doch vör, man süht di kum,  
 Sorgst du denn nich för Ihr un Ruhm?“  
 Dor kloppt hei anne Kammer, dor kamen rin  
 Drei Jungs un drei Dirns, al lif smuck un fin,  
 Dei Baden vull Hægen un Herzlichkeit.  
 „Hier! Ik sorgte för dei Ewigkeit!“



### Künstler.

Dei Manschin fickt in 't finster mit sinen blanken Schin.  
 Wat deit dat för ein Späuken dor in dei Stuben sin?

Ein Jung' springt ut dat Bedd rut, so ein von sößteihn  
 Johr'n;  
 Hei hett son smalle Lippen, hei hett son gollgel Hoor'n.

Hei wutscht rin in dei Käfen un ritt von 't Schapp ein Bil,  
 Un ward in ein anner Timmer rinlopen in 'n haftig J.

Ein Saal is 't, mit luter Figuren, steiht vull, dei Siden,  
 dei Midd;  
 Weck sünd ut Gips un Marmor un weck ut Was un Kitt.

Dörch'nanner fru'ns un Mannslüd', tum Deil splinter-  
 fassennakt,  
 Tum Deil hemm f' ehr langen Kleider mit 'e Hänn tau-  
 samenraft.

Dei Jung' deit sik nich besinnen, rönnt tau up dei irste  
 Popp,  
 Böht hoch dat Bil mit beid' Hännen un haugt ehr —  
 bak! — vör 'n Kopp,

Dat sei in dusend Stücken gliks uteinander flöwt.  
Sleit wider mit groten Ogen, dat allens man so stöwt.

Sin Vadder nehenan hürt dat Bauken un stört in dei  
Dören binn'n:

„Help Himmel! Jung', wat deist maken? Du büst woll  
rein von Sinn'n.

Wat hemm di dan min Warke, an dei mit all min Kraft  
Jf jo dörch Tit un Stunnen heff unvermündlich schafft.

Wat Schöns ded' jichtens wassen in Harten mi un Blaut  
An Sehnsucht un an Warmnis, an Lehen, Lust un Maut:

Hier wrüng' siß dat tauhöchten, ut Düpen, swer un dump,  
Un all min Bestes un Leiwstes, dat bakerst du hier in 'n  
Klump!' — —

Dor smitt dei Jung' dat Bil weg un föllt vör den Oll'n  
uppe Knei:

„O Vadder, o hör dei Weihdag', dei mi dei Post ritt  
intwei.

As dunn min Mudder storben, dunn tröck sei in des' Pin,  
Du deist min Vadder wesen un ded'st dat doch nich sin.

Dei Welt hett dusend Hänner, dei gripen nah mi hen,  
Min Seel hett dusend Gedanken, dei finnen nümmer ein  
Enn.

Min Mudder gew mi Antwort, wat if uck wull un frög',  
Du æwerst haddst nich æwrig för mi je natt un drög'.

Ja, wenn if so ein Popp weer, as dei hier all in 'n Saal,  
Denn haddst du Rat un Handslag för mi woll männigmal.

Dor deist du ronn'n un lopen, dor sorgst un sweist du um,  
 Dei dreggst dörch Dag un Nachten mit di in 'n Harten rüm.

Ja, wenn is so ein Popp weer — — mi gifft woll Rod  
un Schauh,  
Dei awerst friegen wat Bëtres, ein Stück von din Seel  
dortau.

So kem dei Haß up dei Poppen un wüß, wüß riesengrot.  
 Ji künn mi nich vör ehr barga, sei folgten mi as dei Dod.

It seg' s' dag'sawer schernern, is seg' sei 's Nachts in 'n  
Drom,  
It dränk s' mit jeden Stuck Water, is eet sei mit Köst  
un Krom.

Dor gew 't fein Deilen un Begäuschen, hett heiten: sei  
odder is!  
Weist nu, wat mi ded' driben un dat is' s' slögg in 'n Knick.

Dei mi den Weg versparren, den Weg woll tau din Hart!“ —  
Un Eipp un Eif em bewern, as wenn ein Schudder em  
tarrt. — — — —

Dei Will steiht lang', denn friggst hei dat Bil hjer — ein,  
zwei, drei —  
Un sleit uk noch in dei Ecken dei letzten Figuren intwei.



### Hans von allen Hægen.

Hans von allen Hægen leep æwer Land un Meer,  
 Dat sünd nu al vël dusend, vël dusend Johr woll her.  
 Dor seet dor 'n Oll, ein Fell üm 'n Kopp,  
 Un sniddigte ut 'n Bomstamm sik ein Popp  
 Un stellte sei in ein Eck achtre Dör  
 Un hadd mit ehr sin Dingen vör.  
 Gäng' em dat gaut, denn strakt' hei sei,  
 Gäng' em dat leeg, denn slög' hei sei. — —  
 Hans von allen Hægen keel tau ein Titt,  
 Stemmt beide Hänn denn in dei Sit  
 Un lachte, lachte, lachte,  
 Irst man ganz lis' un sachte,  
 Doch nahsten ümmer duller  
 Un ümmer breider un vuller,  
 Un lachte sik binah tau Dod  
 Un wedder lewig un rund un rot.

Hans von allen Hægen leep æwer Land un Meer,  
 Dat sünd nu al vël hunnert, vël hunnert Johr woll her.  
 Dor tröck ein Pilger nah 't hillig Land,  
 Barhöwt un barstbeinig in 'n losen Sand.  
 Un slög' sik anne Vost un geißelt den Rüg'n  
 Un höll sik för slichter as Slang'n un Mugg'n,  
 Un schreg' taun Heben üm Hülpe un Wunner,  
 As kem von dor dei Erlösung runner. — —  
 Hans von allen Hægen keel tau ein Titt,  
 Stemmt beide Hänn denn in dei Sit  
 Un lachte, lachte, lachte,  
 Irst man ganz lis' un sachte,  
 Un nahsten ümmer duller  
 Un ümmer breider un vuller,



Un lachte siß binah tau Dod  
 Un wedder lewig un rund un rot.

Hans von allen Hægen leep æwer Land un Meer,  
 Dat sünd nu al vël Dußend, vël Dußend Johr woll her.  
 Dor fährt ein Wagen längs dei Strat,  
 Dor sitt ein Wif up in 'n vullen Staat.  
 Un ãm ehr dei Lüd', dei frischten un juchten,  
 Un söpen un süngen un lachten un fluchten:  
 „Wat sall uns dei Himmel, wat sall uns ein Gott?  
 Vernunft, dei möß em längst taun Spott!“  
 Hans von allen Hægen keß tau ein Tit,  
 Stemmt beide Hänn denn in dei Sit  
 Un lachte, lachte, lachte,  
 Erst man ganz lif' un sachte,  
 Doch nahsten ãmmer duller  
 Un ãmmer breider un vuller,  
 Un lachte siß binah tau Dod  
 Un wedder lewig un rund un rot.

Hans von allen Hægen löppt æwer Land un Meer,  
 Dat kümmt woll alle Dag', ja alle Dag' noch vör.  
 Dor hört hei von männig seligen Munn  
 Dei ole, ewige, leuwe Kunn:  
 „Wi weiten niz, will'n Bräuder sin,  
 Uns helpen un hollen in Eust un Pin.“  
 Dor kümmt dei Polizei un schrift ehr tau Baut:  
 „Wat predigt ji dor? Ji sünd woll nich klaut!“ —  
 Hans von allen Hægen fickt tau ein Tit,  
 Stemmt dei beiden Hänn denn in dei Sit  
 Un lacht un lacht un lacht,  
 Erst man ganz lif' un sacht,  
 Doch nahsten ãmmer duller

Un ümmer breider un vuller. — —  
 Kamt, Lüüd' un Kinnings! Hürt ji, хүрт ji . . .  
 Hei is upstunns noch degt dorbi!



### Dei nige Rottenfänger.

For kümmt 'n Mann in 'n spitzen Haut,  
 Mit Troddel un Hahnsfedder,  
 Un dreiht sinen Dudelkasten gaut  
 Dei Straten up un nedder.  
 Brun hett em brad't dei Sänn un Welt;  
 Hei gift nu för 'n poor Penning Geld  
 Musik un nige Lieder.

Un Wiße maken kann dei Mann,  
 Dortau so glatten hören,  
 Un all's hei weit, un all's hei kann  
 Un singt vör Fenster un Dören.  
 Un olt un jung un groß un fin  
 Un Gerd un Greit un Thoms un Trin  
 Gopen nah den Wunnermaker.

Steinsläger achter sin Schuling ut Ruhr,  
 Dei ward dei Uhren spitzen.  
 Rad'maker achter ut dat Schur  
 Mit sin Gesellen flitzen.  
 In 'n Kraug lehnt 'e Süper sik trög anne Wand,  
 Dat vulle Glas inne hochhört Hand,  
 Un hörft up dei Musiken.

Dei Meihers un Streuers stahn uppe Wisch,  
 Dei Adersmann hinneren Haken.

Dei Snider hüppt mit 'n Wupp von 'n Disch,  
 Dei Käcksch löppt furt von 't Kafen.  
 Ut Eaden un Keller stört't dei Kommti,  
 Kannedaten sälfst achter ehr Eßeri  
 Warden æwer dei Brillengläſ' pliren.

Un Jochen Quast, den Bur'n sin Knecht,  
 Drömt 's nachts von brad'te Duben,  
 Un Eischen, dei Dirn, höllt för sif tau slecht,  
 Tau säudeln Del un Stuben.  
 „Micheli segg 't up.“ — „Dat is ein Wurt,  
 Jf sliß morgen Nacht mi al heimlich furt! —“  
 Blot Gust, dei lahm Kauhhird', dei schüddkoppt. —

Un as dei Kirl nahst treckt ut 't Dörp,  
 Dor reigt sif dat hinn'n em gor bunten:  
 Gestalten, as weeren sei smeten inne Wörp,  
 Glacéhandschauh man! Euntен.  
 Un nehmen all densälben Kurs:  
 Dei dammlig Dirn, dei bräsig Burß,  
 Fetthamel un dei Pracher.

Hannjochen sitt tau eten anne Burt;  
 Hei ded' upmaken dor 'n Graben.  
 „Büſt dämlich, Kirl! Smit 'n Spaden furt! —  
 Wat wißt hier länger slaben!  
 Hörst klingen nich dei säute Wiß?  
 Dat geiht grad'weg's in 't Paradies,  
 In 't Paradies up Jrdén!“ —

Dörch Braß un Wischen geiht dei Marſch,  
 Dörch gräune Roggenfeller;  
 Dei Heister fickt un krascht heil narrsch  
 Ut düster Eikenwälder.

Dei Lewark singt, dei Kukul röppt,  
 Gewre Bäl dei warme Sün'n'strahl löppt  
 Un hewelt mit dei Bülgen.

Donne See ran brust't sön kühle Luft  
 Un deit dei Bosten widen.  
 Ut de Blaumen stigt sön säuter Duft,  
 Kirschbläuten fall'n, as ded' 't sniden.  
 Gewer feld un Dörp, æwer Sorg un Freud  
 Dei schönste, blagste hēben bläut.  
 Doch ward dei Schaug em kum künig.

Dei schüfft sik wider in 'n drangen Tog,  
 Chausseen längs, dei glatten.  
 Ut Smöl un Buddel mal ein Sogg,  
 Un furt geiht 't ahn Ermatten.  
 Un ward mal mäud' uß Bein un Bliß:  
 Dei Eirenmann spelt 'n lustig Stück,  
 Denn flütt dat Blaut wedder raschen.

Mit 'n Mal stigt up ein hoget Dur,  
 So swart as Karthofs Porten.  
 Ein Slag mit 'n Handstock ut span'schen Ruhr,  
 Heil Dei Flägel utenanner fohren!  
 Un vörn stellt up sik dei Leiermann:  
 „Man ämmer rin, man ämmer ran,  
 Nu kamen dei Herrlichkeiten!"

Un wat schemert vörn! — Strat löppt an Strat,  
 Dull Hüser, so kolt un sturen.  
 Palast un Karren smiten vull Staat  
 Hēbenwärts ehr bunten Muren.  
 Riesenschofsteins aten dichten Roß,

In 'e Kadens glänzt dat von siden Dof,  
Moy Mätens winken ut dei Finstern.

Stellenwarts, dor bülgt sön hellet Licht  
Un Krischen un Toben un Earmen.  
Man ob jucht dei freu — dat weißt du nicht —  
Odder ob jauwen deit Mäuh un Erbarmen.  
Un dræwer in widen Swaden dat swulf,  
Von Stoff un Dunst ein Riesenwulf,  
Dei einen fast nimmt den Uten.

Un vörn, dor dudelt dei Leiermann  
Un rēd't un singt sif in 't Sweiten:  
„Man ämmer rin, man ämmer ran,  
Nu kamen dei Herrlichkeiten.  
Dat Schönst is jug', wat bütt dei Welt,  
Un kost't juch keinen Penning Geld.  
Ward't ji mal Ogen maken!“

Dei Nigier spurnt den jungen Mann,  
Bankrutt schüßt nah den ollen.  
Bequemlichkeit dei fru drift an,  
Dei Dirn purrt an heit Wollen.  
Einen Ogenblick, un rin sünd s' all,  
Un achter ehr sleiht dei Dör tau mit luden Knall.  
Woll nūms frigg't s' wedder apen.



### Witte Rosen.

Grif'gragen gludert dei Hēben, as 'n Og' vull Sorg  
un Not,  
Dal in dat vulle Lēben, dal in dei Wihnachtsflot.

Dat is ein Prisen un Praten, dat lücht't ut finster un Dör.  
Wat sitt dor up dei Straten inne Ed för 'n lüttel Gör?

„Köpt Lichter, Wihnachtslichter!“ Kein hört dei bewrig  
Stimm,  
Döræwer huschen woll Gesicht, doch jeder hett 't hüt  
slimm.

Un Wihnachtskloeden lüdden, wit ward dor Hart un Bost.  
Dat lütte Kind deit schüdden inne Ecken Küll un frost.

Still ward üm em dat Leben; dei Dag treckt lisen Pahl.  
Dull floeden hängt dei Heben un sei't sei langsam dal.

Sei't up dat Kind sei runner un deekt dat sachten tau,  
Kümmt as ein linnet Wunner æwer em mit Slap un  
Rauh.

Un 'n wunnerfameg Drömen em dörch dat Köpping geiht,  
Hei liggt manß golle Bömen in 'n Saal vull Herrlichkeit.

Anne Wänn elektrisch Lichter un vulle Dischen un Börd',  
Un Minschen mit leiw Gesicht, un Minschen mit mille  
Wörd'.

Un rings ein Summen un Loden, un rings ein Jubeln  
un freun  
Von Stimmen un Geigen un Kloeden, von Harten un  
Ogengläuhn.

Un von den Bøhn kamen runner vel Engels mit säuten  
Snack

Un faten unntre Arms em unner un strakeln em dei Bad.

Un wehen so licht un losen ein Kled em rasch, ein witt,  
Ein Kled ut luter Rosen. Wur weiß un knasch dat fitt!

Un ümmer mihr Blaumen noch rupper as Franzén un  
Eißen sei streun.

O wur dat hart em pupper! Sin Leid deit all wegdaun.

Au kümmt dat Glück mit 'n malen woll för dei arme Seel.  
Ümmer noch seilen Rosen hendalen; dat ward woll rein  
taupfel!

Kann st nich mihr wehr'n, uprichten ut all dei Rosenpracht,  
Deckt tau em weiß un dichten mit dodendüster Nacht.



### Dei Düppeler Schanzenmarsch.

(Caun 18. April.)

Aprilnacht! — Dei Dörjohrswind löppt lif'  
Dei Dörpstrat ling un lang,  
So lif', as den Bur'n sin Katt, dei oll grif',  
Grad' slicht æwer 'n Schönengang.  
Horch! Hör! — Wat is denn in dei Smød'  
för ein Getow un Getöf?  
As wenn mit einmal los dor led  
Mit sinen Laut dei Böf.  
Man wider! — Deit blot dei olle Smid,  
Dei kloppt dor un hamert un flaut't dortau mit  
Den Schanzenmarsch von Düppel. — — — —

Ja Düppel! — Dei Oll weer uß dormanf.  
Wur deden dei Bohnen sinmen

Dörch Wind un Weder un Pulverstant  
 As bannig stinke Immen!  
 Dor künnt sik fast kein ein vör woht'n.  
 Uck em söch sik ein ut  
 Un seet in sin Kül <sup>1)</sup> nu dei langen Johr'n,  
 Kein Dokter kreg' sei rut.  
 Un kem so dei Tit, dat 't all Dag' slög' üm,  
 Denn wör s' wedder lewig un danzte dor rüm  
 Den Schanzenmarsch von Düppel.

Uck 't warme Bedd, dat helpt denn nix.  
 Psui, Deuwel, wur dat ritt!  
 Hei springt rin in dei leddern Bux.  
 Psui, Deuwel, wur dat bitt!  
 Un rut un rinner in dei Smüd':  
 „Nu, Amboss un Hammer, staht up!  
 Nu, Blas'balg, heft nich länger freß',  
 Nu weck dat für mal up!  
 Nu wif' dei Kahlen mal dei Tähn  
 Un spel' ehr up as wi den Dän  
 Bi 'n Schanzenmarsch von Düppel!“

Bei Oll grippt dei gröttste Iesenstang'  
 Un schüfft s' in dei glühnig Kahl:  
 „So, Friedrich Karl, nu sackel nich lang',  
 Nu wif' dei Kirls dat mall  
 Söß Wochen al geiht dat Gebums un Gebrumm  
 Vonne Geschütze up un dal.  
 Wi awerst möten liggen stif un stumm  
 Hier achter Graben un Pahl.  
 Süh, Pieße, ja, dei steht al dor

---

<sup>1)</sup> Oberschenkel.



Längs mit sin ganz Muskantencorps  
Un 'n Schanzenmarsch von Düppel."

Dei Oll hal't dat Isen ut dat Für  
Un leggt 't uppen Umboß hen:  
„Nu is vörbi Geduld un Gedär,  
Nu friggt dei Sak ein Enn.  
Söß Sturmkolonnen stahn al prat,  
Morr'n früh geiht los dei Danz.  
Wenn denn dei Kloeten teiden slat,  
Denn heit dat: Rup up dei Schanz!  
Un dat di nich dat Hart dalsackt,  
fründ Pieffe, un gaut uns fleist den Takt  
Von 'n Schanzenmarsch von Düppe!."

Dei Oll langt sit den Hamer her  
Un haugt up dat Isen in:  
„Nu los mit Sabel un Gewehr,  
Un midd'n in 'n fiend man rin.  
Dei Schützen tauirft, Pioniers ach:ran,  
Un nahst wi in Tornüster un Mäg:  
Hurrah! As dei Katten geiht dat bargan,  
Wi sünd dei irsten anne Spräg.  
Un regent 't uß Granaten un Pulverfärn,  
fründ Pieffe lett sit mit sin Jungens nich stür'n  
Bi 'n Schanzenmarsch von Düppel."

Dei Oll, dei sleit mit bewrig Hänn  
All, wat dat Täg will holl'n:  
„Ach Gott, dei Kanonen von dei Wänn  
As wille Diere schroll'n,<sup>1)</sup>  
Un spigen für un spigen Murd. —

<sup>1)</sup> brüllen.

Dor duns't ein Riesenknall. — —  
 Hoch, Klinker, mößt uns apen dei Purt,  
 Nu folgen wi di all!  
 Heß Dank! Kümmt in dei Himmelsdör,  
 Denn spelen dei lütten Engels di vör  
 Den Schanzenmarsch von Düppel."

Dei Oll, dei dösch — is 't Weih, is 't Wut? —  
 Hei öckert al un hint.<sup>1)</sup>  
 Em brecht dei sure Sweit al ut,  
 Un dal sackt hei — beswimt.  
 „Nu fall 't woll fluschen, nu hebben wi Bahn,  
 Nu ward dat Leben wedder frisch.  
 Immer nah unsen Hauptmann, nah dei fahn,  
 Nu maß wi reinen Disch!  
 Viktoria! geiht 't von Urt tau Urt,  
 Un mit dat Wurt klingt fröhnschen furt  
 Dei Schanzenmarsch von Düppel." — — —  
 —

Dei nige Morgen rückt ran æwer 't Land.  
 Dei Gesell kümmt in dei Smed'.  
 Dor liggt dor dei Oll, den Hamer inne Hand,  
 Un 'n Amboss in Rauh un Fred'.  
 Em deit nich Wind un Weder mihr weih,  
 Nich Kugel un nich Wut.  
 Sei dregen em nu inne lange Reih  
 Firlich nah 'n Karthof rut.  
 Un as sei em inne Gruft laten dal,  
 Dor spelt man em up taun letzten Mal  
 Den Schanzenmarsch von Düppel.



<sup>1)</sup> stoßweise und schwer atmen.

### Dei Herr Hoffnidermeister.

**W**at is hei denn so lustig hüt,  
 Dei Herr Hoffnidermeister?  
 Hei is jo rein as ut dei Tüt,  
 Dei Herr Hoffnidermeister.  
 Hei hüppt un springt as 'n Mus ut 't Eock,  
 Hei lad't sin fränn tau Brad' un Grog,  
 Dei Herr Hoffnidermeister.

Wat hal't hei ut sin Kamer fir,  
 Dei Herr Hoffnidermeister?  
 Herrje, is jo dei lakensch Bäg  
 Von 'n Herrn Hoffnidermeister.  
 Hei wist den Hosenhodd'n ehr hen,  
 Dor is ein Placken, grif' as 'n Spann.  
 O, Herr Hoffnidermeister!

Sei stöten an up disse Ihr  
 Mit 'n Herrn Hoffnidermeister.  
 Dei hal't sin Schir, sin beste Schir,  
 Dei Herr Hoffnidermeister.  
 Den fautgroten Placken snitt rut hei so fin  
 Un bringt em nah 'n Glaser; dei sött em in  
 för 'n Herrn Hoffnidermeister.

Hängt nu unner Glas un Rahm anne Wand  
 Bi 'n Herrn Hoffnidermeister.  
 Un wecker nu kümmt ut Stadt un Land  
 Bi 'n Herrn Hoffnidermeister,  
 Vull Andacht hei denn rupper stiert,  
 Wenn hei dei schön Geschicht hett hürt  
 Von 'n Herrn Hoffnidermeister.

Wur glücklich, wenn man em dornah fröggt,  
 Dei Herr Hoffnidermeister.  
 Landsvaddern hei dunni dei Refnung bröcht,  
 Dei Herr Hoffnidermeister.  
 Dei æwerst was klamm un kem in Wut,  
 Ein fauttritt hinn'nvör — dei smeet em rut,  
 Den Herrn Hoffnidermeister.



### Dei Fang.

„Na, lettst nu ball dat Plinsen, <sup>1)</sup> dat al geiht Dag un  
 Nacht,  
 Worüm nehmst vör dei Herren, dei finen, di nich in acht,  
 Dei 's Winters inne Stadt un 's Sommers hier führ'n  
 ehr Lüst spazier'n?  
 Kein anner Daun sei kennen. Heff naug di rad't, min Dirn!  
  
 Nu kannst du Water lachen <sup>2)</sup> un denken in Tran un Trur,  
 Wur dat säutmälig Herring ein anner bedrüggt mit 'n  
 Swur.  
 Nu deist in Schann du dorstahn, in Klagen un in Smart,  
 Nu gah man hen nah 't Herring, den sin Kind du dreggst  
 unner 't Hart.“ —

Dei Fischeer schellt sik wütend. — Dei Dirn, dei seggt kein  
 Wurt,  
 Söcht ut de Eed ehr'n Plünnkram un slicht sik sachten furt.  
 As allens still in 'n Dörpen, un Schummer liggt up 't Land,  
 Dunn tüffel s' mäud' un braken den Weg hentau nah 'n  
 Strand. —

<sup>1)</sup> und <sup>2)</sup> weinen.

Dei Sünn an 'n annern Morgen kümmt rup in ehren Kop,  
 Dicht vörn an 'n Strand dei Fischer deit trecken sin Wad'  
 tauhop.

„Kumm, Mahwer, doch mal ranner, min Nett is so vull  
 un drang,

Un help mi 'n beten trecken; möt sin jo 'n mordschen fang.

Sei trecken un sei tasen,ümmer swger ward't dei Hand.  
 Sei trecken mit nigierig Ogen, bet s' glücklich friegen tau  
 Land.

Dat liggt so grot un klunzig <sup>1)</sup> un swart in 't Nett dor  
 binn'n,

Dei fischer ward bleif un bewrig: sin eigen Kind ded 'e  
 finn'n.



### Dei Kulengräwer.

Dei Manschin æwer den Karthof spelt  
 Un grippt sik mit 'ne fledermus.  
 Kein Blatt sik rögt, dor dei Nacht sik twelt;  
 Blot inne Eck, in 't Kulengräwerhus,  
 Dor stehnt dei Oll in 'n sworn Slap.  
 Herrgott, wecker kem dor ran?  
 Dat gung' dor buten tripp, tripp, trapp,  
 Dor kloppt wen an 't finster an.  
 Ein Stimm reep heisch, freg' kum noch Luft:  
 „Kulengräwer, kumm rut un graw mi dei Gruft!“

Dor springt hei ut 't Bedd in 'n blanken Hemd,  
 Kickt nich nah Bär un Stewel,  
 Ritt apen dei Dör — wur dei Man hell glemmt —

<sup>1)</sup> klöbig; dicke Masse.

Un staft dörch den witten Newel  
 Ûm 't Hus rûm, rinner in dat Schur.  
 „Nu her man Græwer un Schüffel  
 Un rup up 't Naack!“ — Un längs dei Mur  
 Den Stig æwer 'n Karthof hei täffel.  
 Un Busch un Bom schemern ut Dunst un Dat  
 As Bauftaben von ein wunnerfam Spraak.

Dei Sommernacht emert — kein Spirken Luft! —  
 Doch süß dor, dei Rosen an 'n Pahl,  
 As gäng' unn'n den Doden dei Bost inne Gruft,  
 So bewern s' up un dal.  
 Dei Krüz blänkern tau em fri un frech,  
 As stünnen s' up du un du,  
 As wullen s' em wisen Richt un Steg,  
 Wur hei sünn gaude Ruh.  
 Platsch! Naack! — dor hüppt ein Pogg æwer 'n Stig.  
 Kumm mit! dor röppt ein Ul uppen Twig.

Doch markt hei nich, wat rührt siß rings,  
 Hei süht nich Stein un Graben,  
 Sin Ogen gahn nich rechtsch noch links,  
 As weer'n s' inne Höhlen faßschaben.  
 Hei hürt nich inne firn den Isenbahntog  
 Æwer Brüggen rasseln un rætern,  
 Hei hürt nich inne Luft den Kraunensflog  
 Tensköppen snatern un platern.  
 Blot sin Tritt, dei lewt — un seter un gewandt,  
 As fahrt em ein Engel an dei Hand.

Holt stopp! Nu sünd dei Krüz tau Enn,  
 Von 'n frisch Graff lüchten Kränz' un Strüz.  
 Dor spuckt hei siß in sin queßig Hänn  
 Un nimmt den Græwer bi 'n Stüz,

Un fohrt mit dei Spitz dörch dei weike Jrd':  
 „Drei faut so — acht so — warden lang'n —“  
 Un maht 'n Strich rüm in 't Geviert —  
 „Denn liggt hei nich so drang'n  
 Dei arme Mann, den sin Stunn hett slan.  
 Help Gott!“ — Un hei deit an dei Arbeit gahn.

Dei Spaden bohrt sik in Moos un Jrd'  
 As 'n Speer in Fleisch un Sehnen,  
 As sleit inne Sit ein willet Diert  
 Ein Schap sin scharpen Tähnen.  
 Dat klingt so hell, dröppt hei 'nen Stein,  
 Un Funken spring'n un smirken;  
 Dat runscht so dump as Gejaul un Gewein,  
 Deit in weiket Land hei wirken.  
 Mit frummen Rugg'n — dat Og' nah unn'n —  
 So schufft dei Oll, so flüggt dei Stunn.

So flüggt dei Stunn, so flüggt dei Hand.  
 Nu ward s' dei Ecken utpeilen,  
 Nu roden Leim un gragen Sand  
 Ut 'e Kulen laten seilen.  
 As wenn dor 'n mächtigen Mullworp seet  
 Un ded' dor graben un breken,  
 As wenn dor 'n Riesen-Riedworm reet  
 Un wull sik verpuppen, verstepen,  
 Wäuhlt in sik dei Oll, bet nig mihr tau seihn —  
 — — — — —  
 Uppen Karttorm dei Klock meelt an tau ein.

Holt stopp! Dor richt sik dei Oll in 't Enn,  
 Deit dei Hand uppen Gräwerstel stemm'n,  
 Un ward den Kopp inne Rüm rings wenn:  
 „So, nu ward dat sin Döp woll hemm!“

Hei wischt mit 'n Hemdsarm af den Sweit  
 Un smitt æwer 'n Rand den Græwer,  
 Un an dei Graffwand rup hei kleit  
 Un hal't dei Schüffel sit ræwer —  
 Un puht nu dei Siden, kloppt af dei los' Jrd,  
 As strickt man den Kledrock glatt un schier.

Nu maht hei den Bodden noch hübsch un fein,  
 Deit 'n ornlich Anseihn em geben.  
 O Junge, ward sit dei Mann mal freun,  
 Dei hier rauhn fall taun ewigen Leben.  
 Doch as hei so schüffelt, ruffelt haben dat sacht —  
 Dei los' Jrd rutscht — dei Rand kippt æwer.  
 Un dicht un drang mit vuller Macht  
 Schütt æwer den Oll'n dat ræwer,  
 Un drückt as 'n fründ em tau dei Egd' — —  
 — — — — —  
 Still! Jeder ein Vaterunser bed'!



### Dat düster Dur.

Wat starr'n dei Barg' so stur in 't Land  
 As utreckt finger von 'n Riesenhand?

Wat kem dor ran in Haut un Schut,  
 Kröp rupper an ehr swarte Hut?

Un Pird' un Wagen, un fru un Mann,  
 Bi 'n grötsten Barg bugen s' unn' sit an.

Dor wimmelt 't dörch'nanner as ' Nigimmenhop. <sup>1)</sup>  
 Herrjeh, ein Gezauster, Gedau un Gelop!

<sup>1)</sup> Ameisenhaufen.



Dei dor, dei meten mit Ein un Faden,  
Dei annern hantier'n mit Schüffel un Spaden.

Dei oll Barg lacht irst dei Huf sik vull,  
Em is, as wenn em wen fetteln wull.

Doch dei Kirls sünd drist un tag un fast,  
Dat steckt un brecht ahn Rauh un Rast.

Nu bohr'n s' em gor grot Löcker in 'n faut,  
As wull'n sei em astappen dat Blaut.

Nu leggen s' gor wat in dei Löcker rin,  
Sei woll'n woll furier'n em, warden Pillen fin.

Jawoll, kem anners! Bums, bums! wat för Saken,  
Dat duns't em ornlich in Kopp un Knafen.

Wenn 't lang' noch durt, denn röp hei: hollt stopp!  
Un kem dei Kirls mal degt uppen Kopp.

Dat weer jo binah, as wenn Wörm un Bazillen  
Em slienderwis' an 't Leben willen.

Dat hauf' un bohr jo as Tef un fin  
Un freet sik ämmer mihr nah em rin.

Dat laug un karw in fleisch un Sehnen,  
As hadd 't an hundertdusend Tähnen.

Un pul un püker al an sin Knafen,  
As weer dat gor nich satt tau maken.

Slöf förstötch wider un möß sik Rüm  
Langsam bet rin in 't Ingedäm.

Dor plaß al 'n Uder, un dor dei tweit,  
 Wur dat Water, dat witte Blaut, rutsleit!

Wur sei 't mit Emmers un Rühr'n upfingen,  
 Mit grote Pumpen dat ruterbringen!

Un wider ward schuft't, ball still, ball mit Snacken,  
 Un wider klingen dei Bicken un Hacken.

Un wider bauß dat Slag bi Slag,  
 Dörch Dag un Nacht, dörch Nacht un Dag.

Bei Maschin maracht, still summt dat Licht.  
 Wat is 't för 'n Stimm, dei dor lud'hals schriggt?

„Rut! — redd't juch! — Minschen un Weih! rut, rut!  
 Hört ji dat brusen? Dat Water brecht ut!

Wi sünd up ein grote Uder woll kamen.  
 Rut! Dörwärts blot in Gottes Namen!“

Un längs dei Gäng' dat ras't un fließt.  
 Säh, dat witte Blaut ut dei Stein al spritzt.

Ein dicke Strahl nu ruterquücht  
 Un dörch den langen Stollen flügg.

Woll as dei Stormwind æwer dei hei',  
 Woll as ein Rief' in Wut un Weih.

Un schellt un schämt un brust un kraßhlt:  
 „Täuf, juch will 't kriegen, dei mi so quält.

Wat ded' 't ji mi pinigen un pisacken?“  
 Bums! sleit hei al den irsten in 'n Nacken,

Dat dei glifs henswucht as ein Pahl  
Un noch in 'n fall'n ritt poor mit dal.

Doch schafft 't noch nich! Wat Rohr'n un Klagen!  
Hei hett al wedder poor bi 'n Kragen.

Un smitt sei gegen dei steinern Wand  
Un drück s' tau Maus mit eigen Hand.

Nu midden mank den dicksten Hümpel,  
Dor aust't hei as 'n Üß mank oll Gerümpel.

Dat Geschäft, dat gung'! — hei slög' all's furt,  
Hei möß reinen Disch un leddig Burd.

Müch ein wat seggen! Sönn freche Blas',  
Dormank tau fohr'n, dat möß mal Spaß.

Ob lütt, ob grot, dat weer ein Dont,  
Dei Bister hadden em jo uß nich schont.

Nu wören s' as Schap utriten un lopen.  
„Still, Kinnings, iß krieg' juch alltauhsopen.

Süh, hebben sif bugt orrig 'n Iserbahn;  
Sönn olle Karr deit moy mal gahn.

Un orrig elektrisch Licht hebben s' makt.  
Heil schön, dor süht man, wur man stakt.

Dau, lüttje Kirl, wist inne Eck di verstecken?  
Is nich nödig, iß dau mit juch all afreken.

Is sinn juch all taur Rechten un Linken.  
Hewwt Döst woll von 't Könn'n! — Is gew juch tau  
drinken

Vel, vel! Dat ward ein Kausch woll sacht,  
Den slapt ji irst ut in dei ewig Nacht!"

Un schellt un segt den Tunnel lang  
Un söcht in jeden Winkel un Gang.

Un deit manf Brød' un Bahl un Balken,  
Maschinen un Pumpen rümpöln un -spalken.

Un sleit all's dal un all's taunicht,  
Wat jichtens em kümmt tau Gesicht.

Könnt rut noch nah buten in 't wide Land  
Un haust dor rüm mit willer Hand.

Un brecht dor rüm in Wut un Stähnen.  
Wecker weit, ob s' em worden meistern kenen.



### Heimweh.

Bei Damper stött von dei Landungsbrügg  
Un stakt in dei wide See.  
Hannjochen fickt nah dat Land taurügg.  
Sin Hart, dat steiht vull Weh,  
As achterwarts sin Heimat sachten verswinnt,  
So sacht, as ein fedder wegweiht dei Wind.

Euter Dann'n un fichten bekränzen den Rand,  
Dat 't lett as ein düster Wall.  
Vörn kladdert an 'n witten Dünenfand  
Dat Meer rup mit willen Schall,  
As wullt dei Jrd' mit sin Arm ümsling'n  
Un runner in den Afgrund dwing'u.

Hannjochen kann 't Og' nich af von wenn',  
 Dör sin Blicken ward 't swarte Nacht.  
 Hei slütt äm dei Keeling fast dei Hänn,  
 Hadd so swer siß 't Scheiden nich dacht.  
 Del fränn von em gängen jo al inne Welt,  
 Tau säufen Freiheit un Gaut un Geld.

Von 'n Heben strahlt warm dei Abendsün,   
 Rings freu un Lust un Glück.  
 Manch ein dor bi 't Snacken un Vertellen stünn,  
 Dei Kapell spel 'n lustig Stück.  
 Blot dei Bälgen runschten so kurlös un dump,  
 As sneß' ehr inne Bost dei Schepentump.

Dor swewt mit einmal ran æwer 't Meer  
 Ein sanft un säuter Klang,  
 As kem hei grad' von 'n Heben her,  
 As hört man Engelsfang.  
 Un düller Hannjochen dei Truer sött:  
 Is jo dei Bedflock, dei tau Hus ward stött.

Sei röppt rings dei stitig Hand taur Raug,  
 Taur lütten Abendbrotstit. —  
 Uß Vadding höllt nu woll an den Plaug,  
 Wull jo nah 't Brakflag hüt.  
 Un achter Busch un Hasenbramkrut,  
 Dor süht hei siß ein Schuling ut.

Denn Mudding kümmt al vörn sut 'n Holt,  
 Ehr Glanderhaut lücht't inne Wid!  
 Sei 's bannig beinig, dat 'e Kaffe nich ward kolt,  
 Un sett't siß Vaddern anne Sit,  
 Ward decken ehr Schört æwer Gras un Krut  
 Un packen Brot un Bodder ut.

Ganz still is 't. — Blot dat Sadelspird  
 Böhr 'n Kopp, as weer 't in 'n Drom,  
 Un ritt — hei 's ein gor nilich Diert —  
 Gräun Twig' von 'n Widenbom;  
 Un sleit dormit von flank un Rugg'n  
 Sit af dei bertschen fleigen un Mägg'n.

Un Vadding ett, un as hei satt,  
 Stecht hei dat Klappmejer in,  
 Nah Muddern hei siß rümwenn' ward:  
 „Nu schenk den Kaffe man in!“  
 Un Mudder fohrt up as in Sinn'n befang'n  
 Un ward dei Tassen ut 'n Korf rutlang'n.

Drei Stück! — Un nimmt vonne Kann den Daul,  
 Un Dadder springt in 't Enn,  
 Röppt hen, wur dei Käuh jüst gahn in 'n Braul,  
 Un klatscht siß in dei Hänn.  
 Doch lett s' glif wedder fallen: „O Gott, uns' Hans . . .  
 Is heff jo woll rein minen Klauß nich mihr ganz . . .“

Un fickt Muddern so irnst an bi sinen Snack:  
 „Wur mag uns' Hans nu woll fohr'n?“  
 Un ehr ward 't trecken in Dörkopp un Back,  
 Un lif' vör siß hen ward s' rohr'n! — — —  
 So drömt Hannjochen, un mit Macht fött 't em an,  
 Un neger hei drängt nah dei Reeling ran.

Dei Bülgen slan hoch, as wull'n s' æwer Burd,  
 Un locken un winken nah unn'n.  
 Dor springt hei æwer dei Reeling furt  
 Un is in dei Well'n verswunn'n.  
 Un schütt wedder tauhöcht, un mit faut un hand  
 Raudert tau hei in dei Richt up 't Land.

Un ein Könn'n un Krischen up 't Verdeck ward 't fin,  
 Dei Dampppip krascht so schrill.  
 Dat Schipp, dat bewert, dor stoppt dei Maschin,  
 Un endlich steht 't ganz still.  
 Längs fem vonne Brügg dat Kommandowurt:  
 „Mann æwer Burd! Mann æwer Burd!“

Un söß kräftig Arms dei Reimen leggen ut,  
 Dei Kahn, dei flüggt man so.  
 Un den Stürmann sin Ogen gahn vörut  
 Up den armen Hannjochen to.  
 Un wat dei uß ampelt un sælt in sin Not,  
 Æmmer neger, æmmer neger kümmt em dat Boot!

Hei süht 't jo nich, hei süht blot dei Dän,  
 Dei vör em lang sil streckt.  
 Dor flütt 't dörch sin Adern as färig Win,  
 Un noch mal sin Muskeln hei rekt.  
 Un as dat Boot is ran an 'n Strann,  
 Dor löppt Hannjochen al rin in dei Dann'n.



### Dei Hex.

Dei Utrauper stafft entlang dei Strat:  
 „Ji Herrn un Börgersmaaten,  
 Hürt, wat juch ein wolllöblich Magistrat  
 Dörch mi deit weiten laten.  
 Graf Edeward höll nich sin Wurt,  
 Hett plünnert wedder mit sin Mannen,  
 Hett führt twei Koplüd' un ehr Gäuder furt,  
 Drüm deden wi em achten un bannen.  
 Wecker em uns liewert lewig odder as Eiß,  
 Sælen maken dusend Daler rik!“

Dei Lüd' stahn tauhop un fullschalen verlur'n,  
 Ehr Hart sacht deip in dei Bügen.  
 Doch dor, wur buten an dei feucht Stadtmur'n  
 Krupen Kellerwürm un Korkhügen:  
 Dor ward ut ein tweibraken Finsterschiv  
 Ein Kopp heruterfohren,  
 Ein Kopp von ein frischet, forschet Wif  
 Un deckt mit il brandrot Hooren,  
 Un hört ein Dirn tau von twintig Johr,  
 Dei sitt as ein Hēr in 't Gefängnis dor.

Sall gaten hebben ehr Nahwersch 'n Gæt,  
 Sall sin nah 'n Bloksbarg tagen,  
 Sall wanneln sil kenen in Krack un Kræt,  
 Nu will dat Gericht ehr an 'n Kragen.  
 „Keiw Utrauper, segg doch dei Herren von 'n Rat,  
 Dat ik den Grafen kann faten;  
 Will ick keinen Penning för sönn Daht,  
 Wenn s' blot ut dit Lock mi laten.  
 Un spel ik em juch nich in dei Hänn,  
 Mägt ji mi lewigen Kiws verbrenn'n."

Dei Utrauper mell't, un as 't schummrig ward,  
 Dunn deit dei Gefängnisdör klappen,  
 Un as dei Hēr is vör dei Stadt,  
 Dor ward sei einen färingen Rappen.  
 Hallo! Den singt an 'n annern Dag  
 Ein von den Grafen sin Knechten.  
 „O Herr, o seihn S' blot an sönn Slag,  
 Dat 's keiner von dei flechten.  
 Sönn Bost un Wein, schad', dat 't Beist bitt  
 Un keinen up finen Rüggen litt!"

Dei Graf staunt an den mojen fang,  
 Dei freu lacht em ut 'n Harten.



Hei kloppt em den Hals un strakt em dei flank,  
 Un o Wunner! Nig rührt den Swarten.  
 Dor leggt hei em manf dei Tähn dei Bitt  
 Un smitt em æwer den Sadel,  
 Mit 'n Satz hei em up den Rüggen sitt.  
 Doch as wenn em steek ein Nadel,  
 So richt't dat Diert sit steidel in 'n Enn  
 Un flüggt æwe Mur as ein Piler hen.

Den Barg stöwt dal dei wille fohrt,  
 Dei Graf bitt dei Tähnen tausamen.  
 „O ha! Bäst ein von dei Wiwerort,  
 Ein von dei schulschen un framen.  
 Irst Weihdag' weckt ehr Leiw förwohr'n!  
 Ward stur sit richten in 'n Bægel,  
 Ward setten em in dei Weifen dei Spor'n,  
 Ward riten mit Macht in 'n Tægel.  
 Un sin Kålen pressen dei Mähr inne flank,  
 Dat ein Schuddern ehr löppt den Rüggen lang.

Doch schütt sei wider as heft woll seihn  
 In 'n hui æwer Stein un Graben,  
 Dei Funken slan ut dei Stratenstein,  
 So ward s' vör 't Rathus draben.  
 „Ji Herren, ik heff inlös't minen Swur,  
 Nu kann 't woll fri lopen un wannern?“  
 Un ward wedder taun Mäten, häbsch un stur,  
 Un drängt in dei Schaug manf dei annern.  
 Doch blift sei vörn inne Reigen stahn  
 Un ward ehr Og' nah den Grafen henslan.

Wat weer dat doch för 'n frähschen Kirl,  
 Sönn Schönheit föll up dei Sinnen.  
 Dat blanke Isen von 'n faut bet 'n Dwirl

Glummt hell in dei Middagsünnen.  
 So steil un slank woll as ein Dann'n,  
 Un blot ein tröghollen Bēben  
 flög' lisen em dörch Bost un Hann'n  
 Un red't von ein heitet Leben.  
 Un sin Aen so lud' un raschen gāng',  
 As wenn ein Wēder inne fīrn verfläng'.

Sin Bran siß kräft', sin Blick, dei draug,  
 Krähn'sch smitt hei 'n Kopp in 'n Nacken.  
 Sin Og' so stolt flüggt awer dei Schaug  
 Un röppt Verachtung uppe Backen.  
 Dor stahn dei Memmen in 'n swartet Baret  
 Un krumm as dei Bægels vonne Sagen,  
 Ehr Gesicht's as Vagelmöten dat lett,  
 Un ehr Backen so grisen gragen.  
 Gore nāsterbleift liggt 't ehr um 'e Nās',  
 Un ehr Og' plirt māud' dörch dei Brillenglāf'.

Sei fragen em dat un fragen em dit  
 Un steßen dei Köpp tausamen.  
 Doch awer dei Lippen kein Wurt em glitt,  
 As gāng' 'e Seel up anner Tramen.  
 Dor maßt dei Arger siß nah' ehr ran,  
 Sei warden em foppen un narren:  
 „Je, Herring, nu fast woll glöwen dran,  
 Dat sall di begrismulen warren,  
 Denn ihre dat nochmals dagen ward,  
 Dor sælen dei Raben di plücken von 't Rad!'“

Bei Her' hürt dat Wurt, un dat Hart ward ehr brenn'n,  
 Dat sei den Schönsten vonne Rütters  
 Hadd liefert um Sünnenlohn inne Hänn'n  
 Von Kopmann'seelen un Slüters.

Un weer doch so leif un keef so heit, —  
 Sei spört noch an 'n Hals sin Eien, —  
 Un hei weer so stark. — Ehr kümmt dei Sweit,  
 Sei kann siß ehr Freiheit nich freuen.  
 Ehr Blaut stiggt up, sei kann siß nich törn,  
 Un drängt siß ümmer wider nah vörn. —

O Herr du meins! Wat ward 't för 'n Carm!  
 Wur pläzt dei Schaug vör Ingsten.  
 Wur jüst noch dei Herz siß nehm in 'n Arm,  
 Dor löppt nu 'n kahlswarten Hingsten.  
 Dei schüfft siß nah den Grafen ran  
 Un schurrt mit 'n Hauf dei Jrdn,  
 Un fikt em gore biddend an:  
 „Vergewen S' mi min Daun un Birden,  
 Stigen S' up, Herr Graf, breid is min Rügg,  
 Bring' seker Sei wedder nah 'r Burg taurügg.

Stigen S' up, Herr Graf, ik holl rein still'n,  
 Mag sin min Freiheit inne Wicken,  
 Ik gew mi Sei ganz, daun S' mit mi, wat S' will'n,  
 Ehr Jock ward tau swer nich drücken.“  
 Un dei Graf grippt inne Mäh'n mit faster Fuß,  
 Ein Satz! un hei is haben,  
 Un dei Rapp wedder as dei Stormwind fust  
 Öwer Stein un Mur un Graben.  
 Hal ein! hal twei! hal drei! bargan.  
 Gaut pagten tausam jo Mähr un Mann!



### Dei Marodör.

Wat stehnt un klagt döörch dei Sommernacht,  
 Dortwischen ein Knacken un Ruffeln sacht. —

Dei Marodör slicht awer 't Slachtfeld hen,  
 As kräppt dor ein grote, grise Spenn.

Hewt hier ein Eiß, grippt dor inne Tasch  
 Un horft denn wedder inne firn mal rasch.

Snitt af ein Schärp, rowt hier ein Klock,  
 Ritt dor einen blanken Orden von 'n Rock.

„Wat! — Wist di noch wehr'n, du anschaten Hund! —“  
 Ein Slag mit dei Fuß, un still is dei Mund.

Bi sinen Herrn höllt Wack dat truge Pird,  
 Fett häng'n dat Höwt so furlos taur Ird.

„Hallo, du kümmt mi gor gaut tau paß!“  
 Hei springt in 'n Sadel un ritt förbaß

Den Weg an 'n Holt, längs Ruhr un Reit,  
 Bet in 'n Osten dei Morgen gragen deit.

Dor stiggt vör em up ut Heid' un Brof  
 In dichten Stripen dei Lagerfürrof.

Un Bajonetts blänkern hell inne Sänn —  
 Dor will hei sit wenn'n nah 't Dickicht rin.

Doch ward dat achter em 'n Geweß' mit 'n Mal:  
 Dei Trumpeter tut't dat Alarmsignal.

Un sin Pird spigt dei Uhren un steiht uppe Stell,  
 Ward dreihn den Hals, ward fiken so hell!

Un wedder von frischen dei Trumpeter blas't.  
 Hei! wur 't dor ümwennt un fixen furtraf't.

Den Ton ümmer nah dörch Busch un Bom,  
 Dei Rider ritt as för dull an den Tom.

„Wist stahn, du Deusching! Wist stahn uppe Stell,  
Süß garw is tau Ledder di nahst dat Fell!“

Doch nugt kein Hollen, doch nugt kein Schell'n,  
Dat Pird sus't as ein Piler æwer'n Fell'n.

Dei Mästern so wit, den Kopp nah vörn:  
Dei Rider kann sin Koss nich mihr törn.

Hei sitt as ein Ap uppen Rüggen dor  
Un klaspert sik fast an dei Mähnenhoor.

Hei klemmt sin Bein um den smallen Buß  
Un sackt ümmer deiper tausam inne Huß. —

So sus't dei fohrt, so ras't dei Ritt,  
Bet wedder dat Pird steiht in Reih un Glied.

Kingsüm, dor schauwen sik Mähr un Mann  
Un glupen den afrehten Gesellen an.

Dei schuddert, un ward ball bleif, ball gel,  
As seet em dei Hemptragen al ümme Kehel. —



### Dat Waßbild.

Lehr Mann, dei weer so fram un still'n;  
Wild sei un breit in dei Spanten.<sup>1)</sup>  
Hei tröck nah Rom um sin Sün'n will'n;  
Sei häng' sik an 'n frömm Scholanten. —

„Un is din Leiw so grot tau mi,  
Heß Murr in Knick un Knaken,

<sup>1)</sup> Häften.

Denn weit if woll 'n Middel för di,  
Dat du mi ämmer kånst strafen.“ —

Sei hal'te söß Pund Waß dunn ran,  
Den wör sei fngden un striken,  
Un wör ein Bildwarf maken dorvan;  
Ehr'n Mann up 't Hoor ded' 't gliken.

Wör stellen dat in dei Stuben up  
Un 'n flitzbagen ehr'n Leiwsten ggeben,  
Den stünn up 'n Vörkopp Drupp an Drupp,  
Hadd nie nich schaten in 'n Egeben.

Sin bewrig Hand, dei reet dei Sçhn;  
Dei isern Piler müß hurren.<sup>1)</sup>  
Doch slög' hei blot 'n Stück Kalk von 'n Bæhn  
Un wör tau Bodd'n wedder surren.

Nochmal lëb' hei 'n Bolt in inne Krillen<sup>2)</sup> hild  
Un treckt dei Sçhn inne Karben.  
Dei Piler dröp anne Sit woll 't Bild,  
Doch wör 't kein Wunn taun Starben. —

„O je! — heft einen Schuß noch blot,  
Nu dau man tapfer di hollen!  
Kumm neger ran un ziel uck got,  
Säs büß du den Dod verfollen!“<sup>3)</sup> —

Sei streef em dei Hoor ut dei sweitig Möt,  
Sei bödd' em taun Kuß dei Rippen.  
Dat Blaut em wild dörch dei Aldern göt,  
Em quüchten vull Hast dei Rippen.

Un neben em emert<sup>4)</sup> dat vullböstig Wif.  
Un lurt dei Dod uppe Hacken

<sup>1)</sup> mit brummendem Geräusch fliegen. <sup>2)</sup> Kille. <sup>3)</sup> Diese Anschauung war im Mittelalter allgemein verbreitet. <sup>4)</sup> vor Erregung zittern.

Un rasen em kolle Schurs döörch 't Eif:  
 Hei ritt den Vagen anne Backen. — —

Unn're Armful <sup>1)</sup> döörch suft dei Piler in 't Swart  
 Un sleit up dat Döörflott hinner,  
 Un flüggt wedder trög un ward in 't Hart  
 Den jungen Vaganten drapen rinner.



### Gottsurteil.

Bei See brust buten mit willen Schall,  
 Binnen maßt dei Met so feit un krall.  
 Jarl Iron, dei hett dat grösste Wurt:  
 „Wat fall noch länger 't Striden?  
 Min Öllervadder sprüng' as irst anne Burd,  
 As mit dei annern ded' gliden  
 Sin Barß hier up den witten Sand,  
 As dunn uns' Dörfohr'n kemen in 't Land.“ —

Bei See brust buten mit willen Schall,  
 Noch düller rast dei Red' inne Königshall.  
 Dei König bewert as unner 'n Braß dat flaß,  
 Sin Snurrbortenn'n, dei spalkten.  
 Sin Backen wör'n ball rot, ball blaß  
 As 'e Wänn rings, dei frisch kalften.  
 „Ein Lump häßt, wenn 'e nich längst ein wirft,  
 Min Ahn wör König, wil hei dei irst!“

Bei See brust buten mit willen Schall.  
 Wat wör 't ein Snatern awer den fall:  
 „Nie weer Kläneri för Kirls wat wirt!“  
 So daun dei einen täuschen.

<sup>1)</sup> Vertiefung am Schultergelenk.

„Hewwt ji nich Arms un Schild un Swirt?“  
 So heken dei annern dortwischen.  
 „Bi 'n Opferstein buten up Donars Eiland,  
 Mag 't Urtel Gott spreken mit eigen Hand!“

Dei See brust an 't Äuwer mit willen Schall  
 Un dreggt dat Boot an 't Eiland ball.  
 Un as ein Swölk dat trög wedder flog,  
 Dor bleben allein dei beiden.  
 Dor wör dat ein Kämpfen, Og' äm Og',  
 Dor up dei stillen Heiden.  
 Dei Swirt, dei susten äm Kopp un Uhr'n,  
 Dei beiden stannen as dei Mur'n.

Dei See brust an 't Äuwer mit willen Schall.  
 Wat steiht dor an 'n Auken för 'n Wulkenwall?  
 Un stiggt, un mit em kümmt dei Storm  
 Un lett dat Water swelllen;  
 Un brummt, as seet hei ganz vull Horn,<sup>1)</sup>  
 Un pläugt so deip dei Wellen.  
 Un ward mit ehr æwer 't ganze Eiland teihn,  
 Nüms hett dei Opferstäd' wedderfeihn.

Dei See brust an 't Äuwer mit willen Schall,  
 Still stahn sei all vör dei Königshall.  
 Dei oll Preister smitt dor Runen still:  
 „Æwer gaude Öllern sælen Gören  
 Sij freuen — so is Wod' sin Will —  
 Doch 'n Eigenwirt s' nich böhren.  
 Wat ein sülwst deit un ein sülwst kann,  
 Dat is 't, dat makt den Kirl taun Mann.“ —

Dei See brust an 't Äuwer mit willen Schall,  
 Swigsam gahn s' nah ehr Hauwen all.

<sup>1)</sup> Hornisse.



# Inhalt.

## Twelicht.

©187

Taur Döp . . . . .	5
--------------------	---

### I. Redenrimels.

Ein Lied . . . . .	9
Rulle, rulle Wagen . . . . .	10
O'wer den Tun . . . . .	11
Grisen — gragen — grau . . . . .	12
Sagen . . . . .	13
Eija . . . . .	13
Dierblatt . . . . .	15
Kakeln . . . . .	15
Rufe, rufe, Wind . . . . .	16
Dufende . . . . .	17
Reihen . . . . .	18
Dei Recht! . . . . .	19
Son sall 't sin . . . . .	20
Taun Utfaufen . . . . .	22
Deiper . . . . .	28
Unnschen . . . . .	24
Gah von mi . . . . .	28
Taur langen Nacht . . . . .	29
Flackerfür . . . . .	30
Is nix . . . . .	31
Tauf! . . . . .	31
Schelmchen . . . . .	32
Mai . . . . .	33
Königin . . . . .	34
Du glöwst . . . . .	35

	Elb'
Min Best . . . . .	35
Koden . . . . .	36
Mudder Wittsch, Mudder Wittsch . . . . .	37
Weer if — hadd if . . . . .	37
Dat is nich schön von di . . . . .	38
Dirnsgeanken . . . . .	39
Abend . . . . .	40
Woll half in 'n Drom . . . . .	40
Ilpe Dän . . . . .	41
Dörjahrsnachten . . . . .	42
Schep . . . . .	43
Wat büß? . . . . .	44

## II. Seelenfegg.

Weit woll . . . . .	45
Schicksal . . . . .	46
Swermant . . . . .	46
Dei Regenflanken . . . . .	47
Wur büß du? . . . . .	48
Kif' un Ind! . . . . .	49
Kein Angst . . . . .	50
Tit . . . . .	50
Middelweg . . . . .	51
Tit un Ewigkeit . . . . .	52
Kinkerlipkens . . . . .	53
Dörwärts! . . . . .	54
Ogen . . . . .	55
Fragen . . . . .	55
Wider . . . . .	56
Wat 's dat? . . . . .	57
Um Mitternacht . . . . .	59
Jan Almann . . . . .	60
Weigen . . . . .	61
Jesus . . . . .	63
Selig sünd, dei dor hungert . . . . .	64
Sünndag . . . . .	65
Drachbartels rut! . . . . .	67
Du allein . . . . .	68
Lebensmant . . . . .	69

	Seit
Wulfen, Waggen, Wind . . . . .	70
Ja . . . . .	71
Rut! . . . . .	78
Ahn Gedäch . . . . .	75
Sünndagsfinner . . . . .	76
Kinner . . . . .	76
Man los! . . . . .	77
Gründschaft . . . . .	78
Min Sehnsucht ehe Kinner . . . . .	79
Dotzlag . . . . .	80
Ein Schnitt . . . . .	81
Geburtsdag . . . . .	82
Mudder Jrd' klagt . . . . .	83

### III. Biller.

Wen geist dat? . . . . .	86
Karkentorm . . . . .	87
Schaffensstunn . . . . .	87
Eranen . . . . .	88
Slapen gahn . . . . .	89
Bimzglang . . . . .	90
Dräpping . . . . .	91
Dau 't nich! . . . . .	98
Märken . . . . .	94
Hollerbusch . . . . .	95
Mchter 'n Tann . . . . .	96
Maschinen . . . . .	98
On Fiedelmann . . . . .	98
Graffstäden . . . . .	101
Dörjohr . . . . .	102
Nah 'n Johr . . . . .	103
Sommermetten . . . . .	104
Bläder-Lustlöst . . . . .	106
Wihnachten . . . . .	107
Katt un Mus . . . . .	108
Nacht . . . . .	109
Dann . . . . .	110
fürschin . . . . .	111
Glück bei Bär! . . . . .	118

	Seit'
Brustband . . . . .	114
Besäuf . . . . .	115
Dei franke Dirm . . . . .	116
Verliggen . . . . .	117
Up dei Straten . . . . .	119
Winterabend . . . . .	120
Dei mächtigst Monarch . . . . .	121
Surpöttig . . . . .	123
Dei Drei . . . . .	124
Dat helpt . . . . .	125
Swaffenvadder . . . . .	126

#### IV. Balladen.

Dei höhere Herr . . . . .	127
Nah ft . . . . .	128
Muskant . . . . .	129
Jmmen . . . . .	130
Sin Sorg' . . . . .	132
Künstler . . . . .	133
Hans von allen Høgen . . . . .	136
Dei nige Kottenfänger . . . . .	138
Witte Rosen . . . . .	141
Dei Däppeler Schanzenmarsch . . . . .	143
Dei Herr Hoffnidermeister . . . . .	147
Dei sang . . . . .	148
Dei Kulengrøwer . . . . .	149
Dat düster Dur . . . . .	152
Heimweh . . . . .	156
Dei Heg . . . . .	159
Dei Marodör . . . . .	163
Dat Waßbild . . . . .	165
Gottsurteil . . . . .	167



.





HW 2H9V D

7/11



2, 50

for